

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 920

Wik i stat long Fonde Februeri 20, 1992.

40 toea

Oposisen i pasim maus long ilektorel fan mani

DOMINIC KAKAS i raitim

bilong gavman long bihainim lo bilong yusim dispelaol EDF mani."

Tasol em i tok Oposisen i no laik lukim pes bilong ol dispela EDF mani long neks yia. Mani bilong go insait long ol dispela fan i mas go stret long ol provinsal developmen atoriti, siti o taun kaunsil bilong mekim wok. Olsem bai dispela mani bilong ol liklik projek i ken go stret long ol pipel.

Nesenel minista i bosim ol ilektorel mani na ol arapela wok edministresen i laikim olgeta nesenel memba i kisim ol ilektorel

developmen fan (EDF) mani bilong ol.

Na kos bilong dispela bai inap long K10.9 milien bilong go long olgeta 109 memba bilong palamen.

Edministretiv minista William Wii i laikim olgeta palamen memba i mas kisim ful EDF mani bilong ol. Na i no hap tasol.

"Ol ilektorel mani i kam aninit long lukaut bilong mi olsem minista. Na mi laikim olgeta memba i mas kisim dispela mani. Ol memba husat i kam bihain bai i gat sans long yusim sea bilong ol

long 1997 ileksen," Wii i tok.

Minista i tok ol memba husat bai kam nau i no inap kisim bilong ol long narapela 4-pela yia. Tasol ol bai kisim sans long narapela ileksen yia.

Wii i mekim ol dispela toktok bikos em i no amamas long sampela pablik sevan husat i daunim dispela tingting. Ol dispela lain pablik sevan i laik stapim o daunim mak bilong EDF mani em ol nesenel memba bai kisim. Em i tok dispela mani i stap pinis. Tasol olsem long soim gutpela pasin, em bai askim kabinet long

oraitim em gen long givim dispela mani long ol memba.

Tasol i luk olsem planti pipel na grup i egensim yet tingting bilong ol nesenel memba long kisim EDF mani bilong ol.

Dairekta bilong Luteran Sios Sosol Konsens opis long Lae, Pasto Mutengke Wahazokac i tok opis bilong em i no amamas long dispela tingting. Em i tok Ombudsmen Komisn na ol trabunel i wok long sekap yet long ol memba. Olsem na dispela EDF


i go moa long pes 3

Somare na Bai i papa long nupela wel na ges kampani

REJISTRA bilong ol Kampani i no bin putim nem bilong nupela wel na ges kampani olsem bilong stet. Long wanem ol bai rejistaim dispela olsem wanpela praivet kampani.

Olgeta sea bilong dispela kampani bai stap long han bilong tupela bikman bilong Papua Niugini, Foren Afeas minista Sir Michael Somare na seke-

i go moa long pes 2



INSAIT

- NCDC katim nau ol paip wara...p2
- Kerema-tinpis taun...p9
- Bla i pas yet long Enga...p3
- Manus oraitim pis projek...p17



HINO. BOS BILONG OL HAIWE.

Ela Motors

PORT MORESBY 22 9400 LAE 43 3655 RABAU 92 1988 MADANG 82 2188 GOROKA 72 1844 MT HAGEN 52 1888 WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 ORGERA 508203

EM 4087

Enga Katolik bisop askim ol lida long no ken baim vot

KATOLIK bisop bilong Enga i tokaut olsem 1992 nesenel ileksen bai i no inap gutpela sapos ol manmeri i no bihainim stret lo bilong ileksen.

Bisop Herman Raich i tokaut long wanpela redio brokas olsem ileksen long Enga bai i no inap gutpela sapos ol manmeri na ol kendidet i baim ol vot. Ilekse i no maket ples bilong salim ol vot.

Katolik lida i tok planti manmeri popaia long as tingting tru bilong ileksen. Ilekse em wanpela samting we ol pipel i fri long votim ol lida long makim ol long gayman.

Em i tok pawa bilong ranim kantri i stap wantaim yupela ol pipel. Olsem na ileksen i givim sans long yu long ranim kantri na i no bilong salim vot bilong yu i go long man husat i givim gutpela gris.

Bishop Raich i tok kain kain man bai resis long ileksen. Em i tok ol lain husat i i laik baim vot i no gat kain pawa olsem lida long kisim vot long stret-pela rot.

Em i tok as tru bilong ol lida i kamap em long makim ol pipel bilong ol na go pas long mekim samting na i no long karim moa mani long Mosbi i kam long ol provins.

Bisop i tok sapos planti lida i win long mani, bai sosaiti i gat ol lida nogut.

NCDC rausim nau sampela paip wara em ol manmeri yet i wokim

NESENEL Kapitel Distrik Komisn (NCDC) nau bai rausim paip wara bilong ol manmeri long Mosbi em ol yet i wokim.

NCDC i mekim dispela long stapim ol manmeri long westim nating wara. Na tu long kisim bek sampela mani em ol pipel i no bin baim wara long 1989 i kam inap nau.

Sispela wokman bilong NCDC wantaim ol yut bilong Hohola i raun nau long rausim ol paip. Na tu kisim mani long ol lain husat i no baim wara long longpela taim tru.

Ol kuskus bilong NCDC i stap tu long dispela operesen. Wok bilong kuskus em long kisim komplem bilong ol lain em ol wokman i rausim paip bilong ol.

Operesen i stat long Gerehu na bai stap long Tatana na Hanuabada viles. Operesen bai karamapim samting olsem 15 haus long wan wan de stat long 8 klok moning i go inap

long 2 klok apinun.

Bipo pe bilong pipia na graun i go bilong ol yet. Tasol stat long 1990 inap nau, olgeta samting i bung. Olsem na maski sapos ol manmeri i baim wara, NCDC bai rausim wara bilong ol sapos ol i no baim ol narapela samting.

Wanpela mausman bilong NCDC i tok sampela manmeri i gat hevi long wara. Olsem na ol i wokim paip bilong ol yet. Na i gat ol narapela husat i save pret long go long ol bikpela opis na toktok. Olsem na kuskus bai stap tu long operesen.

Wok bilong kuskus em long painim maut long wanem as tru na sampela manmeri i no save baim hariap wara. Sampela em bikos pepa bilong pepa wara i save go long ol rong lain.

NCDC i save sasim K15 long wara bihain long 4-pela mun, na K8 long liklik rabis tin, na K28 long bikpela rabis dram.

Betty opim rot bilong bilum bisnis long Kagamuga

WILLIAM KOTSON
i raitim

OLGETA pasindia husat i go kamap long Kagamuga ples balus long Hagen bai lukim wanpela meri i sindaun salim bilum long hap.

Dispela meri em Betty Robert bilong Pangia long Sauten Hailans provins.

Betty i tok em i bin namba wan meri long statim dispela bisnis bilong salim bilum long Kagamuga ples balus. Na em i bin stap mekim olsem inap long 10-pela yia nau. Bihain ol arapela meri i lukim na bihainim em.

Bisnis bilong Betty i save stat long 7 klok moning i go inap long 6 klok apinun olgeta de long Mande i go inap long Sarere.

Prais em Betty i save sasim long ol bilum bilong em i save stat long K30 na i go antap long K100. Long taim i gat ol turis i go lukluk raun long hap, Betty i save kisim samting olsem K250 o K300.



• Betty Robert bilong Pangia i sanap wantaim ol bilum bilong em long Kagamuga ples balus long Hagen. Foto: William Kotson.

Long ol arapela de nating, em i save kisim namel long K100 na K120.

Meri Pangia i tok bisnis bilong em i go het gut bikos balus nau i

save ron stret namel long Hagen na Cairns long Australia. Tasol dispela i no tumas long wanem planti arapela meri tu i save go salim bilum nau long Kagamuga ples balus.

muga ples balus.

Betty i no klia yet long wanem samting em bai mekim long dispela mani em i kisim long salim ol bilum. Tasol

Betty i tok em bai go het yet long wokim na salim bilum inap em i les. Na bihain ating em bai yusim mani bilong bilum long wokim wanpela haus long ples.

Somare na Bai papa long kampani

i kam long pes 1

teri bilong dipatmen bilong Prais Minista, Brown Bai. Na stet i no gat wanpela nem long dispela kampani.

Dispela tupela man bai papa long hap hap sea bilong dispela wel na ges kampani, PNG Gas and Oil Company Pty Ltd. Tupela wantaim bai i gat 50 pesen sea.

Dipatmen bilong Tred na Industri i bin givim ol pepa bilong rejistaim dispela kampani i go long rejistra tupela wik i go pinis. Ekting Rejistra bilong ol Kampani, Tim Mairi i tok no gat wanpela samting i stap long aplikesen i tok sapos dispela kampani i bilong stet o em i praiwet. Olsem na ol i stapim bilong sekap gut long dispela aplikesen.

Em i tok sapos i gat tok orait bilong wan wan man long baim sea long nem bilong stet, orait dispela tok klia bai stap long pepa. Tasol no gat

wanpela toktok i stap antap long pepa i tok Sir Michael o Brown Bai bai gat 50 pesen wan wan sea long dispela nupela wel na ges kampani.

Tok save bilong dispela i go bek long dipatmen bilong Tred na Industri na ol i rausim aplikesen long Februari 6. Long Fraide, wanpela waitman i tok em i kam long opis bilong Sir Michael na i laik rausim aplikesen.

Long Mande, dipatmen bilong Tred na Industri i salim olgeta pepa i go long opis bilong praim minista.

Seketeri bilong Tred na Industri, Robert Igara i tok em i wok bilong dipatmen long givim ol pepa na aplikesen olsem i go long Rejistra bilong ol Kampani long rejistaim.

No gat wanpela man long opis bilong praim minista inap toktok long dispela. Olgeta tok save bilong bekim telipon i go lus nating.

Ila lusim wok minista na bai i stap memba nating

SAM VULUM i raitim

MINISTA bilong Leba na Emploimen, Tony Ila bai i no inap long mekim wok olsem minista inap Lidasip Traibunel i pinis long harim kot bilong em.

Spika bilong Nesenel Palamen, Dennis Young i tok em bai stap olsem memba tasol Prais Minista, Rabbie Namaliu bai mekim tingting sapos em (Ila) i ken go het na wok minista o nogat.

Tasol long wankain taim kot bilong em i go het. Lidasip Traibunel i bin bung long Mande na em i bung gen long Trinde.

Ila i tokaut long Trinde olsem em i tru olsem em i brukim sampela samting long 27 sas insait long dispela 43 sas olgeta.

Siaman bilong Traibunel, Jastis Moses Jalina i tok Ila bai kamap gen long kot long Mas 4 long bekim ol askim bilong traibunel bilong dispela 27 sas.



• **MOSBI:** Wanpela man i dai na 11-pela manmeri i kisim bagarap na slip long haus sik. Ol dispela manmeri i bin kisim bagarap taim wanpela PMV bas na wanpela Ford trak i baim long Waigani rot long Mosbi siti.

Ripot i tok man ya, Elape Liwi bilong Walet viles long Tari, Sauten Hailans provins. Liwi wantaim 11-pela pasindia ya i stap long PMV bas. Na bam wantaim wanpela Ford flat-top ka. Plis ripot i tok dispela ka i ron spid long Gordens we. Na abrusim rot na suvim het wantaim bas ya. Draiva bilong dispela ka i ranaw. Ol plisman i painim yet long holim dispela man.

MOSBI: Plis ripot i tok wanpela ka i ran antap long wanpela man Tatana long Mosbi.

Dispela birua i kamap long Hiritano haiwe long 4 klok Sande moning. Nem bilong man ya, Boga Lohia husat i dai long planti bagarap em i kisim long skin bilong em.

Ripot i tok taim ka i ran antap long em, draiva i no stapim ka em i givim siksti i go hait. Nau yet! plisman i painim draiva wantaim ka bilong em.

GOROKA: Plis ripot i tok tripela man i dai long katres bilong gan. Nau yet ol plisman long Goroka i kamap long balus long painim aut long husat man stret i kamapim dispela birua.

Plis ripot i tok wanpela balus bilong MAF i salim dispela ripot. Tasol ol plisman i no save yet long dispela birua. Nau ol plisman i kamapim sampela wok painim aut yet.

ENGA: Tupela wan pisin long Enga i pait. Pait ya i kamap bikos ol wan pisin bilong Koma i bilip olsem wanpela man bilong Okong i mas kilim wanpela man long ples bilong ol. Olsem na ol statim pait long Aimalopos viles namel long Koma na Okong. Ol wan pisin bilong Koma i putim paia long haus na bagarapim planti gaden kaikai.

Nau yet sampela plisman long Wabag i bin kamap long wiken long lukautim dispela ples na tu lukluk long stapim hevi kamap bihain.

HAGEN: Plis ripot i tok vot long Hagen i kamap orait. Ripot i tok olgeta wok i orait na ol plisman i amamas long gutpela sapot ol pipel bilong Hagen i givim long taim bilongvot. Nau yet ol i lukluk long dispela gutpela pasin bai kamap long taim bilong nesenel ileksen.

SIMBU: Ol manmeri long Kundiawa i no wari long paia. Bikpela tingting em long kisim ol samting paia i bagarapim long Kundiawa Hotel

Ripot i tok paia i daunim dispela hotel long las wiken. Planti manmeri i kisim ol gutpela sia na tebel. Tasol i no gat man i dai long dispela birua. Nau yet ol plisman i painim yet wanem samting i kamapim dispela paia. Na pinisim namba wan hotel bilong Simbu.

MOSBI: Wanpela meri i kisim taim long sap bilong naip long Sarere nait long olgeta hap long bodi bilong em.

Plis ripot i tok Ruti Eta i bin painim dispela birua long Lahara Sevice Station long Boroko long 10 klok nait.

Ol ami i helpim em long ka tasol em i dai taim em i kamap long doa bilong haus sik. Ol plisman i painim aut yet long man husat i go pas long kilim Eta.

GOROKA: Tupela bikpela stil pasin i bin kamap long Goroka long Sarere nait. Ripot i tok ol raskal i bin brukim opis bilong TNT long Bird of Paradise Hotel long na kisim planti samtingbilong kampani.

Wankain pasin ol i kamap long opis bilong wanpela smok kampani klostu long ples balus. Ol plisman i no holim wanpela man yet. Na ol i painim yet ol man husat i go pas long em.

1992 ileksen
via long Wes
Sepik bai i
narakain tru

DISPELA ileksen via long Wes Sepik provins bai i narakain liklik.

Long wanem bai i gat tupela ileksen long provins. Wampela em nesenel ileksen na narapela em provinsal gavman ileksen.

Wampela komyuniti lida long Vanimo, Clement Anowan i askim nau ol pablik sevan long provins long bihainim gut Pablik Sevis lo bilong politik.

Em i mekim dispela toktok bikos planti pablik sevan nau long provins i laik pilai politik. Ol i no tingting long wok bilong ol long helpim ol pipel.

Em i tok ol wokman na meri bilong gavman i no save bihainim moa lo bilong Pablik Sevis ekt we i tok ol pablik sevan i no ken pilai politik.

Em i go het na tok em i luksave pinis long ol pablik sevan bilong Aitape husat i wok long helpim ol kendidet bilong dispela tupela ileksen. Dispela pasin bai kamap long planti liklik hap bilong provins we ol gavman opisa i sindaun long en.

Clement Anowan i tok ol pablik sevan olsem ol kiap i ken go pas long wok dispela tupela ileksen long provins.

Las kibung bilong palamen

LAS kibung bilong ol memba nau i stap long palamen bai kamap long neks wik Tunde. Na kibung bai stap inap long tupela wik.

Ol memba bilong nesenel palamen bai skelim tu tripela nupela pepa:

- ripot bilong spesel komiti long hevi bilong Bogenvil;
- nupela bil minista bilong Egrikalsa Tom Pais bai autim long senisim sapta 400 bilong Welpam Industri Stebilaisesen Fan ekt; na
- memba bilong Kagua/Erave Soso Tomu bai askim palamen long oraitim tingting bilong salim sampela mausman bilong ol papa graun long hap em kampani i painim wel long en aninit long Petroleum Prospekting Laisens 56 i go long ovasis long stadi na ripot long wok bilong painim wel long kantri.

Provinsal Afeas minista Pater John

Momis bai askim palamen long crait na rausim yet pawa bilong Not Solomons provinsal gavman long narapela 6-pela mun.

Minista bilong Hom Afeas na Yut, Mathew Bendumb bai toktok long kamapim wampela Papua Niugini Spots Komisn.

Edministretiv minista na nesenel memba bilong Not Waghi, William Wii bai toktok long nupela lo bilong ol ileksen na wankain samting olsem.

Sampela ol pepa bilong ol memba long toktok gen long dispela las kibung em:

- ripot bilong ol minista long lo bilong nesenel fores, diwai na graun bilong yumi;
- ripot bilong Nesenel Primia Kaunsil sab-komiti long ol provinsal gavman; na
- ripot bilong nesenel yut sevis.

Bia long Enga
bai pas yet

BIKPELA tambu bilong bia long Enga provins bai stap yet inap taim Tindiwi i pundaun long gavman.

Na Enga provinsal gavman i givim tu ful sapot long toktok bilong primia bilong ol. Na dispela i min olsem sampela ripot i bin

kamap pastaim long bia i op gen long mun Julai i no tru. Dispela em bihain tasol long

nesenel ileksen.

Wampela minista bilong gavman, Lucas Yalipin i bin tokaut long dispela bilong stretim wanem samting sampela lain i tok em i bin autim.

Long NBC Redio KBM, wampela ripot i tok Yalipin i bin tokim wampela bung long Muritaka olsem gavman bilong Tindiwi i laik bringim gen bia i go insait long provins. Dispela ripot i tok Yalipin i tok bia i no as bilong olgeta trabel nau i kamap long provins. Bikos dispela ol hevi na trabel i wok long kamap yet.

Tasol long Tunde, Yalipin i tok gavman bilong Tindiwi i no gat laik long salim gen bia long provins.

Em i tok hevi bilong lo na oda i pundaun liklik bihain long ol i pasim bia. Na wankain tu long ol bikpela pait namel long ol hauslain.

"Gavman nau i tingting long strongim dispela na daunim hevi bilong lo na oda i go moa yet. Na toktok bilong opim gen bia long provins bai stap las tru long lista bilong provinsal gavman."

Olsem na Yalipin i tok wanem samting NBC i bin putim long nius ripot bilong ol i no tru.

Dispela em i no ol toktok bilong em.

Ol arapela wokman bilong gavman i tingting planti long kain ripot em ol niusman i save kisim. Ol i tok dispela kain ripot bai bagarapim olgeta wampela provins nau i bagarap pinis.

Tasol wampela mausman bilong NBC i banisim ol niusman na tok ol ripota i no save go harim narapela man i toktok na wokim ripot. Nogat. Ol i save go stap stret long taim bilong kibung na wokim ol ripot.

Em i tok long sait bilong NBC, ripota bilong ol i bin go wantai wampela teprikota na katim wanem toktok i bin kamap long hap.

Planti pipel tu long provins i no bin amamas tumas taim ol i harim olsem gavman i laik opim gen bia long Enga.

Tasol sampela man i toktok nau long kain blakmaket bisnis bilong bia nau i kamap long provins. Em i tok dispela bisnis i wok long go antap tru.

Lika Laisensing Komisn i bin putim lo bilong tambuim bia long provins. Na long 1992 baset bilong en, komisn i bin kisim K80,000.



NCDC katim ol paiap nau • NCDC i sekim nau long katim ol paip em ol manmeri yet i joinim. Ol wokman ya bai mekim dispela wok wantaim sampela yut bilong Hohola. Lukim ripot long pes 2.

Plis sasim pinis memba bilong Kikori Oposisen pasim maus long EDF

SAM VULUM i raitim

MOSBI plis i sasim pinis memba bilong Kikori, Allan Ebu long paitim nating wampela wokman bilong Ombudsmen Komisn.

Metropolitan Suprintenden, Sam Inguba i tok ol plis i sasim pinis Ebu na em i kamap namba wan taim long Boroko Distrik Kot long Tunde.

Inguba i tok em i save tasol olsem Ebu i kamap long kot. Tasol em i no kisim ripot yet long wanem samting i bin kamap long kot. Wantok i traim long painimaut tasol i no gat ripot.

Ol plis i bin sasim Ebu bihain long em i paitim wampela wokman bilong Ombudsmen Komisn, Anton Jaeiec long Stop "n" Shop stua long Tunde, Februari 4.

Jaeiec i laik givim ol sampela pepa long Ebu long sainim na minista i no laik. Jaeiec i strong na Ebu, i belhat na paitim em. Ol dispela pepa i karim ol rekot bilong wok bilong Ebu em Ombudsmen Komisn i painimaut long en.

Long wankain taim tu, Ebu i lusim Bomana haus kalabus long Sarere las wik bihain long em i kalabus long siksipela de.

Nesenel Kot long Waigani i salim em i go kalabus bihain long em i sakim tok long givim ol rekot bilong mani em i yusim. Na ol arapela wok bilong em i go long Ombudsmen Komisn bilong lukluk long en.

Em i mas mekim dispela aninit long lo i lukautim ol lida. Tasol Ebu i bikhet na Ombudsmen Komisn i kisim em i go long kot.

i kam long pes 1
mani i no ken go long wampela nesenel memba.

"I no gat wampela ripot o mak i stap bilong soim yumi olsem dispela mani bai go long helpim kantri. Nogat tru. I luk olsem dispela mani bai go long baim ol vot na i no long wokim ol projek bilong helpim PNG long taim bihain."

Em i tok planti wok na

samting bilong bipo i stap wankain yet. Wampela em ol helt sevis. Maska planti milien kina i save go long ol EDF mani, dispela ol milien kina i save go we?

Pasto Mutengke i askim.

Em i tok long dispela, planti samting i bagarap na hevi bilong no gat wok i kamap bikpela nau.

FRI BAIBEL KOS
YU KEN KISIM SKUL
LONG SALIM PAS

Salim nem na edres long: WORLD BIBLE SCHOOL, Dept. VD22, P.O. Box 9346, Austin, TX 78766 USA



WANTOK

NIUSPEPA BILONG OL PAPUA NIUGINI STRET

OPM tok ol kilim 30 Indonesia pipel

Trupela lida em man

Singaut na kra i bilong pawa na biknem na mani i kamap ples klia nau.

Yumi ritim na harim olsem Ombudsmen Komisin i sekap long sampela lida, lidasip traibunel i skruim dispela wok long narapela kona, plis na kot i sasim narapela lida.

Dispela olgeta samting i kamap ples klia. Na yumi ol pipel i mas lukluk na skelim gut dispela. Mun bilong bikpela ileksen bilong kantri tu i wok long surik i kam klostu. Olsem na yumi mas tingim nau lida tru bilong ol pipel. I no wampela lida husat i laikim tasol mani na biknem wantaim namba (olsem tupela husat i laik kisim olgeta sea bilong wampela kampani em pastaim ol i tok i bilong stet).

Las sans bilong ol dispela trikman long pulim win nau em long kibung bilong palamen long neks wik.

Ol bai traim toktok na pairap bilong grisim ol pipel bilong ol. Olsem bai yupela inap harim na tok memba i gat taim na tingting long mipela. Ating i mobeta yupela i tingting gen sapos dispela em tingting bilong yupela.

Bikos olgeta samting i kamap ples klia tru nau. Watpo bai yumi oltaim i hangamap tasol olsem wampela doli long rop.

Vot bilong yu wan wan em i bikpela samting long ol. Tasol no ken pundaun long gris bilong mani em ol i givim yu. Bikos dispela mani i bilong nau tasol. Na hevi bilong taim bihain bai i stap i go moa yet.

DOMINIC KAKAS I raitim

RIPOT i tok ol OPM rebel paitman bilong Wes Irian i tok ol i kilim 30 Indonesia pipel

olgeta long Sota. Sota i stap samting olsem 100 kilomita longwe long boda bilong Papua Niugini na Indoensia.

Ripot i tok dispela

birua pasin em ol OPM paitman long Sauten koman i bin mekim lng Januari 24, 1992.

Dispela ripot i bin kamap long han bilong Wantok Niuspepa em

wampela OPM wokman bilong karim toktok i kisim i kam.

Ripot ya i tok samting olsem 30 OPM paitman i yusim strongpela samting bilong pait

olsem sot gan, na go insait long Sota patrol stesin long bikpela haiwe long Januari 24.


Dispela taim ol i kilim 8-pela plisman, 13 mieri na pikinini bilong ol plisman, na 9-pela bikman bilong Indonesia ami. Ol dispela soldia i bilong 751 Infentri Betalien long Merauke.

Wampela OPM memba i bin dai long dispela birua. Tasol ripot i tok wampela OPM memba yet i no lukluk gut na sutim wan lain bilong em.

Bihain long dispela birua, ol OPM paitman i kisim 17 sot gan na ol arapela strongpela samting bilong pait.

Bihainim dispela birua na moa long 300 Wes Irian i ranawe brukim boda i kam insait long Papua Niugini long Januari 24 na 26.

Ripot i tok OPM Komanda bilong sauten rijon, Bernard Mawen i givim oda long ol OPM paitman i mekim dispela birua.



Birua bilong rot • Long kain rot olsem Okuk Haiwe, ol ka i no save abrus long pamim narapela. Long olgeta de mas i gat wampela bagarap i kamap olsem dispela i bin kamap long wiken.

Ka kilim liklik boi bilong lalibu

LONG lalibu, plis i wok long painimaut long dai bilong wampela liklik boi. Ripot i tok wampela ka i bin bamim dispela boi na em i dai.

Dispela birua i bin kamap long las wik Sarere. Plis i save pinis long dispela ka olsem bilong Gumans Kopi.

Wantok Niuspepa i no bin inap long kisim olgeta ripot. Bikos ol plis i wok long panimaut yet.

Narapela samting em ileksen ripot. Plis ripot i soim olsem i no bin gat

trabel long taim bilong ileksen. Dispela wampela de ileksen i bin ron gut tru.

Sief Inspekta Geoffrey Kera i tok amamas i go long ol pipel bilong Sauten Hailans. Long mekim dispela ileksen olsem wampela gutpela ileksen-we i no bin gat trabel.

Em i askim ol pipel long stap isi long taim bilong kaunim vot. Kaunim bilong vot bai stat long Sarere 22, Februari.

Helt minista laik strongim lo we i tambuim smok long pablik ples

OL pipel husat i smok long ol eria we i tambu long smok bai baim fain long K1,000 na kam daun. Sapos ol i no baim dispela fain bai ol i go kalabus long 12-pela mun ol wampela yia aninit long Tobako Prodak (Helt Kontrol) Ek em gavman i bin kamapim long 1987.

Helt Minista Galeva Kwarara i tokaut long dispela insait long notis bilong wampela gavman Gazet Namba G6 long Januari 23.

Seksen 10 bilong Tobako Prodak (Helt Kontrol) Ek 1987 i makim ol ples we i tambu long ol pipel i smok.

Ol dispela ples em ol pablik trenspot olsem teksi na PMV bas, ol haus piksa na tieta, olgeta haus na opis bilong Edukesen ol skul, Helt na ol nesenel na provinsal gavman opis.

Na tu tambu long smok long ol balus we i flai insait long PNG. Dispela lo i no karamapim ol balus we i flai long praivet jata.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



Gavman i kisim askim long luksave long Sir John Guise

SINGAUT i go nau long nesenel gavman long sanapim wampela samting we olgeta manmeri i ken lukim na tingting Sir John Guise. Na tu givim mani long kamapim wampela skolasip, na givim nem bilong Sir John Guise long olgeta man i ken tingim wok em i bin kamapim long helpim gavman bilong Papua Niugini.

Dispela skolasip i bilong ol studen bilong PNG long stadi insait long kantri na tu long ovasis wantaim. Tingting ya em Dairekta bilong Kokoda-Buna Historikel Faundesen, Mclanren Hiari i tokaut long en.

Hiari i tok dispela Faundesen em i no inap stap aninit long lukaut bilong gavman. Tasol em bai lukautim wok bilong holim ol olupela samting bilong PNG.

"Gavman i no ken toktok nating na amamas long wok bilong Sir John Guise. Tasol em i mas kamapim samting we olgeta manmeri i ken lukim, na tingim wok bilong em long gavman," Hiari i tok.

Skolasip bilong Sir John Guise i mas stap aninit long lukaut bilong Praim Minista dipatmen. Na ol i mas lukluk long ol man husat i stap long wok bilong agrikalsa, pablik edministresen, edukesen, na ol arapela wok insait long gavman dipatmen, na kampani long kisim skolasip olsem long wokim gutpela wok bilong developim PNG.

Em i tok mani bilong skolasip i mas kam long ol kampani na gavman wantaim. Wankain program i save kamap long planti kantri olsem Amerika na Japan.

Hiari i tok moa olsem kain program bai helpim long trenim planti Papua Niugini manmeri. Na ol bai save moa long wok bilong ol. Mista Hiari i salim wampela pas i go long Praim Minista Rabbie Namaliu na tokaut long wampela pas em i bin kisim long Septemba 20, 1991 long dispela aida. Nau yet Hiari i tok em i no kisim wampela bekim i kam yet long Praim Minista Namaliu.



□ WANPELA man Sepik wantaim pikinini bilong em i go painim kiau bilong welpaul long bus. Papa tokim pikinini long stap longwe na em i go dikim graun long painim kiau.

Papa pendaun gut tru na mekimsave long painim kiau i stap. Trausis bilong papa i bruk liklik. Olsem na tupela kiau bilong em i pundaun na hangamap ausait i stap.

Pikinini kisim wantaim liklik stik na paitim stret tupela kiau bilong papa. Sem taim em i tokim papa, "Papa! Bol bilong yu i laik kaikai kiau ya."

Man papa i airaun na hetwin i go daun long graun. Pikinini kirap na spit i go pas long ples.

Benjamin Panga
WEWAK

■ TRIPELA kandre i go raun long Kreer maket long Wewak. Bikpela kandre kirap na salim tupela liklik kandre i go long stua long baim gris bilong kukim plaua.

Tupela kandre i paul na narapela i salim liklik kandre i go bek long bikpela kandre long painimaut gut long wanem samting em i laikim tupela long baim.

Man, bikpela kandre i mekimsave long kaikai buai na paitim gris wantaim ol poroman bilong em i stap. Liklik kandre spit i go na askim em, "Hei! Hei! Yu tok long baim wanem?" Bikpela kandre belhat na singaut long em, "Basted Dripping."

Orait em i go bek long stua na tokim narapela kandre olsem, "Em i tok long baim plastik Dripping ya."

Orait narapela kandre gen i paul na kirap baim Meadow Lea. Taim tupela kisim Meadow Lea i go, bikpela kandre i no wanbel.

A. Wambert
Is Sepik

□ KANAGE i go spak na kam bek long haus long biknait stret. Em i askim meri long kaikai, na meri i tok olsem no gat kalkai long haus. Man bel bilong em i paia olgeta. Bikos em i hangre nogut tru.

Em go insait long rum na mekimsave long paitim meri bilong em. Meri belhat na singaut strong olsem, "Yu ting mi olupela meri bilong yu indai indai kirap kirap, na yu paitim paitim mi."

Narapela de meri ya i kisim pikinini bilong em i go long haus sik. Pikinini i sik nogut tru. Em kisim marasin na tokim pikinini long dring marasin, "Dring kininkinin marasin wantaim wara wara."

Imelda Kay
DARU

■ LONG Krismas Kanage i go long Kainantu, na stap liklik wantaim tambu bilong em. Wanpela de tambu kisim Kanage na tupela i go long bus long katim karuka.

Kanage sindaun long as bilong karuka diwai i stap, na mekimsave long pulim spak bus. Tambu i mekimsave long katim ol karuka.

Kanage pulim spak brus pinis na lukluk i go antap long karuka diwai. Em tokim tambu, "Man karuka ya i no isi long karim."

Sem taim tambu katim wanpela i go daun. Ai bilong Kanaga i paul pinis. Em lukim wanpela karuka pundaun na ting olsem tupela i pundaun.

Karuka tru i pundaun long narapela sait. Na giaman karuka i makim stret Kanage na i kam daun. Kanage lukim dispela giaman karuka na i laik abrusim i go long narapela sait. Em muv i go long sait na karuka tru i givim gut wan stret long het bilong em.

Kanage pundaun na mekimsave long kaunim ol karuka long graun.

Cliff Esoke
YONKI

Ol timba
kampani no
baim
K125,000
royalti mani

MOA long K125,000 royalti mani em ol timba kampani long Namatanai eria bilong Nu Ailan provins i no baim yet i go long provinsal gavman. Olsem na Nu Ailan provinsal gavman i stapim ol timba wok long go het.

Namba tu provinsal seketeri bilong Fores, Dedon Logo i tok olgeta dispela kampani bai statim wok gen sapos ol i baim rayalti mani i go long gavman bipo long pinis bilong mun Mas, 1992.

Na wok bilong kisim timba bai stat long mun April. Logo i tok ol dispela kampani i baim pinis moa long K52,000. Na K73,000 i stap yet. Leytrac Pty Limited i bin laik statim wok bihain long nupela Envaironmen Plen i kamap. Tasol dispela wok i no kamap. Bikos hevi bilong royalti i stap yet.

Narapela tupela timba kampani husat i wok long dispela eria long 1987 yet em, Gaisho Pty Limited na Lomda Pty Limited. Dispela tupela kampani i stapim wok tu. Bikos ol i no bungim sampela askim bilong provinsal gavman. Opis bilong Minista bilong Envaironmen na Konsevesen i painimaut olsem dispela Envaironmen Plen i stap long Masta Plen.

Hevi bilong timba i stap yet.

No gat trabel yet long Sauten Hailans bai ileksen

SAUTEN Hailans bai-ileksen bai pinis long dispela wik. Ol pipel bilong Sauten Hailans bai save long nupela rijonal memba bilong ol long pinis bilong dispela wik.

Ripot i tok olsem i no gat ol trabel i kamap stat long namba wan

Namba bilong Vanimo haiskul studen i wok long go daun

FELIX RAMRAM i raitim

KLOSTU long 109 studen bilong Wes Sepik i no bin go long haiskul.

Dispela ol lain sumatin i pinisim gret 6 wantaim gutpela mak. Tasol ol i no go long haiskul.

Ol papamama bilong ol dispela lain sumatin i bin holim wanpela kibung na toktok long dispela hevi. Na ol i sutim strongpela toktok long provinsal Edukesen dipatmen. Ol papamama i tok dipatmen i no bin redim wanpela plen bilong daunim o pasim dispela hevi long kamap.

Ol i laikim nau olsem provinsal gavman i mas painim mani bilong stretim rot bilong ol dispela 109 sumatin. Olsem bai ol inap go skul long wanpela bilong ol 7-pela haiskul long provins.

Mausman bilong ol papamama, John Wotong i

tok gavman i no gat eskus long dispela.

"Wanem samting i kamap i soim olsem gavman bilong tude i no gat plen. Na tu i no gat gutpela man bilong wokim ol kain plen olsem," em i tok.

Ripot i tok bikpela namba bilong ol dispela 109 sumatin i bilong Vanimo yet.

Long bekim dispela, mausman bilong provinsal Edukesen dipatmen, Francis Sakei i tok ol i luk-save pinis long dispela hevi. Na ol bai traim stretim.

Sakei i tok asua i no stap long mani. Nogat. Asua i stap long ol haus na klasrum. I no gat inap klasrum na haus slip bilong ol dispela lain 109 sumatin long yusim.

Ol narapela ripot bilong dipatmen i tok askim i go pinis long kisim sampela mani long provinsal gavman. Dispela mani i bilong wokim moa klasrum long Vanimo na Sen Ignatius haiskul long Aitape.

Tasol i luk olsem dispela askim bai popaia. Bikos gavman i no givim yet sampela mani bilong wokim moa klasrum long dispela yia.



Belhat bagarapim bisnis...Papa bilong dispela PMV, Ignas Kubai bilong ples Saure long Wewak i kukim ka bilong em bihain long em i kros wantaim sampela lain. Ripot i tok Kubai i kukim PMV bilong em long Dasih nambis long Vanimo, Wes Sepik provins long 29 Januəri, 1992. Bikos em i kros wantaim ol lain husat em i gat dinau long ol.

Poto: Felix Ramram.

Bikbel brukim bel bilong man Simbu

STEVEN KADIKO i raitim

WANPELA bafalo o bikbel i bin brukim bel bilong wanpela man Simbu long Wes Nu Briten provins.

Dispela birua i bin kamap long Sande, 17 Februeri long 2 klok moning long Kapore welpam setelmen.

Dispela bikbel i bilong ol didiman long Kapore. Na i save stap tasol long banis. Tasol ol ripot i tok ol didiman opisa i bin kalap nogut olsem dispela bafalo i brukim banis na bagarapim dispela man.

Provinsal Laipstok opisa long Wes Nu Briten, Peter Aisa i tok ol bafalo i

no enimal bilong kros. Ol i gutpren bilong man. Tasol ol bai bagarapim man taim bel bilong ol i hat.

Em i tok, "Sapos ol man i laik traim sutim ol long diwai, paitim ol long strongpela samting o mekim bel bilong ol i hat, ol i no inap lusim tingting inap ol i bekim dinau."

Na dispela em wanem samting i kamap long man Simbu. Ol ripot i tok bafalo i bin brukim banis na i go brukim bel bilong dispela man long haus bilong em.

Ripot bilong Kimbe haus sik i tok dispela man i no luk gut tumas. Na balus i bin kisim em i go pinis long Nonga haus sik long Rabaul long Mande, 18 Februeri, 1992.

long 600 wok man bilong kamap olsem ol man bilong kaunim vot. Na ol i bin go kisim vot long 8-pela ilektoret insait long provins. Olgeta opisel bai kisim pe bilong ol long Fraide bihain long ol i wok.

Poling long 6-pela ilektoret i pinis. Ol dis-

pela ilektret em lalibu Pangia, Kagua Erave, Mendi, Nipa Kutubu, Koma Margarima na Imbongu. Poling long narapela tupela ilektoret bai kamap long Fonde 20, Februeri. Dispela tupela ilektoret em Tari na Koroba Kopiago.

Ol bisnisman long Is Nu Briten wetim yet Lens dipatmen

PLANTI liklik bisnisman long Is Nu Briten i wok long waitim yet Lens Dipatmen long givim ol tok orait. Dispela em long papa long sampela graun ol i bin aplai long en. Planti bilong ol dispela lain i wet moa long 10-pela yia nau.

Ol i save painim hat tru long kisim dinau mani long beng. Bikos ol i nogat dispela tok orait bilong Lens Dipatmen long soim olsem ol i papa bilong dispela ol hap blok ol i stap long en.

Dispela ol toktok i bin kamap taim Primia Sinau Brown i mekim wokabout bilong em go long Not Baining. Ol papa bilong blok insait long Mandres i bin askim primia long lukluk long dispela hevi.

Dispela em bikpela wari tru. Bikos ol i save painim hat long kisim dinau. Planti bilong ol dispela blok i noqat senis yet long ol

TU MINIT TINGTING

AI I SLIP NA YUMI NO INAP LUKIM HEVEN

"Taim tripela disaipel i kirap long slip, tripela i lukim lait i kamap long Jisas." (Luk 9:32)

OLTAIM long namba tu Sande bilong Len, yumi save ritim dispela stori bilong Jisas i kamap narakin long ai bilong tripela disaipel. Em i soim pawa na bilas bilong em; na tu em i soim wanpela liklik hap bilong heven long tripela. Em i mekim dispela bilong strongim bel bilong ol, bai ol i ken tingim gutpela ples bilong heven long taim ol bai painim hatwok na trabel long wok evanjelis bilong ol.

Yumi save sindaun gut na bihainim ol lo bilong God bikos yumi laik kamap long heven. Olsem na sampela taim ai na tingting bilong yumi i mas sut i go long heven. Tasol ating planti taim yumi no save, bai yumi mas lukluk i go long wanem hap bilong lukim heven. I gat wanpela stori long dispela samting.

Wanpela fama i gat wanpela hul wara i daun moa. Em i rau-

nim insait bilong dispela hul wantaim ol ston, na antap tu i gat wanpela liklik banis ston. Ol man i laik dring, ol i mas slekim wanpela baket i go daun long wanpela baklain na i pulim i kam antap gen.

Wanpela de wanpela draipela man i wokabout i kam na nek bilong em i drai nogut tru. Em i pulapim baket long wara na i pulim i kam antap. Na nau em i dringim planti wara long baket yet. Pinis, nau em i klinim wara long maugras bilong em na em i lukluk i go daun insait long dispela hul wara. Em i lukluk i stap na liklik boi bilong fama i lukim em na em i tingting planti. Em i laik save dispela draipela man i lukim wanem samting i stap insait long dispela hul wara. Liklik boi tu i laik i go daun, tasol em i no inap: em i sotpela tumas.

Orait, nau dispela hap man ya i

kirap askim liklik boi: "Yu save husat i stap insait long dispela hul wara?" Na boi i tok em i no save.

Nau bikipela man i tok, "God i stap insait long dispela hul wara."

Yu mas lukluk strong na bai yu lukim pes bilong em."

Manki ya i lukluk i go daun long wara na em i lukim piksa bilong pes bilong em tasol, na em i tok: "Mi lukim mi tasol."

Na nau bikipela man i tok, "Yesa, em i tru. Nau yu save God i stap we. Em i stap insait long yu tasol."

Jisas yet i bin tok olsem, "Kingdom bilong heven i stap insait long yu." Tasol sore, yumi slip tumas na yumi no save lukim. Ol tripela disaipel i stap long maunten wantaim Jisas, ol tu i slip i stap long taim heven i op na Jisas i toktok wantaim papa. Olsem Luk 9:32 i tok: "Bihain

tripela i kirap long slip, ol i lukim lait i kamap long Jisas."

Yumi tu i wankain. I gat kain kain samting i save pasim ai bilong yumi, na yumi i no inap lukim God o heven na ol samting bilong God. Sampela taim yumi yet i no laik lukim o tingim ol gutpela pasin. Mani em i wanpela samting inap long pasim ai tru.

Sampela manmeri i bisi bisi tasol na ol i no givim taim o spes long tingting liklik long God. Bel bilong ol i lus tasol long ol samting bilong dispela graun. Man o meri i save ran, ran, ran tasol; em i no gat taim long tingting. Bilong dispela na Jisas i kisim tripela poroman i go longwe long wok bilong ol na i go antap long wanpela maunten, we ol i gat taim na spes long tingting na lukluk.

Narapela samting i save pasim ai bilong yumi na yumi no inap



FRANK MIHALIC I RAITIM

lukim God na heven em hia: laip bilong yumi i ran gut tumas na yumi i no laik larim sampela nupela aida i kam insait na kapsaitim olgeta gutpela taim bilong malolo. Yumi no laik taitim bun; yumi laik drip tasol i go.

Sapos spirit na sol bilong yumi i slip tasol, yumi no inap long lukim ol samting bilong God i stap nabaut long yumi. Wok bilong relisen na lotu em i no long bringim yumi wan wan i go insait long heven. Nogat. Wok bilong relisen em i long bringim heven i go insait long yumi yet. Yumi mas lukluk insait long yumi yet, na yumi inap painim God, olsem liklik boi i bin painim insait long hul wara.

Lotu bilong blesim 1992 lo yia kamap long Lae

WANPELA bung bilong blesim wok bilong lo long Lae i bin kamap long mun Januari, 1992.

Wankain bung i save kamap long olgeta yia. Na i bilong blesim na givim tenkyu long God long wok em lo i mekim insait long kantri. Long

Lae long dispela yia, dispela bung i bin kamap iong 5 Januari, 1992.

Insait long dispela bung, ol plisman, loya, mejistret, pablik sevan na sampela bisnisman na meri i bin kamap. Bung lotu i bin kamap long Yunaited Sios long Kasowari Rot.



• Nesenel Kot jas, Jastis Tracy Doherty i toktok long ol plisman wantaim lo loya, mejistret, pablik sevan na ol bisnisman na meri.

Skul bilong wok relisen kamap nau long yunivesiti

I GAT 12-pela studen bai skul long wok relisen long Yunivesiti bilong Papua Niugini long dispela yia. Kos bilong ol bai stap inap long tripela yia.

Dispela kos bai wankain olsem Basela ov Ats digri (BA) long Histori Dipatmen. Na ol studen yet bai tokaut sapos ol i laik wokim dispela kos olsem wanpela mesa o maina skul.

Papua Niugini Kausil bilong ol Sios (PNGCC) i givim mani bilong ranim dispela kos. PNGCC i karamapim ol memba sios olsem Luteran, Katolik, Yunaitet, Eng-

liken, Salvesen Ami, Baptis sios na ol arapela memba grup bilong Yurop husat i stap wok nau long kantri.

Tisa bilong relisen stadi Dokta Joseph Hoffmann i tok dispela em i namba wan taim yunivesiti wantaim ol sios i ranim kain kos olsem. Bikos tupela wantaim i laik lukim dispela kos i kamap long UPNG.

Dokta Hoffmann i tok dispela kos i nupela. Tasol planti studen i soim pinis laik long en. Planti sumatin ol i kisim long dispela yia i bilong ol kain kain sios.

Em i tok UPNG i luk-

save pinis long dispela kos. Na bai helpim ol studen long save moa long ol wok bilong ol lotu na ol sios. Em bai helpim ol tu long luk-save long kain pasin bilong kristen bilip long ol arapela kantri. Na skelim wantaim ol kain kain pasin i wok long kamap long kantri bilong yumi.

Long namba wan semesta, skul bai sut long buk long Nupela Testamen. Na long namba tu hap bilong skul yia, ol bai lukluk long kristen pasin na wanem samting i kamap long ol sosaiti na komyuniti, wok bilong ol meri long sios na lotu na Olpela Tes-

tamen. Dokta Hoffman i gat bikipela save long wok relisen. Em i bin kisim wanpela dokta digri long Oksford Yunivesiti long Amerika. Pastaim long em i kam long Papua Niugini, Dokta Hoffman i bin tis long Kalifonia long Amerika inap long 10-pela yia olgeta.

Dispela kos nau bai i stap long han bilong ol sios. Bihain long 4-pela yia, em bai go long han bilong yunivesiti yet long lukautim na ranim.

Ol kain kain liklik kos na bung bilong dispela kos bai kamap long yia. Namba wan bung bai kamap long mun Ogas.

Ileksen De bilong Papua Niugini, Me - Jun 1992

Long Ogas na Novemba 1991, Nesenel Palamen i bin oraitim sampela senis long Konstitusinel Lo. Na dispela bai kamapim sampela bikipela senis long ol lo i lukautim wok bilong ileksen. Hia em ol dispela senis:


1. Constitution Amendment (Elections)
2. Organic Law on National Elections (Amendment No. 2) Law
3. Organic Law on the calling of Meetings of the Parliament (Amendment No. 1) Law.

Spika i redi nau ol senis long ol dispela lo. Na ol dispela lo bai i stap long wok bihain long ol i go insait long Nesenel Gazette. Het bilong Stet bai bihainim tok orait bilong Minista na bringim ol dispela nupela lo i go insait long Nesenel Gazette.

Hia em liklik hap ripot i soim ol dispela senis em bai i kamap bikos long senis long ol ileksen lo. (Mipela i laik tok klia olsem dispela em sotpela ripot tasol. Na sapos yupela i laik save moa o kisim ful ripot long dispela, yupela i mas lukluk long lejislesen).

1. **NOMINESEN FI.**
Nominesen fi i go antap nau ikong K1,000. Ol kandidate husat i winim ileksen tasol bai kisim bek dispela fi ol i bin baim, bipo ol i sanap long ileksen.
2. **BAI ILEKSEN.**
Sapos long sampela kain as na wanpela bai ileksen i kamap long las 12-pela mun i go pinis (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun).
3. **OL NOMINESEN DE.**
Namba bilong nominesen de i go daun nau long 7-pela de tasol.
4. **SAPOS KENDIDET I DAI**
Kendidet bai lusim ileksen sapos em i dai

- bipo long nominesen de i op, na bihain long lo (writ) i oraitim wok bilong ileksen long kamap i pas.
5. **OL DE BILONG VOT**
Taim bilong vot i go daun long 14 de tasol.
6. **HELPIM OL MANMERI HUSAT I NO SAVE RIT O RAIT LONG VOT.**
Ileksen opisa i ken oraitim wanpela man husat em (opisa) i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i aipas, o i gat sampela bikipela bagarap long bodi olsem ol disebel.
7. **PINIS BILONG SEKSINEL VOT**



Authorised by
Reuben Kaiulo,
Electoral
Commissioner Papua
New Guinea

Seksen 141 bilong Organic lo long Nesenel Ileksen em ol i senisim. Dispela senis i rausim seksinel vot.

8. WANPELA RIPRESENTETIV TASOL BILONG WAN WAN KENDIDET LONG PLES BILONG KAUNIM VOT

Wanpela ripresentativ tasol bilong ol wan wan kendidet i ken stap insait long hap bilong kaunim vot, long wanpela taim tasol long taim bilong kaunim vot. Dispela em long sekim namba bilong ol vot na toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wanpela, na i no tupela o tripela long wanpela taim).

9. NAMBA WAN PALAMEN KIBUNG BIHAIN LONG JENEREL ILEKSEN.

Namba wan kibung bilong palamen bai i mas kamap 7-pela de bihain long lo (writ) i oraitim wok bilong karimaut ileksen i kam bek long jenerel ileksen. (Nau yet kibung i ken kamap bihain long 21 de).

10. SAIS BILONG OL ILEKSEN POSTA

Bipo i gat tambu long sais bilong ol ileksen posta. I no gat moa tambu long dispela nau.

11. TAMBU LONG YUSIM SPIKA LONG TAIM BILONG VOT

Tambu long ol kendidet o sapota bilong ol kendidet i yusim laut spika na ol kain masin olsem bilong toktok bikipela long taim bilong vot. Ol plis opisa na ilektorel opisa tasol i ken yusim long lukautim lo na oda, na tu long tokim ol pipel long wanem samting bilong mekim.

12. ILEKSEN PETISEN MAS KAMAP BIHAIN LONG 14 DE TASOL

Sapos wanpela kendidet i laik komplem bikos long sampela as na em i no winim ileksen, em i mas givim dispela komplem o petisen i go long ilektorel opisa long 40 de bihain long ilektorel opisa i tokaut long nem bilong ol kendidet husat i winim ileksen. Ilektorel opisa i no inap kisim wanpela petisen bihain long 40 de. (Nau yet ol kendidet husat i laik komplem i gat tupela mun olgeta long givim komplem i go long ilektorel opisa).

13. SEKYURITI BILONG KOS NA ILEKSEN PETISEN.

Sapos wanpela kendidet i laik komplem o givim petisen, em i mas givim wantaim K2,500. Nau yet dispela mak bilong mani i stap long K200 tasol.

5 extra
King Size
Virginia

Winfield
25's

Government Warning: Smoking is Dangerous to Health

Yunaited Nesens kisim moa soldia nau

YUNAITED Nesens i stat pinis long kisim ol soldia bilong en long 31 kantri long wol.

Dispela ol lain soldia bai i go long Yugoslavia na traim be isi na wanbel pasin i go bek long hap. Dispela tu bai kamap olsem wanpela bikpela wok tru em Yunaited Nesens bai mekim bihain long 10-pela yia nau.

Jenerel Seketeri bilong Yunaited Nesens, Dokta Boutros-Ghali i bin tok long las wik olsem ol bai kisim samting olsem 13 tausen (13,000) bilong salim i go long Yugoslavia.


Dispela ol lain soldia bai go na lukautim Yugoslavia olsem bai dispela pait namel long ol lain Sebina na Kroasia i no ken kalap i go long ol arapela provins.

Ol ripot i tok Yunaited Nesens bai givim tok orait bilong en long dispela ami long dispela wik. Na ol lain husat em ol i makim pinis bai stat go long Amerika bihain long tupela wik.

Na Rasia i bin amamas tru long dispela samting em Yunaited Nesens i laik mekim. Masmus bilong Rasia gavman long Nu Yok, Yuli Vorontsov i tok, "I no gat inap taim i stap. Olsem na nau taim ol samting i malolo i stap, yumi mas go hariap."

Stat long las yia mun Jun i kam inap nau, moa long 6 tausen

i go moa long pes 10



Winta Olimpik resis...Fabrce Guy bilong Frans i kisim gut mak pinis na redi long sut. Dispela bikpela resis i kamap inap tupela wik nau long Frans. Olgeta resis i stap antap long ais tasol.



Bikpela snek tru...Nem bilong dispela snek em Fang. Na Steve Irwin long poto i save lukautim em long ples bilong ol enimal long Kwinslen, Australia. Fang i kam long Tailan na i save kaikai 4-pela bikpela kakaruk long olgeta Sande.

Yurop kantri laikim wok paninimaut long Indonesia

MAUSMAN bilong Yunaited Nesens long Indonesia, Amos Wako i bin bungim Presiden Suharto bilong Indonesia long las wik bilong toktok long wanem samting i bin kamap long Dili long Is Timor.

Dispela bung i kamap bihainim strongpela singaut em Yuropien Komyuniti (EC) tu i mekim long bringim ol dispela lain husat i asua i go long kot.

Wako em bos bilong ol loya (Atoni Jenerel) long Kenya na i wanpela strongpela man tu bilong toktok long ol kain hevi olsem. Tasol no gat wanpela ripot long toktok bilong Presiden Suharto na Wako i kamap ples klia yet.

Na Yunaited Nesens na Indonesia wantaim i tokaut olsem Wako i no go long hap bilong mekim ol wok painimaut.

Long las Fonde, 13 Februari, Wako i bin go stap long Is Timor. Na em i bin bungim Gavana bilong provins, Mario Viegas Carrascalao wantaim ol ami komanda bilong hap yet.

Kodineting ministra bilong ol Politik na Sekyuriti Afeas, Mista Sudomo i tok olsem Wako i bin amamas tasol long ripot em Indonesia i givim.

Yuropien Komyuniti i laikim Indonesia long kotim na kalabusim dispela olgeta lain husat i bin kilim na bagarapim planti pipel long Dili.

LIKLIK NIUS

Dok nogut i raun

ALASKA: Wanpela bikpela dok bilong wanpela famili long Alaska i bin kaikai het bilong wanpela liklik boi na em i dai. Krismas bilong dispela boi i winim 9-pela mun tasol. Dok i ranawe tasol bihain em i kam bek na laik kaikai mama bilong dispela boi. Ol man i holim dispela dok pinis na bai sekap sapos em i gat sik nogut ol i kolim rabi.

Wokmeri kilim bos

KAIRO: Wokmeri bilong wanpela famili husat i lukautim Kuwait i bin sutim bosmeri bilong em wantaim naip na em i dai long Kairo. Ripot i tok dispela wokmeri husat i gat 42 krismas i bin sutim bosmeri bilong em bikos bosmeri i no oraitim em long go long Filipin Ailan.

Tambuim bia na wain

SAINA: Saina i tambuim pinis tripela faktori bilong wokim bia na wain long salim ol bia na wain bilong ol i go long ovasis. Long wanem ol botol bilong ol i gat ol binatang samting long en. Ol dispela tripela faktori bai kamap long kot. Olgeta arapela lain tu i no inap salim ol bia na wain bilong ol inap olgeta samting i orait gen.

Meri i yusim marasin nogut long rausim pen

KOLORADO: Plis i holim na sasim pinis wanpela meri long givim sut i gat strongpela marasin nogut olsem spakbrus i go long man bilong em long haus sik. Dispela meri i tok em i mekim olsem bilong pinisim bikpela pen em man bilong em i wok long kisim. Man bilong em i go long haus sik bikos em i brukim nek bilong em. Plis i sasim em long traim kilim man na holim ol marasin nogut.

Kondom i haitim rong

MILWAUKI: Wanpela man husat i kilim planti meri pinis i tok em i bin yusim gumi (kondom) taim em i save slip wantaim ol meri em i kilim bilong haitim dispela rong bilong em. Wanpela saveman bilong dispela kain ol hevi bilong bodi i tokaut long kot.



Somali laikim bel isi...Bikpela pait i bin kamap long Somal inap tripela mun nau. Na ol ripot i tok 20,000 pipel i dai na kisim bagarap. Long poto, wanpela mama bilong Somal i holim pikinini bilong em i stap long wanpela klinik bilong refuji kem long Kenya.



Brukum kefiu bringim indai...Planti handed billpman na meri bilong Muslim i bin protes long Kashmir bilong solim belhat bilong ol long bagarap em i kamap long Pakistan. Long poto, Ilda bilong ol Amanullah Khan i helpim susa bilong wanpela sapota bilong em husat ol soldia bilong Pakistan i bin kilim.

Yu yet kam na lukim Kerema - tinpis taun

IAN KAKARERE I raitim

SINGSING bilong lektrik musik ben bilong Kerema, *Hollie Maea*, i tok olsem "Kerema, sapos yu no save, yu yet kam na lukim" i gat mining na kik long en.

Long Trinde, 15 Janueri, 1992, mi bihainim toktok bilong *Hollie Maea* na go lukluk raun long Kerema. Olsem ol toktok bilong dispela singsing i tok, planti man na meri i save harim tasol nem bilong Kerema taun. Tasol samt-ing tru ol i no lukim.

Na planti arapela pikinini bilong Kerema yet o hap blut i bilong Kerema i no save dispela hap i luk olsem wanem. Bikos mama i karim ol long narapela hap olsem Mosbi, Lae, Kerema, Wewak na

ol i bikipela long ol dispela provins. Na ol dispela lain tu i no save long Kerema.

Na i no hat long painim wanem as na ol pikinini Kerema yet i no save go long as ples bilong ol. Bikos kos bilong baim balus long Mosbi i go long Kerema em K113.

Isi rot bilong go long Kerema em long ka. Kalap long PMV long Mosbi i go long Lavare na bihain kalap long moto na go olgeta long Kerema. Kos bilong ol ka na motokanu em K20 tasol.

Man husat i no bin go yet long Kerema bai kalap nogut long lukim dispela ples. Bikos dispela nem na namba ol pipel bilong Galp provins o Kerema i gat long en i stap long olgeta samting. Long musik, kain kain pilai na spot, wok politik na bisnis. Olsem

na planti bai ting olsem Kerema em i bikipela taun.

Tasol dispela i no tru.

Kerema em i wanpela liklik taun nating olsem Aitape long Wes Sepik provins o Daru long Westen provins. Yu ken kirap wokabaut long ol gavman opis long wanpela sait i go long Kerema haikul long narapela sait long liklik taim tasol.

Orait nau mi kamap long ples balus na laik go long taun senta. I no longpela taim, mi wokabaut tu minit tasol na kamap pinis.

Nau yumi sut i go bek long singsing bilong *Hollie Maea* we em i tok "maunten wara bilong Kerema, miks wantaim solwara..." I gat tupela as na mi sapotim dispela hap toktok.

I tru olsem Kerema i stap long narapela sait bilong solwara, em i stap antap long ol Saw maunten. Taim mi abrusim Kerema haikul na i laik lukluk i go, dispela ol maunten i kam bung stret wantaim Galp bilong Papua. Em nau, solwara i slip sore i stap. Mi mangalim stret wanem samting mi lukim bikos i gat ol hul bilong ston i stap arere tru long nambis. Na ol liklik maunten ya i mekim ples i stail moa yet.

Taim solwara i laik kam bamim ol maunten, solwara i bruk na mekim ples i luk narakain. Na bun bilong yu inap guria.

Olsem dispela singsing bilong *Hollie Maea* i go het long tok..."Madang em i smat, ol maunten na nambis bilong Pariva i luk nais na wankain tasol..."

Nambis bilong Pariva i stat long haikul na i go pinis long Siviri. Wesan bilong dispela nambis i blak na i smat moa. Olsem na planti lektrik na string ben bilong Kerema i save tanim singsing bilong ol bihainim dispela nambis. Wanpela bilong ol dispela musik grup em *Tiares Ben* husat i bin katim kaset bilong ol wantaim Chin H Meen long 1980.

Ol lain husat i stap long Kerema taun em ol longlong blut bilong maunten na solwara. Gutpela hap bilong lukim tru na bilipim dispela hap toktok em long Kerema maket.

Ol i save kolim ol pipel bilong maunten olsem ol Kamea. Ol dispela lain pipel wantaim ol hap blut bilong ol, ol Anga bilong Morobe i save stap long liklik kona bilong ol stat long Kerema i go olgeta long Kaintiba, abrusim Menyamy na Aseki, klostu long Bulolo.

Bipo ol i gat nem nogut long



• Tinpis taun bilong Kerema i slip i stap. Olgeta haus i pas pas klostu klostu tru. Ol foto: Ian Kakarere.

pait. Tasol nau, ol dispela lain pipel i man na meri bilong wok tru.

Ol pipel bilong Kamea i man na meri bilong wok gaden. Olsem na Kerema maket i no save sot long wanpela kaikai olgeta de long olgeta wik. Long narapela sait bilong ol lain Kamea em ol Kerema bilong nambis.

Ating i luk olsem Kerema i no gutpela nem tumas bilong ol. Bikos ol ples bilong ol i stat klostu long maus bilong Purari Riva na i go olgeta abrusim Ihu na go long Kerema. Mak bilong ol i go tu olsem klostu long boda bilong Galp na Sentrel provins.

Tok ples bilong ol Kerema i wanpela bilong ol bikipela tok ples long Papua Niugini. Na ol i gat 10-pela tok ples. Tasol tupela bikipela em ol sios na NBC Galp i save yusim oltaim em Toaripi na Orokolo.

Long maket, ol Kerema i save salim pis, saksak, kina bilong solwara, kokonas, buai, daka na kambang. Olsem na husat i laik go baim samting long maket i ken kisim bilong solwara na maunten wantaim.

Singsing bilong *Hollie Maea* i tok tu olsem Daru em ples bilong baramundi. Orait, ating yumi ken kolim Kerema olsem

ples bilong tinpis.

I gat tupela as bilong tok olsem.

Namba wan em long prais bilong ol samting long ol stua long Kerema i antap liklik. Long wanem, kos bilong bringim ol kaikai bilong stua i go long Kerema i no liklik. Olsem na prais bilong ol i go antap tru.


Olsem na wanpela samting we kos bilong en i daunbilo liklik long ol arapela em tinpis.

Namba tu as em graun long Kerema taun i sot nau. Ol pipel bilong ples i no laik salim moa graun i go long gavman. Long wanem solwara tu i wok long brukim graun bilong ol na ol plantesin i kamap bikipela nau. Olsem na ol tu i sot long graun.

Olsem na long wanem hap graun i stap, ol lo gavnen haus bai sanap. Na ol i save stap klostu klostu tru. Na olsem olgeta arapela hap bilong Papua Niugini, i no papa bilong haus wantaim famili bilong em tasol i stap. I gat tu ol arapela tambu, kandre, brata na susa.

Sampela pipel i save laikim Kerema, ol arapela i no gat. Tasol wanpela samting em Kerema i gat stail na kik bilong en yet.

Olsem singsing bilong *Hollie Maea* i tok..."Kerema, sapos yu no save, yu yet kam na lukim..."



• Ol maunten bilong Kerema i kam bungim solwara bilong Galp bilong Papua. Liklik foto, dispela man bilong Kamea i karim sampela spia wantaim bunara bilong go salim long Kerema maket.

Ol rurel projek long Simbu bai kisim K12 milien i kam long ovasis

MICHAEL KOMA I raitim

SAUT Simbu Rurel Developmen Projek (SSRDP) bai kisim narapela K12 milien bilong en long wok. Dispela mani bai kam long ol lain bilong Intanesenel Fan bilong Egrikalsa Developmen (IFAD).

Bikipela opis bilong IFAD i stap long Rom. Na em i hap han bilong Wol Beng. Long 1986, SSRDP i bin kisim K4.6 milien i kam long IFAD.

Saut Simbu Rurel Developmen Projek em

namba wan wok we i kam aninit long Simbu Rurel Intagreted Developmen Projek. Na em bai pinis sampela taim long dispela yia.

Na namba tu hap bilong dispela projek nau i kamap long Not Simbu. Olsem na narapela K12 milien bai i go long kirapim wok bilong nupela Not Simbu Rurel Developmen Projek (NSRDP) long neks yia.

Dispela projek bai karamapim ol ples long

Kundiawa, Kerowagi, Gembogl, Suave na Sinasina.

Projek kodineta, Peter Kamis i tok IFAD i bin amamas tru long wok em SSRDP i mekim pinis. Dispela i kamap ples klia insait long wanpela wok painimaut bilong mun Septemba, 1991.

Dispela grup husat i bin kam mekim ol wok painimaut i go bek pinis long Rom. Na ol bai givim ripot long wanem samting ol i lukim i go long bod bilong IFAD.

As tingting bilong Simbu Rurel Intagreted Developmen Projek em


long helpim sindaun na laip bilong ol pipel long ples. Long mekim dispela, progrem bai karamapim ol kain samting olsem skulim na redim ol pipel long ol wok bilong mekim, kirapim ol egrikalsa projek, ol helt sevis, skul bilong rit na rait na ol wara saplai long ples.

Wok bilong SSRDP i save karamapim ol lain bilong Gumini distrik na Karamui distrik.

SSRDP i save givim bikipela helpim long wokim Simbu Nius na ol arapela pepa bilong rit, rait na tok save.



• Wanpela klasrum bilong ol lain bilong SIL long Kainantu long skulim ol bikipela man na meri long rit na rait. Dispela klasrum i sanap long Negabo long Karamui distrik. Foto: Michael Koma.



£1 milien long wokabaut gen...Long las yia mun Janueri, wampela bikpela ka i bin krungutim dispela man, Kit Cook wantaim motobaik bilong em. Cook i bin painim bikpela bagarap na ol dokta i tok em i no inap wokabaut gen. Tasol bihain long klostu 13 mun, Cook inap wokabaut. Na kos bilong dispela - £1 milien.

Irak tingim yet woa bilong Galp

LONG ples we bom bilong ol Amerika i bin pundaun long Irak, wampela misium i sanap. Dispela haus o misium i bilong tingim ol 300 pipel husat i bin dai insait long wampela haus long dispela hap.

Ol ripot i tok Amerika i bin tok olsem dispela haus i bin wampela bes bilong ol soldia na i bomim. Tasol samting tru em hap haus bilong hait long ol bom na katres samting.

Olsem na long las wik, ol pipel bilong Irak i karim fiawa na kendel wantaim belhat na wari i go putim long dispela hap.

Tasol Amerika i strong yet olsem dispela haus i no bilong hait long bom. Nogat. Em i bin wampela ples hait bilong ol ami bilong Irak.

Planti pipel bilong Irak i go bung klostu long ples we namba wan bom i pundaun. Bihain long dispela bom, Amerika i salim gen narapela i kam go kilim ol lain i stap insait. Long olgeta yet, 42 tasol i no dai.

Wampela man husat i bin stap insait tu long haus i tok, "Yu laik lukim long olgeta hap, ol bodi, matres, blanket, pilo na ol samting i plai nabaut. Smok na paia i pulap long olgeta kona.

"Long ples bilong wokim paia, sampela bodi i tan na slip i stap."

Wok painimaut long Irak i wok long isi nau. Wampela grup bilong Yunaited Nesens i sekap long Irak i tok i no gat moa ripot bilong ol sampela hait wok long hap aninit long graun.

Na dispela em i namba 10 grup bilong go traim painim ol faktori bilong wokim nuklia bom long Irak tasol i no gat.



• *Yangpela boi winim gol medal* : Toni Nieminen bilong Finlen i amamas bihain long em i winim gol medal. Dispela em long resis bilong 'sky jump'. Nieminen em yangpela boi tru long winim gol medal long histori o stori bilong winta olimpik, em i kamap nau long Frans. Em i gat 16 krismas tasol.



Ol bebi bilong Galp woa...Sampela bilong ol dispela lain soldia husat i bin go pait long Galp woa i soim ol bebi em meri bilong ol i karim 9-pela mun bihain long ol i kam bek long woa. Long mun Janueri tasol, i bin gat 77 meri i karim pikinini. Na i no 12 olsem long bipo.

Yunaited Nesens makim ami nau

i kam long pes 8

(6,000) pipel i bin dai. Dispela i kamap bihain long ol lain Kroasia na Slovenia i tok long kisim indipendens na stap bilong ol yet. Ol i no laik kam aninit long Yugoslavia. Planti bilong ol dispela pait i bin kamap long Kroasia namel long ol Sebia na ami bilong Yugoslavia.

Tasol i luk olsem i gat sampela kros i stat pinis.

Pastaim tasol long Dokta Boutros-Ghali i tokaut long salim ami bilong Yunaited Nesens, lida bilong Krajina, wampela grup bilong Sebia long Kroasia i tok bai i gat trabel. Na sampela man bai dai gen.

Ol ripot i tok ami bilong Yunaited Nesens bai go long tripela hap em ol lain bilong Sebia i lukautim long Kroasia. Na taim ol i go kamap long ol dispela hap, ami bilong Yugoslavia na ol arapela grup bai luslain tu.

Dispela wokabaut i wankain olsem wampela em Yunaited Nesens i bin mekim long 1964. Em i salim ol ami bilong en i go long Siprus. Na kos bilong dispela bai stap long mak bilong K600 milien long wampela yia.



Baim na salim gen long Rasia...Ol pipel bilong Rasia i stat salim gen ol klos, su na hani bilong kalkai wantaim bred na bisket long wampela fri maket long Mosko.

Irak tingim yet woa bilong Galp

LONG ples we bom bilong ol Amerika i bin pundaun long Irak, wampela misium i sanap. Dispela haus o misium i bilong tingim ol 300 pipel husat i bin dai insait long wampela haus long dispela hap.

Ol ripot i tok Amerika i bin tok olsem dispela haus i bin wampela bes bilong ol soldia na i bomim. Tasol samting tru em hap haus bilong hait long ol bom na katres samting.

Olsem na long las wik, ol pipel bilong Irak i karim fiawa na kendel wantaim belhat na wari i go putim long dispela hap.

Tasol Amerika i strong yet olsem dispela haus i no bilong hait long bom. Nogat. Em i bin wampela ples hait bilong ol ami bilong Irak.

Planti pipel bilong Irak i go bung klostu long ples we namba wan bom i pundaun. Bihain long dispela bom, Amerika i salim gen narapela i kam go kilim ol lain i stap insait. Long olgeta yet, 42 tasol i no dai.

Wampela man husat i bin stap insait tu long haus i tok, "Yu laik lukim long olgeta hap, ol bodi, matres, blanket, pilo na ol samting i plai nabaut. Smok na paia i pulap long olgeta kona.

"Long ples bilong wokim paia, sampela bodi i tan na slip i stap."

Wok painimaut long Irak i wok long isi nau. Wampela grup bilong Yunaited Nesens i sekap long Irak i tok i no gat moa ripot bilong ol sampela hait wok long hap aninit long graun.

Na dispela em i namba 10 grup bilong go traim painim ol faktori bilong wokim nuklia bom long Irak tasol i no gat. Dispela ol wokabaut bilong ol Yunaited Nesens grup i kam aninit long bikpela wok bilong rausim olgeta samting bilong pait long Irak.

Amerika i bin tokim Yunaited Nesens long las wik olsem em bai traim pasim siaman bilong Palestina Libresen Oganaisesen (PLO).

LUSHIP

FEBRUARY 1992

PASSENGER SCHEDULE PASSENGER SCHEDULE FOR SAILINGS EX LAE

Lutheran Shipping, P.O. Box 1459, Lae. For passenger bookings/information contact Clement or Ita ph: 42 2066. * Denotes Passenger Only Vessel.

Other vessels are cargo passenger vessels which are listed below.

Vessels	Voy. No	Sailing For	Day	Date	Time
Mamose Ex	244G	Buki/Lae	Sat	01-02-92	8am
Mamose Ex	244H	Lablab/Finsch/Lae	Sat	01-02-92	8pm
Rita	108A	Buki/Lae	Sun	02-02-92	9am
Nagada	253P	Wasu/Lae		Sun	02-
02-92 6pm					
Rita	109N	Kimbe/Rabaul	Mon	03-02-92	4pm
Malalo	270N	Lorengau	Tue	04-02-92	4pm
Umboi	203N	Madang	Tue	04-02-92	4pm
Nagada	354N	Madang/Aitape/Vanim	Tue	04-02-92	4pm
Mamose Ex	244K	Oro Bay	Tue	04-02-92	7pm
Totol	500N	Finsch/Sio/Wasu/Yara/Biliau/Madang	Wed	05-02-92	4pm
Mamose Ex	244N	Finsch/Sio/Wasu/Madang/Wewak	Thu	06-02-92	9am
Rita	110A	Finsch/Lae	Fri	07-02-92	3pm
Rita	110B	Buki/Finsch/Lablab/Buki/Lae	Sat	08-02-92	8am
Rita	110C	Buki/Lae Repositioning No pax		Sun	09-
02-92 12mn					
Rita	110N	Kimbe/Rabaul	Mon	10-02-92	4pm
Mamose Ex	244S	Oro Bay	Mon	10-02-92	7pm
Umboi	204N	Madang/Lorengau	Tue	11-02-92	4pm
Malalo	271N	Wasu/Arawe/Aumo	Tue	11-02-92	4pm
Mamose Ex	245N	Buki/Finsch/Wasu/Madang/Wewak	Wed	12-02-92	9am
Totol	501A	Finsch/Gizarum/Lablab/Lae	Wed	12-02-92	4pm
Totol	501N	Finsch/Wasu/Madang		Fri	14-
02-92 4pm					
Rita	111B	Buki/Finsch/Lablab/Buki/Lae	Sat	15-02-92	8am
Rita	111C	Buki/Lae Repositioning no Pax		Sun	16-
02-92 12mn					
Mamose Ex	246N	Kimbe/Rabaul	Mon	17-02-92	4pm
Umboi	205N	Madang/Lorengau	Tue	18-02-92	4pm
Rita	111N	Buki/Finsch/Wasu/Madang/Wewak	Wed	19-02-92	9am
Totol	502N	Finsch/Sio/Wasu/Yara/Biliau/Madang	Wed	19-02-92	4pm
Nagada	255A	Wasu/Arawe/Aumo	Fri	21-02-92	4pm
Mamose Ex	247B	Buki/Finsch/Lablab/Buki/Lae	Sat	22-02-92	8am
Mamose Ex	247C	Buki/Lae Repositioning no Pax		Sun	23-
02-92 12mn					
Mamose Ex	247N	Kimbe/Rabaul	Mon	24-02-92	4pm
Rita	111S	Oro Bay	Mon	24-02-92	7pm
Umboi	206N	Madang/Lorengau	Tue	25-02-92	4pm
Rita	112N	Buki/Finsch/Wasu/Madang/Wewak	Wed	26-02-92	9am
Nagada	255N	Madang/Aitape/Vanim	Wed	26-02-92	2pm
Totol	503A	Finsch/Wasu/Madang		Fri	28-
02-92 4pm					
Mamose Ex	248B	Buki/Finsch/Lablab/Buki/Lae	Sat	29-02-92	8am
Rita	113N	Kimbe/Rabaul	Mon	02-03-92	4pm
Mamose Ex	248D	Oro Bay	Mon	02-03-92	7pm

MAIN PORTS

Vessel	Voy. No	Loading For	Day	Date	Time
Kuder	024S	Oro Bay	Tue	04-02-92	12nn
Malalo	270N	Lorengau	Tue	04-02-92	4pm
Umboi	203N	Madang	Tue	04-02-92	4pm
Kuder	025N	Madang/Wewak/Vanim	Fri	07-02-92	10am
Wewak	154S	Oro Bay	Tue	11-02-92	12nn
Umboi	204N	Madang/Lorengau	Tue	11-02-92	4pm
Wewak	155N	Madang/Wewak/Vanim	Fri	14-02-92	10am
Kuder	025S	Oro Bay	Tue	18-02-92	12nn
Umboi	205N	Madang/Lorengau	Tue	18-02-92	4pm
Kuder	026N	Madang/Wewak/Vanim	Fri	21-02-92	10am
Wewak	155S	Oro Bay	Tue	25-02-92	12nn
Umboi	206N	Madang/Lorengau	Tue	25-02-92	4pm
Wewak	156N	Madang/Wewak/Vanim	Fri	20-02-92	10am
Kuder	026S	Oro Bay	Tue	03-03-92	12nn
Umboi	207N	Madang/Lorengau	Tue	03-03-92	4pm

SMALL PORTS

Vessel	Voy. No	Loading For	Day	Date	Time
Nagada	254N	Aitape	Tue	04-02-92	4pm
Totol	500N	Finsch/Sio/Wasu/Yara/Biliau/Madang	Wed	05-02-92	4pm
Malalo	271N	Wasum/Arawe/Aumo	Tue	11-02-92	4pm
Totol	501A	Finsch/Gizarum/Lablab	Wed	12-02-92	4pm
Totol	501N	Finsch/Wasu/Madang	Fri	14-02-92	4pm
Totol	502N	Finsch/Sio/Wasu/Yara/Biliau/Madang	Wed	19-02-92	4pm
Nagada	255A	Wasum/Arawe/Aumo	Fri	21-02-92	4pm
Totol	503A	Finsch/Gizarum/Lablab/Lae	Wed	26-02-92	2pm
Totol	503N	Finsch/Wasu/Madang	Fri	28-02-92	4pm
Totol	504N	Finsch/Sio/Wasu/Yara/Biliau/Madang	Wed	04-03-92	4pm

Agents:

Lae LUSHIP 42 2066
Madang LUSHIP 82 2577

Finschafen
Wewak
Oro Bay

LUSHIP
Sepik Coastal
Century Shipping

44 7004
86 2643
29 7268

KOOL

Filter Kings

KOOL

Government Warning. Smoking
is Dangerous to Health.

Ol memba laik kotim PSA

OL memba bilong Pablik Sevis Asosiesen Savings na Lon Sosaiti i redi pinis long kisim PSA opis long Waigani i go long kot. Bikos ol i no baim lon o dinau mani ol i bin askim long en.

PEA Eksekyutiv Seketeri, Gabriel Dorofa i tok ol memba long Madang i kisim liklik helpim tasol long Waigani. Tasol ol i bin putim mani long Saving na Lon Sosaiti long planti yia i go pinis.

Las yia, 1991 ol i bin tokaut olsem ol bai rausim olgeta mani bilong ol wantaim PSA. Bikos PSA i no laik givim dinau ol i bin askim long en. Mista Dorofa i tok planti pablik sevan husat i pinis

long wok i no kisim mani bilong ol long PSA.

Nau yet ol i lukluk long kisim PSA opis long Waigani i go long kot, sapos PSA i no bekim askim bilong ol hariap. Long askim

bilong ol memba, ol i tok PSA i mas bekim mani bilong 63 memba, na ol i mas stap yet olsem memba bilong PSA. Dispela askim i mas kamap pastaim long wanpela mun, stat long taim ol i putim kot bilong PSA.

Narapela samting tu ol i laikim em, PSA i mas baim dispela mani olsem savings mani.

Na ol i no ken kisim dispela mani olsem ful pemen o olgeta las seving bilong ol. Bikos dispela i min PSA bai rausim membasip bilong ol.

Dorofa i tok planti memba i yusim planti mani long kam long Mosbi long stretim rot long kisim mani bilong ol.

Henry Seriman, wanpela man husat i pinis wok wantaim pablik sevis i bin stap long Mosbi long Novemba, 1991. Na tripela mun olgeta, em i stretim pepa long kisim mani bilong em.

Moa Amerika tisa kam long PNG

SAMTING olsem 19 haikul long Papua Niugini bai i gat moa tisa long dispela yia.

Ol nupela lain tisa bilong ol dispela skul i kam long Amerika. Na ol bai tis long kain kain samting olsem saiens, ats, namba na kain kain arapela samting.

Dispela em ol voluntia tisa bilong ol lain Pis Corps bilong Amerika. Ol i bin lusim ol wok bilong ol long Amerika bilong kam tis long Papua Niugini. Long hap, ol i save kisim bikpela mani. Tasol ol i lusim dispela ol wok bilong kam helpim ol pikinini long Papua Niugini.

Namba bilong ol dispela lain tisa em 23 olgeta. Ol i kam long Papua Niugini stat long dispela yia.

Mausman bilong gavman bilong Amerika long Papua Niugini, Robert Ferran i go bungim ol long Kefamo long Goroka, Isten Hailans provins.

Ol i bin stap 7-pela wik pastaim long Kefamo bilong lainim Tok Pisin. Na nau ol i stap nabaut long ol skul long Morobe, Sentrel, Nesenel Kapitel Distrik, Simbu, Enga, Madang, Is na Wes Nu Briten, Is na Wes Sepik, Westen Hailans, Nu Ailan na ol arapela liklik provins.

Kam bilong ol dispela lain tisa i makim tu 20 yia

bilong Amerika Pis Corps long PNG. Na dispela tu i bringim namba bilong ol Amerika Pis Corps woka i go antap long 3,000 olgeta. Ol dispela tisa bai helpim komyuniti na ol skul pikinini long kantri.

Pastaim long ol i go tis nabaut, Ferran i tok long namba tu Wol Woa, moa long 1.5 milien soldia bilong Amerika i bin kam pait long Papua Niugini. Na moa long 1,000 bilong ol i bin dai.

"Na 10-pela yia i go pinis, mipela ol nupela lain i kambilong helpim yupela. Nau i no bilong pait. Mipela i kam bilong helpim na bringim gutpela sindaun. Na traim long kirapim kantri.

"Papua Niugini em i wanpela gutpela kantri bilong stap na wok. Na mi bilip olsem yupela bai amamas," Ferran i tokim ol tisa.

Long makim Papua Niugini, Asisten Seketeri bilong Edukesen Ouka Lavaki i tok planti manmeri bilong dispela kantri bai amamas long lainim wanem samting ol dispela lain tisa i soim.

"Na yupela i mas stap fri long toktok na wok bung wantaim mipela," Lavaki i tok.

Yangpela tisa namel long ol dispela lain i gat 24 krismas. Na lapun i gat 60 krismas.

Helt Minista askim long moa mani


OLGETA wok bilong helt i mas stap aninit long nesenel dipatmen. Na gavman i putim moa long K60 milien long 1992. Dispela mani i bilong stapim sampela hevi em i kamap nau long helt dipatmen.

Helt Minista Galeva Kwarara i tok dipatmen bilong helt i no stap gut long dispela taim. Bikos nau yet wok i stap nabaut long olgeta provins. Olsem na gavman i tromei nabaut mani long lukautim olgeta wok ya.

Minsita i tok helt dipatmen i no gat inap mani. Dispela hevi i stap bipo yet long taim Papua Niugini i kisim independens long 1975.

Kwarara i tok planti taim marasin na ol arapela sevis bilong helt i no kamap hariap long ol pipel. Na dispela i kirapim planti hevi long nesenel gavman. Em i tok helt dipatmen i mas kisim moa mani oltaim. Em i tokaut long dispela bikos namba bilong ol pipel long kantri i goap nau.

"Nau yet baset bilong helt long olgeta yia i stap namel long 2 na 3 pesen. Namba bilong ol pipel i goap long olgeta yia long 6 na 7 pesen. Na gavman i mas putim baset bilong wan wan yia i goap long 50 pesen long stapim sampela hevi, na helpim ol manmeri bilong kantri," Kwarara i tok.



Gutbai long NPF Inspekta ... Jenerel Seketeri bilong Sandaun Timba Wokas Yunien, Mathias Kenuangi i tok gutbai long Momase rijonel inspekta bilong NPF, Siri Koea. Siri i bin go sekap long mani bilong ol woka em ol kampani i no bin salim i kam long NPF opis long Mosbi. Foto: Felix Ramram.

Dokta Mayo askim Sandaun gavman long no ken rausim ol pablik sevan nating

NESENEL na provinsal gavman bilong Papua Niugini nau i lus tingting long sindaun bilong ol wokman bilong em. Dispela em toktok bilong wanpela olupela wokman bilong gavman, Dokta Francis Mayo husat i gat 56 krismas na i bilong Vanimo long Wes Sepik provins.

Dokta Mayo i wok olsem Helt Edukesen Opisa inap long 29 yia olgeta. Bihain long dispela, dipatmen bilong em i salim em i go long tripela mun kos long Mahidol Univesit long Bengkok long 1989.

Bihain long kos ya, em i kam bek gen long PNG. Mayo i tok em i gat bikpela tingting long soim bos bilong em wanem samting em i lainim long en. Tasol taim em i kamap long kantri na bos i tokim em olsem em i stap long lis bilong ol wokman long ritrensman o pinis wok.

Mayo i tok em i no askim dipatmen

long dispela. Tasol em i nogat wanpela rot i stap. Bikos bos i stretim olgeta samting long pinisim em long wok. Wankain samting planti gavman dipatmen i mekim long ol wokman bilong em.

Rot ol gavman dipatmen i yusim long rausim ol wokman long wok em i no gutpela tumas. Bikpela mani olsem K24,000 ol i yusim long salim mi long stadi long ovasis. Na bihain ol i no kisim bek dispela mani na ol i rausim mi. Dispela mani inap long dipatmen i yusim olsem ritrensman, o yusim long helpim ol arapela olupela wokman husat i pinis long pablik sevis.

Nau yet Mayo i askim Wes Sepik provinsal gavman long yusim sampela gutpela rot long rausim ol olupela wokman bilong em. Na maski long yusim kain rot bilong tromei mani nating.

Voluntia woka bai lusim nau PNG bihain long tripela yia

BOS bilong ol voluntia woka bilong Amerika Pis Corps long Papua Niugini bai go bek nau long kantri bilong em.

Dispela meri em Waneen Kay Polly husat i holim wok olsem kantri dai:ekta bilong Pis Corps. Em i bin tokaut long dispela long wanpela bung bilong ol voluntia woka bilong Amerika long Goroka las mun.

Em i tokim ol 23 voluntia haikul tisa olsem Papua Niugini i wanpela gutpela kantri we ol i ken painim planti gutpela samting bilong amamas.



WEWAK: Wanpela lapun man, Robert Waibu, 51 krismas bilong ples Kubom, Lumi long Sandaun provins i bin dai bihain long wanpela PMV bas i bamim em. PMV bas ya i bin kam olsem long Boram na i karim planti pasindia tru. Birua i bin kamap long 12 Febueri long bikpela rot-bung klostu long bikpela Katolik haus lotu na Bishop Leo haikul.

Plis ripot i tok lapun man i dai pastaim long ambulens i karim bodi bilong em i go long Boram haus sik. Plis i wok long painimaut yet long dispela birua.

WEWAK: Plis i sasim pinis tupela bilong ol 5-pela man bihain long ol i stapim wanpela PMV long Sepik haiwe na stilim mani na samting bilong ol pasindia. Sief Inspekta John Wakon i tok PMV i laik go bek long Rofondoku bihain long em i lusim Wewak. Ol dispela 5-pela man i bin banisim rot wantaim bikpela diwai na stapim PMV. Ol i kisim ol klos samting inap olsem long K1000 na K600 mani. Birua i bin kamap namel long Japaraka na Kusaun long Sepik haiwe yet.

Plis i kisim pinis olgeta samting na i painim tu wanpela .38 pistol wantaim wanpela olupela sot-gan bilong ol Japan long woa.

Tupela man ya i stap nau long Boram haus kalabus. Plis i wok long painim yet ol narapela tripela man.

Hagen: Teran Kauba Leli, 26 krismas bilong Chuave long Westen Hailans provins i kisim sas bihain long em i bin sainim wanpela giaman pepa bilong beng na kisim i go long Westpac Beng long Hagen long kisim mani. Dispela pasin i bin kamap long 26 Julai long las yia na plis i holim pasim em pinis. Em lusim haus kalabus long baim K150 long wetim kot bilong em i bin kamap long 10 Januari bilong dispela yia. Dispela kain pasin bilong giaman sainim sek o bengpepa i wok long kamap bikpela nau. Mausmeri bilong Nesenel Kot long Hagen, Rose Kui i tok i luk olsem lo bai i no inap mari-mari long ol manmeri husat i wok long mekim ol kain pasin olsem bilong giaman stilim mani bilong ol arapela husat i wokhat long en.

WEWAK: Las wiken long Sarere nait, sampela stilman i go insait long wanpela stua na i laik stilim sampela kaikai we pe bilong ol i winim K2,000. Tasol kwiktaim papa bilong stua i kamap na ol stlman ya i ranawe.

Dispela trabel i bin kamap long Yawasoro eria long Wewak, Is Sepik provins.

Ripot i tok papa bilong stua i save long wanem ol manki i mekim dispela trabel. Olsem na em bai: stretim toktok wantaim ol papa bilong ol dispela pikinini.

Nau yet ol plisman i painim wanpela ma husat i laik bagarapim wanpela meri long Nuigo.

Waneen i tok, "Yupela bai amamas long wok namel long ol pipel. Na ol bai lukaut long yupela oltaim sapos yupela i wok gut wantaim ol long wanem skul o komyuniti yupela i stap long en."

Em i tokim ol olsem ol yet i bin laik kam wok fri long dispela kantri. "Olsem na ol pipel bai i lukluk long yupela long wok bung wantaim ol. Ol bai lukluk long yupela olsem ol lida na bai askim long helpim bilong yupela.

"Long dispela as, mi askim yupela wan wan long wok wantaim

bikpela laik na tingting." Waneen i tok.

Em i tenkim tu ol lain bilong Kefamo long skul bilong Tok Pisin em ol i givim long ol voluntia woka taim ol i kam nupela. Na tu long ol arapela skul long graun, win, san, pasin na stori tumbuna bilong PNG, kain pasin, wok politik na kain skul em mipela i gat long hia.

Waneen i bin kam long PNG long 1989 na i bin ranim Pis Corps Opresen inap tripela yia nau.

Pastaim em i bin stap mekim wankain wok inap 10 pela yia long ol arapela kantri long wol.



OL PAS SPESEL



Finsafen gat nem long musik ya

Dia Edita,
Mi wanpela manki husat i stap nau long Mosbi. Mi laik bekim pas bilong wanpela brata em i bin kamap long Januari 3, 1991. Em i bin komplek long ol wokman bilong Redio Morobe.
Em i tok olsem em i no amamas long ol wokman bilong Redio Morobe. Em i tok ol save pilaim planti singsing tumbuna bilong ol Finsafen tasol. Na em i les long harim ol dispela singsing.
Brata mi laik tokim yu olsem no ken kros nating long ol wokman. Mi save olsem ples bilong yu i no gat ol gutpela musik o tumbuna singsing. Ating yu jebes na mekim ol dispela toktok.

Lapun Lingstar
Mosbi

Ol plisman - Rausim trausis bilong yupela yet

Dia Edita,
Mipela i laik askim long wanem as tru na ol plisman i save tokim ol meri o man long rausim blakpela gumi long nek, han na lek.
Na tu long wanem as na, ol i save katim sket, trausis, siot na singles bilong ol meri.
Mipela i ting dispela kain pasin i no gutpela. Em i no stretpela rot bilong bringim lo na oda i go long

ol pipel, na tokim ol long bihainim lo.
Plisman i mas wok olsem pren bilong man long komyuniti, na i no birua bilong em. Bikos taim plisman i kamap birua bilong man, man tu bai pretim em moa yet, na no gat wanpela bel isi na helpim pasin bai kamap.
Dispela ol sket, trausis, siot na singles i bilong karamapim bodi bilong mipela. Na i no bilong

yupela long kam katim nabaut. Ating yupela i no gat kain samting olsem mipela i gat ya.
Dispela ol blakpela gumi na rop em i hangamap long nek, han na lek bilong mipela i olsem bilas. Mipela i amamas long ol dispela samting i stap long bodi bilong mipela. Na em inap! Dispela ol samting i nogat kros long yupela.
Ating i mobeta long wanpela bilong ol dispela man

long blu yunifom husat i save givim oda o mekim olsem i bekim wari bilong mipela.
Sori olsem dispela hap toktok i karamapim yupela olgeta plisman na meri. Bikos planti bilong yupela em ol gutpela lain. Wan wan tasol i laik soim bikhet na strong bilong ol. Olsem na hevi bilong ol i karamapim yupela olgeta.
Josephine Subiri & McClerry Vails Simbai, Gavaiva Viles, Hoskins.

Votim gutpela lida

Dia Edita,
Mi laik sapatim pas bilong brata Amin. Pas bilong brata ya i bin kamap long *Wantok Niuspepa* long sampela wik i go pinis. Pas bilong em i toktok egensim ol manki husat i go long yunivesiti pinis na i laik resis long nesanel ileksen long ples.
Em i tok planti manki yunivesiti save winim ileksen, tasol ol i no save lukluk long hevi bilong ol pipel bilong ples. Nau yet mipela i no laik lukim wankain samting i kamap gen long ileksen bilong dispela yia.
Plis yupela ol pipel bilong Leron na Wantoat i mas lukluk gut long man na makim ol long kisim nem bilong yumi long Palamen.

Uluenang Gengeo
LAE

Ol memba mauswara tumas

Dia Edita,
Mi wanpela manki Ambunti tasol nau mi stap long Angoram insait long Is Sepik yet. Mi gat sampela wari long autim long ol provinsal memba.
Planti taim mi save lukim ol provinsal memba i go long ples na giamanim ol pipel. Ol save tokim ol lain long ples olsem ol bai kisim ol kain kain wok i kam insait long ples.
Tasol dispela toktok bilong ol i no save karim kaikai. Dis-

pela kain pasin bilong giamanim ol man i no gutpela. Yupela mas save olsem giamanim man em sin. Mi yet i no amamas long dispela kain pasin bilong yupela ol politisen.
Em tasol liklik wari bilong mi. Na sapos yu husat man o meri i amamas o i no amamas long dispela pas bilong mi, orait yu ken rait tasol long *Wantok Niuspepa*.

Thompson Papun
Angoram


Ol Hailans no bagarapim ples



Dia Edita,
Mi wanpela manki Mulitaka long Enga provins, tasol nay mi stap long Mosbi. Mi laik bekim pas bilong brata John Mongo. Pas bilong em i bin kamap long Desemba 27, 1991.
Brata ya i tok em i no amamas long lukim ol man na meri bilong Hailans i pulapim olgeta hap kona long siti. Em i tok mipela ol Hailans i no gat graun, olsem na mipela kam wokim ol setelmen long siti. Na em go het na tok olsem planti raskol pasin em ol Hailans save mekim. Em i laikim ol plisman long holim na kilim ol dispela raskol.
Tasol brata, mi no amamas long

dispela pas bilong yu. Brata yu mas save olsem olgeta hap bilong Papua Niugini i bilong yumi olgeta.
Sapos yu laik go long Hailans na wokim setelmen bilong yu, yu ken go na wokim, nogat man bai stapim yu.
Ating yu wanpela raskol manki, olsem na yu mekim ol dispela toktok. Mipela ol Hailans i gat wel, kopi, na ol kain kain samting bilong kisim mani. Na yupela long nambis i gat pis tasol.
Mi laik tokim yu olsem ol plis i no inap kilim mipela, bikos lo bilong kantri i no tok.

Abol Kanadki Yandari
Boroko



Maski sikirap long painim pren

Dia Edita,
Mi wanpela manki bilong Sauten Hailans, tasol nau mi stap long Rabaul, Is Nu Briten provins. Mi gat liklik bel hevi long sampela yangpela toi bilong Morobe, Sepik na Madang. Olsem na mi raitim dispela pas.
Bel hevi bilong mi i go olsem. Planti taim mi save lukim insait long *Wantok Niuspepa* olsem ol yangpela boi bilong dispela tripela provins i save raitim pas na askim long pen pren.
Pen pren i givim yupela wanem samting. Yupela mas save olsem wanpela samting em yupela westim mani, taim na tingting bilong yupela long raitim ol rabis gris toktok.
Plis yusim mani na taim bilong yupela long mekim sampela gutpela wok long helpim yupela

yet. Na maski long westim taim nating long ol dispela wok.
Nau yet mi lukim planti manki i pundaun long ol bikpela skol. Bikpela as i stap olsem ol i yusim olgeta taim long painim meri na kamapim bikhet pasin.
Olsem na tingting gut long laip bilong yupela na wok gut long skol. Na lusim pasin bilong paul i stap bihain.
Sapos toktok bilong mi i kirapim bel bilong yupela, em i orait stap isi na tingting pastaim, na bihain yupela ken bekim pas bilong mi.
Yupela laik kros, em liklik samting long mi. Na toktok bilong mi bai kamap olsem wanpela bikpela samting long yupela.

Sura E Maine.
RABAUL

Pamuk pasin pulap long Bialla

Dia Edita,
Mi wanpela mangi Sepik, tasol nau mi stap long Bialla Wel Pam blok long Wes Nu Briten. Mi save lukim ol tu kina pasin i pulap tru long Bialla.

Long taim bilong ol wokman long wel pam long kisim pe, ol pamuk meri save kam pulap stret long taun, na taim ol wokman i kisim mani pinis, ol save baim bia long ol, na spakim ol na bihain ol i save paulim ol dispela pamuk meri. Ol i save mekim dispela pasin long ai bilong publik stret, na ol i no save sem.
Dispela i no luk gut, ating yupela ol pik na dok stret. Ating dispela man na meri gris long ai bilong publik em ol dok stret. Mi save lukim ol sem pes tasol long olgeta taim.
Mi save lukim ol dispela pamuk meri long Simbu stret. Traim na sindaun liklik long haus. Yupela wanem, pik na dok ating? Yupela ol meri husat i save mekim pamuk pasin, ating mobeta yupela go long ples bilong yupela yet na wokim dispela pasin. Nogut yu paul wantaim ol man, na ol bai kisim ol sik nogut bilong yu.
David C. Raymond Kimbe

No ken tanim baksait long Bogenvil ailan

Dia Edita,
Dispela em i namba wan taim bilong mi long rait long *Wantok Niuspepa*. Wari bilong mi i go olsem. Taim ol plis na ami long Buka i save sutim ol man i dai long bus, sampela man na meri i save tok olsem; "Wari bilong yupela. dai i go, wantok bilong husat." Man mi harim

dispela hap tok na mi save wari nogut tru.
Yes ol brata na susa, yupela bilong wanem hap tru na yupela save givim dispela hap toktok. Yumi bilong wanpela ailan na wanpela kantri tasol, PNG.
Yumi yet i pait, olsem na maski long givim dispela hap toktok. Ating yupela i no save

wari long laip bilong narapela man o meri. Ating yupela ol dispea kain man na meri i save tingim yupela yet, laga?
Mi ting yumi olgeta i mas bung wantaim na prea bai dispela birua i ken pinis hari-ap. Yumi mas tingim, man i dai long maus bilong sot gan i no pik na dok, na bai dai nating olsem.

Ol brata na susa husat i wokim dispela kain toktok, ating sapos yupela lukim stret long ai bilong yupela ol i sutim wanpela man i dai, bai yu dai nating long sori ya.
Ol brata na susa, mi askim yupela. Sapos olgeta man-meri long Bogenvil i dai bai yupela i pilim orait o nogat?
Joe Ripin Buka - Bogenvil

No ken yusim nem bilong God long ol tok pilai

Dia Edita,

Mi wanpela manki Buracco long Morobe provins. Tasol nau mi stap long Madang. Mi laik sapatim pas bilong brata John Ali.

John i bin toktok long ol man i save yusin nating nem bilong God long ol tok pilai. Dispela i no gutpela, yu mas save olsem God em i bikman. God i papa bilong yu na i stap long Heven. Em yet i bin wokim yumi na yumi mas i gat respek long em.

Papa God i stap na yumi stap. Plis ol brata na susa, no ken yusim nating nem bilong God.

Mi laik tok klia long ol man husat i save raitim pas long Kanage. Plis no ken yusin nem bilong bikpela antap. I gat planti nem i stap long yumi yusim. Olsem tru yupela i sot long nem na yupela i yusim nem bilong Bikpela.

Mi askim ol lain long Wantok Niuspepa long rausim ol pas i gat nem bilong God i stap. No ken printim ol dispela pas long seksen bilong Kanage.

Banik Magem
Niu Taun, Madang.

Ol pasindia lain, no ken vot

Dia Edita,

Mi wanpela manki Tari long Sauten Hailans tasol nau mi stap long Kokopo long Is Nu Briten provins.

Mi laik toktok liklik long 1992 ileksen. Mi laik tok olsem yumi ol manmeri bilong ol narapela provins i stap nau long ol setelmen, plantesin na taun long Is Nu Briten i no ken vot long taim bilong ileksen. Yumi mas tingting tu nau. Mi ting olsem yumi no ken vot na larim ol asples yet i vot.

Yumi save votim ol nesenel na provinsal memba na ol i no save wokim wanpela samting long ol manmeri bilong ol narapela provins. Taim ol dispela lain i win, ol i no save tingting long ol manmeri bilong ol narapela provins, ol i save tingting long ol yet.

Olsem na yu husat i laik vot long ileksen i mas go long ples bilong yu yet na vot. Nogut yu hatwok nating long votim ol man na taim ol i kamap memba pinis bai ol i lus tingting long yu.

Tony Hara
KOKOPO

Ol memba i no save rit na rait Tok Pisin

Dia Edita,

Mi laik autim wari bilong mi i go long ol provinsal na nesenel memba long kantri.

Long bipo yet i kam inap nau, mipela ol lain grasrut i wok long autim wari bilong mipela long ol memba bilong mipela long Wantok Nius.

Tasol mi no lukim wanpela memba i bekim pas bilong mipela yet long Wantok Nius. Olsem wanem ol memba i save baim Wantok Nius tu no no gat? Ating ol i no save rit na rait

long Tok Pisin.

Mani mipela i yusim long baim stem, pepa na envelop i go wes nating. Na tu i no gat man i harim ol wari bilong mipela. Sapos ol i no save long rit na rait, orait long taim bilong kempen, mi no laik harim wanpela memba i kapsaitim ol mauswara bilong em.

Em tasol wari bilong mi na mi laikim wanpela memba i mas bekim.

John Gambu
KIMBE

Kusai bilong ol lain meri Karkar ailan i moa moa yet

Dia Edita,

Mi wanpela manki Momase husat i stap long Madang. Mi bin lukim pas bilong wanpela susa i kamap long Epril 19, 1991. Em i egensim pas bilong brata Daris.

Brata Daris i bin komplem long rabis pasin ol meri Karkar i save mekim. Daris i tok olsem ol meri Karkar i save karim pikinini long rot. Dispela ol toktok Daris i mekim i tru. Mi

ful sapat long ol toktok bilong em.

Mi bin lukim long ai bilong mi. Wanpela taim mi bin go long haus bilong wanpela wantok. Dispela em long wanpela fotnait wik Fraide. Wantok ya i givim sampela mani long meri bilong em. Na meri i komplem long mani. Meri bilong em i tokim em olsem em i laikim sampela mani long salim long pikinini bilong em. Husat i stap wantaim tumbuna

bilong em long ples.

Wantok bilong mi i bin kirap nogut taim em i harim olsem meri bilong em i gat wan-

pela pikinini pinis.

Olsem na susa mi askim yu long pasim maus na stap isi. Yu wantaim ol wantok

bilong yu i wokim pasin nogut stret.

Kaes Bibi,
Madang.

Jeles long ol Hailans

Dia Edita,

Mi laik bekim pas bilong brata John Mongo bilong Mosbi. Pas bilong em i bin kamap long Desemba 27, 1990.

Em i tok olsem ol Hailans tasol i save kamapim raskol pasin. Brata mi laik askim yu, yu bilong wanem kantri, PNG o Australia? Olgeta hap bilong wol i gat dispela nem raskol. Tasol ating ol Hailans i bung pait nat-

ing long yu long Mosbi na yu giaman tasol.

Brata yu mas save olsem insait long kantri bilong yumi i gat gutpela man na i gat man nogut. Olsem na yu mas tingting gut pastaim na toktok. Maski long bagarapim mipela ol Hailans tasol.

John Eva
RABAU

Kisim ol taun referi long lukautim kik



Dia Edita,

Mi wanpela manki Nayudos long boda bilong Madang na Morobe. Na mi gat liklik bel hevi olsem na mi laik autim long Wantok Niuspepa.

Las yia mipela ol pipel bilong Nayudos i pilaim wanpela soka tonamen. Na mi lukim referi husat i go pas long lukautim gem i wansait tumas.

Dispela pasin i kamapim planti het pen long mipela ol arapela klap memba husat i kamap long lukim gem na pilai. Nau mi laik askim ol man husat i go pas long oganaisim dispela tonamen long kisim ol referi

long taun na lukautim gem long taim bihain.

Wantok sistem long gem em i no gutpela samting. Bikos dispela pasin tasol bai kirapim planti hel hevi namel long ol pilaia na sapota. Olsem na mi laik askim yupela ol opisal long makim ol taun referi long lukautim gem. Na referi bilong wantok sistem em lus tingting long em.

Dispela em wanpela bikpela samting mipela olgeta pilaia long Nayudos i no laik long en.

Aee Yay Gamboc
BODA MORMAD.

Ol nambis save posinim ol Hailans

Dia Edita,

Mi bilong bus tru bilong Sauten Hailans tasol nau mi stap long Kujip long Westen Hailans provins.

Mi no save amamas long ol lain nambis i

save jeles long save bilong ol lain hailans.

Taim wanpela man hailans i bos long wanpela hap long nambis, ol nambis man i stap namba tu o namba tri, ol i save jeles na

mekim posin long ol lain hailans.

Ol lain ya bai go long-long na mi bin lukim planti pinis i raun long-long nabaut long hailans i stap. Dispela i no gutpela pasin na mi

laik askim ol lain nambis long lusim dispela kain pasin bilong ol.

Joseph Yasi

MENDI

Bialla haus sik i bagarap olgeta

Dia Edita,

Mi wanpela manki Sepik tasol nau mi stap long Bialla long wel-pam provins. Mi laik komplem olsem Bialla haus sik nau i bagarap olgeta.

I no gat gutpela toilet na ples bilong waswas. Ol manmeri i pekpek na pispis nabaut insait long ples bilong waswas na tu ausait long toilet.

Long wankain taim tu i no gat gutpela ples

bilong slip long ol sikman. Olgeta bet bilong sikman i bagarap na ol sikman i no save slip gut. Na olgeta hap kona bilong haus sik i save smel nogut tru bikos i no klin.

Haus sik i luk rabis olgeta na mi no amamas stret long kain samting nau i wok long kamap long haus sik bilong yumi.

Taitino Masavi
BIALLA

Wantok sistem yet

Dia Edita,

Mi laik sapatim pas bilong John Yawho i bin kamap long Janueri 3, 1991.

Pas bilong em i tok olsem insait long Is Nu Briten, i gat planti wantok sistem i wok long kamap. Planti long mipela i save go askim wok tasol ol i save tok i no gat wok. Tasol taim ol wantok bilong ol i kam askim, ol i save givim wok isi tru.

Olsem na dispela kain pasin wantok sistem i save givim belhat tru long ol lain husat i wok hat long baim skul fi na westim ol planti yia nating long skul na i no gat wok.

Tisa i save giamanim yu

Dia Edita,

Mi wanpela mangi Mendi tasol nau mi stap long Kimbe. Mi laik bekim pas bilong Jonna Poya. Pas bilong em i bin kamap long Oktoba 24, 1991.

Jonna i tok tisa bilong em bin tokim em olsem ol man i kamap long pis. Bihain long sampela handet yia, em i bin senis i go long monki. Bihain long monki em i bin kamap man.

Brata no ken harim tisa bilong yu, em i giamanim yu. Buk Baibel i tok God i bin wokim yumi. God i bin wokim man long graun na bihain em i ngivim win na man i kamap. God i bin givim em nem Adam. Na taim God i lukim olsem Adam i nogat poroman, em i wokim Eva.

Pis na monki em ol sampela samting God i bin wokim. Pastaim long em i wokim man, em i wokim ol animal na pis.

Jonna, mi askim yu long painim dispela stori long Buk Baibel. Yu ken opim Baibel bilong yu i go long Jenesias sapta 2 ves 7 na 8. Na Jenesias sapta 2 lain 18 i go inap long lain 23.

Mathew Nolim,
Kimbe.

Boi Sepik gat stail

Dia Edita,

Mi wanpela mangi Sepik tasol nau mi stap long Kimbe. Mi laik bekim pas bilong Jerry Taliata. Pas bilong em i bin kamap long Wantok Niuspepa long Oktoba 31, 1991.

Brata Jerry i bin komplem long ol mangi Sepik. Em i tok olsem ol manki Sepik save soop long Hailans hat.

Brata, mi ken tokim yu stret olsem yu wanpela jeles man. Yu lukim mipela ol mangi Sepik i save stailim hat na yu mangal nating. Sapos ol meri i tok em i orait long mipela putim. Watpo yupela ol man Hailans i no amamas long mipela long putim.

Mi laik askim yupela, bilong wanem na yupela salim long maket? Yupela salim bikos yupela laikim ol man i baim. Sapos man i baim dispela hat, em i gat olgeta rait long putim. Na ol kain jeles man olsem yu i no gat rait long opim maus na komplem.

Jerry, mi laik tokim yu olsem mipela ol boi Sepik i no save komplem long yupela ol Hailans. Ta m yupela save karim ol Sepik basket. Mani bilong yu tok na yu karim dispela basket so mipela no gat rait long komplem.

Brata traim na yusim het bilong yu. Tingting gut pastaim na bihain yu ken opim dispela maus bilong yu. No ken hait na mek m dispela kain toktok. Kam na pesim ol mangi stret na tokim ol.

Camilus Kondang
Kimbe.

Ol Hailans i no save bagarapim Godens maket

Dia Edita,
Mi wanpela mangi Goroka long Isten Hailans provins, tasol nau mi stap long Mosbi. Mi laik egensim pas bilong John Supira bilong Mosbi em i bin kamap long Fonde Janueri 16, 1992.

Long pas bilong em, em i bin wokim tripela kain toktok:

1. Long Godens maket, ol Hailans tasol i save bosim olsem wanpela maket bilong ol yet long Wabeg, Goroka o Kundiawa.
2. Gavman i mas salim olgeta Hailans i go bek long ples bilong ol.
3. Ol Hailans tasol i bagarapim gutpela kantri bilong yumi Papua Niugini.

Long namba wan poin bilong yu, mi laik tok strong long ol Mekeo pipel

Ol 'lamp flap' mit gat planti gris

Dia Edita,
Mi laik komplem long ol mit em ol stua i save salim. Ol mit mi laik komplem em ol siave kolim 'lamp flaps' long tok Inglis.

Prais bilong ol dispela mit i winim K2 na go antap. Dispela em bikpela tru ya.

Tasol taim yu kukim na laik kaikai, bai yu lukim planti gris tumas. Na no gat inap mit bilong kaikai. Em

long no ken kam salim buai long taun. Sapos yu no stapim ol na wok long egensim ol Hailans tasol, ating yu westim taim bilong yu. Bikos toktok bilong yu i no inap karim kaikai.

Sapos yu lukluk gut long Godens maket, bai yu painim olsem i no ol Hailans tasol i salim buai. Ol i save salim ol gutpela kaikai bilong maket olsem kaukau, pinat, banana na ol gutpela kumu na planti moa.

Sapos yu wanpela i laik bosim Godens maket, i luk olsem em bai hat tru. Bikos Godens maket i bilong olgeta manmeri husat i laik salim kaikai bilong kisim liklik mani.

Joe Kuma Mosbi

wanem kain mit tru ya.

Olsem orait no ken kolim mit, yupela mas kolim gris. Bikos planti gris i pulap long ol dispela rabis mit. I no olsem ol pik bilong mipela long bus.

Yupela ol stua na kampani husat i save mekim na salim dispela kain mit i mas tingim, mipela i no ol pik na dok bilong yupela.

Kesi Doaly MOSBI

Ramu suga, top ya

Dia Edita,

Mi laik salim bikpela tok amamas i go long wanpela suga kampani tasol bilong mipela, Ramu Suga.

Suga bilong Ramu long bipo i no gutpela tumas. Kala bilong suga i braun, na i gat planti pipia tumas.

Tasol long 1991, mi lukim waitpela suga na amamas nogut tru. NA tu i no gat moa pipia insait long suga. Dispela em i gutpela.

Bipo planti manmeri i save komplem i go na nau senis i kamap.

Mi lek tenkim ol bikman, wokma na menesmen bilong Ramu Suga kampani long dispela gutpela nambawan senis.

Kesi Doaly BOROKO

Maski bilas olsem ol waitmeri

Dia Edita

Mi wanpela sumatin bilong Angoram haikul long Is Sepik. Mi laik bekim pas bilong brata Siriong Wanam. Pas bilong em i bin kamap long *Wantok Niuspepa* long Desemba 13, 1990.

Brata ya i tok em i save les long lukim ol meri Papua Niugini i bilas olsem ol waitmeri. Na em i tok ol meri save luk olsem pato taim i putim su. Ol save penim maus bilong ol na luk olsem kokomo long bus.

Tasol brata mi laik tokim yu olsem em wari bilong yu. Mi save olsem yu jeles, olsem na yu mekim ol dispela toktok.

Yu mas save olsem nau planti meri i go long bikpela skul. Yumi i no stap yet long tumuna pasin, ol waitman kam longtaim yet. Olsem na ol meri gat



rait long senisim ol pasin bilong bilas. Em tasol na sapos yu

husat man o meri i gat hevi, orait rait tasol long *Wantok Niuspepa*.

Shella Patua Wewak

Nalau mas stap long rausim ol skwata setelmen long Lae

Dia Edita,

Mi laik mekim sampela toktok long wanem samting primia bilong Morobe, Jerry Nalau i mekim nau. Dispela em long rausim ol skwata setelmen long Lae siti.

Mi save long ol hevi we i kamap long ol setelmen we ol pipel bilong Hailans, na arapela provins i stap nau. Na tu sampela setelmen i gat ol pipel bilong Morobe provins yet.

Tasol mi ting primia i no mekim gutpela wok tumas.

Mi laik askim primia long tingting long nesanel singsing bilong mipela. Wanem ol toktok i stap insait long dispela singsing.

Mipela olgeta i bilong Papua Niugini.

Olsem na inap long primia i stapim ol dispela samting em i mekim nau?

Long tingting bilong mi, dispela i no rot bilong stapim lo na oda hevi.

Mi yet i bilong Morobe provins. Long makim maus bilong ol arapela Morobe pipel, mi laik toktok long wanem samting mi lukim long Lae siti.

Ol rot long siti i olsem bilong wanpela stesin i stap ausait tru long siti. Provinsal gavman i no mekim gut wok bilong em.

Thomas Kekoe LAE

Kokopo pulap long raskol

Dia Edita,

Mi wanpela mangi Topopou insait long Madang provins, tasol nau mi stap long Kokopo long Is Nu Briten. Mi laik komplem long ol brata bilong Sepik na Hailans. Dispela ol brata i save mekim planti raskol pasin long sait bilong Kokopo.

Ol save hensapim ol manmeri na kisim mani na klos bilong bodi olsem su na han was, na ol arapela samting moa.

Na tu ol i save brukim ol stua na stilim ol mani, kaikai na klos bilong stua. Wanpela pasin nogut ol raskolman i save mekim tu em hensapim ol meri, na karim i go long bus na bagarapim ol.

Dispela i no gutpela pasin tumas, na tu kilim

narapela man o meri nating em pasin nogut tru.

Sapos yupela laikim mani orait mobeta yupela mas painim wok, kisim mani na stap isi. No ken wokim ol dispela pasin raskol nambaut.

Ol brata insait long PNG i gat ol gutpela lotu i stap. Gutpela sapos yupela joinim ol lotu na stap isi bai kantri bilong yumi, Papua Niugini i ken kamap wanpela kristen kantri.

Yes ol brata, wanpela lain insait long Baibel, Matthew 25:41 i tok dispela kain pasin bilong Satan na God papa i redi pinis bikpela paia bilong yumi olgeta.

Micah Sally Kokopo

Ol yangpela meri i no save bihainim ol maritman

Dia Edita,

Mi laik bekim pas bilong brata Ambane Luvi. Pas bilong em i bin kamap long *Wantok* Namba 917.

Brata mi no wan bel long pas bilong yu. Yu tok ol yangpela meri i save paulim ol maritman.

Brata yu tingim pastaim, sapos yu maritman, ol yangpela meri bai i no inap kam long haus bilong yu na paulim yu o askim laik long ol.

Brata em i asua na longlong bilong yu yet. Yu lusim meri na pikinini bilong yu, na ol save krai long yu long mani, na hevi bilong yu tasol yu

na stap long haus.

Yu go paul wantaim ol yangpela meri, olsem yu wanpela yangpela man tru.

Brata yu save, meri na pikinini em blesing bilong papa God i givim long yu long lukautim, olsem na yu no pik na dok, na bai yu go paul nabaut.

Neks taim yu no ken putim dispela kain tingting bilong yu.

Brata dispela em asua na wari bilong yu yet.

Sam Koal Mosbi

Maski long 'fos' Tolai

Dia Edita,

Mi wanpela manki bilong Sauone insait long Kabwum distrik bilong Morobe provins. Mi stap nau long Mosbi siti.

Mi no save amamas long lukim ol meri Sauone i penim gras bilong ol na kamap olsem ol meri Tolai.

Mi save raun long 4 Mail na lukim ol meri Sauone, mi save ting olsem ol meri Tolai ya. Tasol no gat. Em ol ples meri bilong mi.

Plis, yu husat meri save mekim dispela kain pasin, mi askim yupela long lusim. Bikos yupela daunim nem bilong Kabwum ya.

Line Kennedy MOSBI

Maski tok pilai long God papa

Dia Edita,

Brata Nandua Angram i bin raitim wanpela pani stori bilong Kanage long *Wantok Niuspepa* Namba 917 bilong Janueri 30, 1992.

Brata yu yet raitim na yu ting em pani, tasol mi lukim dispela stori bilong yu na mi no amamas.

Brata, ating yu mas pikinini bilong wanpela diwai o yu mas kamap long dispela graun long strong na pawa bilong yu yet.

Sapos God papa i bin wokim yu na mi, mobeta yu tingting gut na yu tok pilai long em. Em i no wanpela man nating bilong dispela graun bai yumi ken tok pilai long em.

Em tasol, sapos yu o ol arapela man i gat gutpela tingting long bekim dispela pas bilong mi, yupela i welkam tasol long rait.

Sam Koal Mosbi

Salim pas i kam long:

WANTOK NIUSPEPA P.O. BOX 1982 BOROKO

Gavman mas tingim ol Gret 10 skul liva

Dia Edita,

Mi wanpela manki bilong ples Havaru insait ong Lufa Distrik, Isten Hailans provins. Tasol nau mi skul long Godens haikul na stap long Mosbi.

Dispela em i namba wan taim bilong mi long raitim pas i kam long *Wantok Niuspepa*. Mi laik autim wari bilong mi long nesanel gavman bilong yumi long lukim.

Mi save lukim planti gret 10 skul liva i raun nating long ol biktaun bilong yumi. Planti bilong ol i gat save long wokim sampela wok, tasol gavman i no save lukluk long ol. Ol papa mama bilong ol i bin tromoi planti mani long ol.

Olsem na mi gat 4-pela askim long givim i go long Praim Minista Rabbie Namaliu long lukim:

- Sapos ol dispela skul liva i no painim wok, ol bai bekim mani bilong papa mama bilong ol olsem wanem?
- Praim Minista, yu ting olsem wanem sapos ol i

kamap raskol na brukim lo bilong kantri?

- Yu ting sindaun bilong ol bai i gutpela sapos ol i kamap raskol?

- Inap gavman i kisim ol long wok wantaim difens na plis fos?

Em tasol wari bilong mi. Na sapos yu husat skul liva o ol arapela brata na susa i laik sapotim o egensim pas bilong mi, plis rait tasol long *Wantok Niuspepa*. Mi bai amamas tasol long lukim bekim bilong yupela.

Uri Joseph Mosbi

WANTOK

BISNIS long PAPUA NIUGINI

WANTOK

**PRAIS!
PRAIS!**

KOPI

Pe bilong drai arabika kopi long wan wan kilogram long Februari 6.

Dispela i karamapim prais bilong kopi long dua bilong faktori na i no long sait bilong rot.

Kainantu	K0.80
Goroka	K0.80
Minz na Banz	K0.80
Hagen	K0.80
Lae	K1.00
Erap	K0.90
Wau/Bulolo	K0.80
Aseki	K0.85
Madang	K0.78
Is Sepik	K0.63

Ol ripot i kam long Kopi Industri Bod. Mipela i no kisim ripot bilong Mendi, Kundiawa, Aseki, Wasu, Mumeng na Wapenamanda

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Tobo, Kimbe na Kieta i stap olsem:

Smoke	K243
F.M.S	K245
Hot Air	K248

Na pe bilong kopra long ol liklik depo i stap olsem:

SAMARAI	Smoke	K211
	F.M.S	K213
	Hot Air	K216
KANDRIAN na NAMATANAI	Smoke	K208
	F.M.S	K210
	Hot Air	K213
BUKA	Smoke	K207
	F.M.S	K209
	Hot Air	K212
FINSCHHAFEN	Smoke	K203
	F.M.S	K205
	Hot Air	K208
LORENGAU	Smoke	K198
	F.M.S	K200
	Hot Air	K203
KEREMA	Smoke	K120
	F.M.S	K122
	Hot Air	K125
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1992

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

Mande Tunde Trinde Fonde Fraide	3/02	4/02	5/02	6/02
	02	6/02		

Pe ol baiya sasim long papa bilong fementri

K827	K779	K750	K759	K748
Sapot prais				
K238	K238	K238	K238	K238

Prais ol papa bilong fementri i kisim

K1,065	K1,017	K988	K997	K986
--------	--------	------	------	------

Sapot prais bilong kakao long dispela mun em K237.56 Dispela prais i no wankain olsem pe bilong kakao long ol narapela hap bilong kantri.

RABA

Gavien faktori (ESP) - 21V/kg
Doa faktori (Sentrel) - 36 V/kg inap long 39V/kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem: Drai long san em namel long K0.80 na K1.10. Drai long faktori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	55.1 toea
Diesel	42.3 toea
Kerosin	46.6 toea



Manus provinsal gavman sainim tok orait long statim pis projek

SAM VULUM i raitim

TUNA Industri Developmen Kopresen (TIDC) nau i lukluk long tingting bilong Manus provinsal gavman wantaim wanpela pis kampani bilong Japan long statim pis projek long Manus provins.

Provinsal gavman wantaim World Fish kampani bilong Japan i bin pasim tok long statim projek bipo long ol i redim wanpela ripot na givim long TIDC.

Insait long projek, World Fish bai kisim ol pis long Manus na ol sampela hap bilong PNG na

salim i go long Japan.

Opis bilong Tred na Industri i kisim ripot bilong projek long Ogas 1991 tasol ripot i no tokaut yet long amas mani bai kampani i yusim long projek. Ol kampani bai bung long wok long projek em long Sunam Marine Pty Ltd, World Fish na Agrikalsa (Inc.).

Wantok i no inap long painim aut long TIDC sapos nau i pinis long lukluk long ripot tasol ol sampela ripot i soim olsem TIDC i no amamas long sampela tingting insait long ripot.

TIDC i painim aut olsem projek bai kamap olsem wanpela kopre-

tiv olsem na bai i no gat kampani i baim sea. Sunam Marine Pty Ltd bai olsem developa bilong ol wok i kamap long nambis na em bai putim olgeta mani long statim. Em i no inap long kisim helpim bilong ol narapela kampani long join venja.

Ol narapela samting tu i no stret em long:

- tripela ovasis kampani, WFA, Ting Hong na Sanko Bussan bai lukautim wok bilong salim pis. Taim pis i go antap long balus, em kamap samting bilong tripela kampani na i no kopretiv; na
- ol mani bilong laisens bai go

insait long Trast Akaun na bai ol i autim taim ol i kisim laisens. Dispela i no stret long nupela lo bilong tuna long PNG. Namba wan em pe bilong laisens long wan wan bot bilong kisim pis bai liklik tru olsem K25. Na namba tu em laisens bai i go long Sunam Pty Ltd na i no ol papa bilong bot.

TIDC i painim aut tu olsem projek i no gat envairomental olen.

Na dispela tok orait tu namel long Sunam na WFA i soim klia olsem em bai kilim strong bilong ol narapela ol toktok ol i mekim bipo.

Planti kopi groa i les nau long lukautim kopi



• **Kaip Kupal wantaim pikinini bilong em i mumutim ol pikinini kopi long plantasin bilong ol long Raglamp viles long Westen Hailans. Stori na potio:**

William Kotson

PLANTI groa bilong kopi nau les long lukautim moa kopi na planim ol narapela kaikai long salim na kisim mani bilong ol i no kisim gutpela mani long kopi.

Wanpela long ol dispela lain em Kaip Kupal bilong Raglamp viles long Westen Hailans

provins.

Kupal i tok pe bilong kopi long dispela yia i pundaun nogut tru. Em i tok bipo em i save kisim namel long K30 na K40 taim em i salim kopi long 25 kilogram beg. Tasol nau pe i go daun tru namel long K6 na K7.

Ol liklik bisnisman i go raun long Jemeni

EDDIE SAUNDERS i raitim

SEVENPELA bikman na mausman bilong sampela ol liklik bisnis manmeri long PNG i lusim pinis Mosbi long Mande long lukluk raun long Jemeni.

Ol dispela lain bai raun na lukluk long ol kain kain wok bilong ol liklik bisnis manmeri na tu ol bisnis asosiesen i save mekim long Jemeni na bai kam bek long PNG long Mas I.

Fredrik Egbet Faundesen (FES), wanpela praivat ogenaisesen bilong Jemeni yet i putim mani long lukautim wokabaut bilong ol dispela lain. FES i stat wok long PNG long 1986 na long dispela taim i kam inap nau em i helpim ol liklik bisnis manmeri long PNG na tu long 38 narapela kantri long wol.

Long las wik, Wantok i karim wanpela stori i toktok long helpim FES i givim long tupela nupela bisnis asosiesen long Lae na

Rabaul.

Long dispela wik, FES i salim sampela memba bilong dispela tupela asosiesen i go long Jemeni. Dispela em namba tu taim FES i baim rot bilong ol bisnisman long go long Jemeni. Tasol bipo long dispela, FES i bin putim mani long salim ol lain i go skul ovasis na tu kamapim planti kibung bilong ol bisnis manmeri long PNG yet.

FES opis long Mosbi i tokaut olsem ol dispela lain i go bai bung wantaim ol narapela bisnis manmeri na ol bikman bilong ol asosiesen long Jemeni na toktok long ol kain samting bai helpim ol long ranim ol asosiesen long Lae na Rabaul taim ol i kam bek long PNG.

Ol lain i go long dispela lukluk raun em Henry Tavul bilong Rabaul na kodineta bilong ENB Nesanel Bisnis Asosiesen; presiden bilong Lae Bisnis Asosiesen, Charles Nakau, Pita Avula, wanpela lektrik kontrakta long Lae;

Meneseing Dairekta bilong Smol Bisnis Developmen Kopresen (SBDC); Frank Senge Kolma, wanpela nius man na man i go pas long ol em Benson Nablu,

siaman bilong Kumgie Konsalt.

Ol lain ya bai raun long planti hap na tu kamap long wanpela kibung em FES bai putim kamap long Hamburg siti.



Wok bilong paip • Ol wokman bilong Chevron Niugini i wok long putim ol pait bilong karim wel long Kutubu. Wok nau klostu i pinis

Bikpela pe long stua kaikai bagarapim ol smolholda kopi groa

PLANTI smolholda groa bilong kopi long PNG i tokaut olsem pe bilong ol kaikai long ol stua i kamapim ol senis long amas kopi ol i save kamapim na salim.

Long taim em i mekim wok painim aut, em i askim ol groa long wanem kain ol senis ol i lukim i wok long kamap aninit long kain kain bikpela astingting.

olsem taim pe bilong ol samting long stua i go antap na ol i salim planti kopi, wanem kain senis i kamap. Ol groa i givim ol kain kain bekim na dispela i mekim i hat long save sapos dispela hevi long pe bilong ol samting long stua i tru o no gat.

bilong kopi i go daun na tu ol i save painim hat tru long painim trenspot long salim kopi bilong ol.

Ol narapela hevi tu i kamap klia em i no gat inap marasin long putim long kopi long wokim kopi kamap gut, pe bilong skul fi i go antap na pe bilong ol kain kain pasin tumbuna tu i go antap.

Duncan i tok em i no painim aut sapos olgeta ol dispela ol hevi i bung na bringim kamap hevi long namba bilong kopi ol smolholda i save kamapim na em i laikim moa wok painim aut i mas kamap.

Wanpela ripot bilong wanpela ikonomis bilong Ovasis Development Ejensi (ODA), Duncan Overfield i tok aut long en. Dispela em namba wan taim kain wok painim aut i kamap long smolholda kopi groa. Duncan i wok wantaim Kopi Industri Kopresen (CIC) long Goroka.


Duncan i tok planti ol groa i tok pe bilong ol samting nau i go antap long ol stua i givim sampela hevi long namba bilong kopi ol i save kamapim. Em i tok dispela i soim olsem ol i no kamapim kopi inap long namba ol i makim long kamapim.

Tasol Duncan i painim aut tu

Duncan i tok bikpela hevi ol groa i kisim em pe bilong kopi i go daun na tu hevi long painim trenspot long salim kopi.

Em i tok planti man i les long kamapim moa kopi bikos pe

Mak bilong pe long PNG winim ol narapela kantri



PNG painim hat long salim kokonas na kakao

PAPUA Niugini nau i painim hat tru long resis wantaim ol narapela kantri long salim kakao na kopra long wol maket.

kakao na kokonas i go daun long wol maket na ol plantasin i no inap long salim planti kakao na kokonas long wokim profit.

olsem na PNGGA i laikim Minimum Weges Bod (MWB) long lukluk gut na kamapim nupela kain skel bilong pe bilong ol wokman. Sapos dispela i kamap, ol plantasin bai go het long holim ol dispela wokman long wok.

Dispela long wanem pe bilong ol wokman na meri long ol plantasin i go antap na long wankain taim tu pe bilong ol samting long stua na ol narapela samting tu i sut i go antap.

Bikos long dispela, ol kantri olsem Indonesia, Sri Lanka, Melesia na Solomon Ailan i winim PNG.

PNGGA i tokaut olsem ol plantasin i no baim ol wokman i bihainim stret mak bilong gavman bikos ol i no gat mani. Planti ol plantasin i sotim ol wok bilong wok olsem bai i gat inap mani long baim ol wokman.

PNG Groas Asosiesen (PNGGA) long Rabaul i tokaut olsem dispela em wanpela bikpela hevi ol plantasin bilong kakao na kokonas i gat.

Planti manmeri tru i wok long ol plantasin

Pe i go antap tasol ol bos bilong ol plantasin bai kisim mani we long baim ol. Dispela long wanem pe bilong

Man Hanuabada winim nupela Toyota

ARENI Igo bilong Hanuabada viles long Mosbi i winim wanpela nupela Toyota Hilux Doublecab long Ela Motors long las wik.

Em i winim dispela ka bihain long em i baim wanpela rafel tiket bilong PNG Lawn Tennis Asosiesen.

kisim nem bilong em stret. Ol i no giaman na kisim nem bilong Igo, ol plis i bin stap tu long dispela taim.

Igo i amamas tru taim Ela Motors i askim em long go lukim ol long kisim nupela ka bilong em.

Planti manmeri tu i bin baim tiket tu tasol bihain ol i putim olgeta tiket long wanpela bokis na ol i rausim wanpela nem. Na Igo i laik tru olsem ol i

Igo i wok olsem wanpela man bilong salim ol bret long Paradais Bekeri long Hoholo.

Buai bisnis kamap strong long ol Hailans provins



Ol Hailans manmeri bilong Hagen i baim buai long Markham Namba 2 viles long 70 Mail ausait long Lae. Foto na sotri: William Kotson

PLANTI Hailans manmeri i gat kain kain save long wokim bisnis. Wanpela long ol dispela kain bisnis em long baim buai long Lae na salim long ples bilong ol yet.

long 25 kilogram beg rais na namel long K100 na K120 long 50 kilogram beg flaua.

kamapim K300 bilong wanpela man long wanpela wik.

yusim K50 long baim ka i kam long Lae na go bek. Bihain em i yusim K40 long dring na kaikai; K40 long ples bilong slip; K60 long baim ka i go kam long salim long ples bilong em na kos bilong em yet long wan wik em K50.

Ol manmeri bilong Hailans stat long Mendi i kam daun olgeta long Goroka i save kam daun long Lae. Long Lae stret na Markham ol i save baim buai namel long K50 na K60

Ol i save karim i go bek na salim long 20 toea long wan wan. Em i save kisim ol wan wik long salim 50 kilogram beg flaua buai na long pinis bilong wik ol i save wokim samting olsem K100 long bekim kos bilong buai na K200 olsem profit. Dispela i go bung i

Tasol wanpela liklik samting i rong em ol i no save long wokim aut amas mani ol i yusim.

Wanpela liklik wok painim aut i soim amas mani wanpela mani Sauten Hailans i yusim taim em i kam daun long Lae na go bek long Mendi. Namba wah samting em i

Dispela i go bung i kamapim K240 na pe bilong buai em K100 wantaim i kamapim K340.

PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG	KAGO
POM	Alotau	K101	K1.01
POM	Daru	K117	K1.17
POM	Goroka	K114	K1.14
POM	Hoskins	K140	K1.40
POM	Kavieng	K234	K2.34
POM	Kundiawa	K113	K1.13
POM	Lae	K95	K0.95
POM	Madang	K129	K1.29
POM	Manus	K206	K2.06
POM	Mendi	K136	K1.36
POM	Misima	K155	K1.55
POM	Mount Hagen	K132	K1.32
POM	Popondetta	K59	K0.59
POM	Rabaul	K187	K1.87
POM	Tabubil	K189	K1.89
POM	Tari	K153	K1.53
POM	Vanimo	K234	K2.34
POM	Wapenamanda	K141	K1.41
POM	Wewak	K180	K1.80

* I nogat ol spesel prais nau inap long neks ya.
* Ol kago em hevi abrusim 1kg bai gat pe.

Exchange Rates

Bank buys at:	Notes	T/T
Australia	1.4220	1.3922
USA	1.0820	1.0476
UK	0.6090	0.5851

Bank sells at:	Notes	T/T
Australia		1.3766
UK		0.5825
USA		1.0407
Solomon Islands		2.8776
China		5.5227
Fiji		1.5271
Hong Kong		8.0052
India		26.4661
Japan		130.79
New Zealand		1.9008
Singapore		1.6808
Switzerland		1.5109
Germany		1.6787

Gold rates (in US\$):	
per ounce	\$356.05
per gramme	\$11.45



Areni Igo i kisim ki bilong ka long brens menesa bilong Ela Motors; Lou Morris

Haiwara kilim ol pipel long ples Wurins

LONG bipo bipo tru i gat wanpela man i save stap long ples Wurins klostu long Passam. Dispela ples i stap asuait tasol long Wewak taun insait long Is Sepik provins.

Nem bilong dispela man em Aru. Wanpela de Aru wokabout i go daun long maunten long wanpela wara long waswas. Em wokabout i go daun na lukim wanpela diwai i pundaun i go antap long wanpela raun wara. Nem bilong dispela wara em Wiruhu, we i stap klostu long bikpela wara.

Dispela diwai em wanpela diwai bilong kisim ol binatang. Aru katim diwai na wok long kisim ol binatang i stap. I no longtaim tamiok bilong em i lus na go daun long dispela raun wara.

Em i go katim rop kanta i kam pasim long wanpela diwai. Em holim kanta ya na bihainim i go daun long raun wara. Isi tasol em holim kanda na go aninit long wara. I no longtaim em i krungutum antap long morata bilong wanpela haus aninit long raun wara ya.

Aru save pinis olsem em i mas kamap long wanpela ples bilong ol masalai nau. Em wokabout antap long morata bilong dispela haus i go na kalap go daun long graun.

Sem taim em i harim olsem wanpela man i lukim em na singaut. Hariap tru em i tanim na lukim tupela meri sindaun arere long haus i stap. Hariap tru em askim tupela, "Nogut yutupela lukim tamiok bilong mi?"

Tupela giamanim Aru olsem tupela i no lukim wanpela tamiok. Samting tru em tupela meri ya kisim tamiok pinis na haitim aninit long purpur bilong tupela.

Dispela tupela meri em masalai meri ya. Aru kirap lusim tupela meri ya na wokabout i go long hausboi bilong ol masalai man na slip i stap. Dispela taim olgeta masalai man i go pinis long bus.

Aru slip i go na apinun tru em kirap kisim bilo bilong bos bilong ol masalai man, em ol bin katim long hap diwai na ranawe i go bek long ples Wurins. Dispela bilo i luk bais tru. Olsem na Aru mangalim na kisim.

Long tokples bilong mipela ol pipel long Wurins, mipela i save kolim ol dispela tumbuna bilo olsem Homunku.

Long apinun olgeta masalai man i kam bek na lukim olsem pilo bilong bos bilong ol i no stap. Ol painim i go na askim tupela masalai meri. Na tupela masalai meri i tok, "Mitupela lukim wanpela man i kam daun raun long hia long san na go bek. Ating em i mas kisim ya."

Bos bilong ol masalai kirap na salim toktok long masalai bilong olgeta wara i kam bung, na ol smelim i go kamap long ples Wurins. Dispela nait bikpela ren wantaim win i kamap. Haiwara i stat long kamap nau.

Aru lukim olsem na kisim tingting pinis long wanem asua em i mekim long stilim dispela pilo. Tasol em i no karim i go bek na tro-



moi go daun long raun wara.

Mekim na haiwara i kam antap na kilim olgeta manmeri long ples. Aru wanpela i save pinis. Olsem na em go antap long wanpela longpela kokonas stret long ples.

Em stap i go inap klostu long tulait na wara i go daun gen. Em kisim wan wan kulau kokonas na tromoi i go daun. Em mekim olsem i go inap em tromoi las kokonas

i go daun paitim long graun na ibruk.

Em save nau olsem wara i go daun pinis, na ol masalai i mas go bek long ples bilong ol. Isi tasol em go daun long graun na tulait i bruk. Olgeta manmeri long ples wantaim pik, dok na abus i dai pinis.

Isi tasol em kisim bilo bilong masalai man i go na tromoi i go daun bek long dispela raun wara.

Olsem na tude, ol pipel long ples i no

save katim wanpela diwai o samting olsem i stap arere long dispela raun wara. Na ol ston em dispela bikpela haiwara karim i kamap long ples i stap yet.

Na tu no gat wanpela man i save go waswas long dispela raun wara nau.

Em tasol stori bilong mi.

Clement Wamma WEWAK



□ KANAGE na poro i go spak long Klab Jemania long Mosbi las wiken. Tupela i dring i go na bia i pinis. Olsem na Kanage givim narapela K10 long poro bilong go baim moa bia. Poro bilong em i go kisim tasol 4-pela botol na karim senis i kam bek. Kanage belhat na bikmaus long poro bilong em, "I the tell you to kill the K10. Not the blari the senis!"

Alphonse Yawi Angoram, E.S.P.

■ KAS bilong Kanage i go wok long Goroka na maritim meri long hap. Bihain long lotu marit, kas i kirap putim nupela meri bilong em na tupela i laik go holide na amamas long Kainantu. Long rot taim kas bilong Kanage i senisim gia, han bilong em tu i tasim lek bilong meri. Mekim i go na em pilim sem nau bikos meri i no toktok o mekim wanem. Olsem na em i kirap na tok sori long nupela meri bilong em. Meri i harim na bekim, "That's okay darling. Now that we are married, you can go all the way." Kas bilong Kanage harim olsem na i no stop long Kainantu. Boi i plaim ka i go daun olgeta long Lae.

Bara Winsch, Bomana haus kalabus.

□ OL wanwok bilong Kanage i spak raun long Fraide nait long wanpela liklik bas. Ol i laik so op yet na plis i holim ol na bringim olgeta yet wantaim ka i go long Boroko plis stesin. Long hap, ol plisman i toktok wantaim ol pinis na salim ol i go long haus. Tasol pastaim long dispela, wanpela plisman i tokim ol wanwok bilong Kanage, "Mipela i marimari long yupela na salim yupela i go long haus. Tasol bia mipela i kisim nau i bilong stet, na i no moa bilong yupela." Liklik kas bilong Kanage bilong Bogia i wokabout isi long baksait i kam ausait harim olsem na bekim, "Bilong stet tru o?" Plisman kirap bikmaus antap long em, "Sarap na go long haus bilong yu."

Susan Chalkap, Boroko, N.C.D.

■ MERI bilong Kanage i wok long tilim kaikai long plet i stap tasol Kanage i no wet. Em i wok long stilim kaikai long hapsait na pulimapim long maus i stap. Meri i belhat olgeta na kirap bikmaus antap long Kanage, "Nus bilong yu i olsem handel bilong paraipan."

Alphonse Yawi, Angoram, E.S.P.

Gutpela haiskul inglis bagarap olgeta



Dia Laiplain,

Mi pinis long haiskul las yia. Mak bilong mi long Inglis na ol arapela kos i gutpela tru. Mi save toktok wantaim ol tisa na studen wantaim. Tasol nau i nogat.

Mi stat wok na inglis bilong mi i no moa gutpela olsem long skul. Mi no save toktok gut wantaim ol kastoma. Na long sampela taim, ol wanwok i save tok pilai long kain inglis bilong mi.

Mi traim ritim planti buk long helpim inglis bilong mi. Tasol dispela tu i no inap. Mi pret nau olsem nogot bos i rausim mi. Bikos mi no save toktok na

kli long wanem samting ol kastoma i toktok long en.

VERBALIST

Dia Pren, Stori bilong yu long skul na kain mak yu kisim i soim olsem yu gat bikpela save long tok inglis.

Na nau, dispela ples yu wok long en i no wankain olsem long haiskul. Olsem na yu mas yusim ol narapela tok inglis bilong dispela kain wok. Tasol dispela i no inap bagarapim tumas inglis bilong yu. Bihain long sampela taim, yu bai save long ol kain inglis na toktok em i save kamap long ples bilong wok. Em nau, husat i save.

Nogut yu kamap nambawan gen long hap. Na tu yu save ritim planti buk. Orait dispela tu bai inap helpim inglis bilong yu.

Tasol sapos inglis

bilong yu i bagarap na i no gat narapela bekim, orait i tru olsem yu gat bikpela hevi nau. Wanpela as bilong dispela em yu no gat bilip long yu yet. Na dispela inap daunim na bagarapim yu olgeta. Planti lain i save bagarap long dispela kain daunpasin tasol.

Nogut yu gat ol arapela bikpela hevi em i wok long daunim yu. Dispela ol arapela hevi i mekim na yu i no save tingting na toktok gut na ol kain samting olsem.

Nau tasol yu stat wok. Na ating ol arapela husat i stap pastaim i yusim dispela sans long wokim pani na tok pilai long yu. Tasol dispela em wanpela hap bilong laip. Yu mas lainim samting na strong long go antap olsem ol arapela.

Ating bos bilong yu tu

bai tokaut olsem dispela tingting bilong yu olsem em bai rausim yu i no tru. Wanem samting yu mas mekim nau em long bilip olsem yu inap kamap wankain olsem ol arapela wokman na meri. Na yu inap tok inglis na wok olsem ol.

Mi kalap nogut long ritim olsem yu ting inglis bilong yu long wok i no gutpela. Dispela mi ting i no tru sapos yumi skelim ol arapela lain i stap wok wantaim yu. Samting yu mekim long skelim yu yet wantaim ol arapela i no gutpela. Ating ol i pinisim yunivesiti o go winim ol bikpela skul na krismas bilong ol tu i antap moa long yu.

I mobeta olsem yu yet i mas sindaun na skelim wanem ol asua na hevi yu i gat.

Mi Laiplain.

EMTV		
THURSDAY 20TH FEBRUARY, 1992	9 00 STATION CLOSE	12 30 WORLD SERIES CUP CRICKET CONT.
5 00 TEST PATTERN AND MUSIC	2 57 STATION RE-OPEN	5 00 BONANZA
5 30 ITN NEWS (G)	3 00 SESAME STREET (G)	6 00 NATIONAL EMTV NEWS
6 00 TODAY SHOW	4 00 FLINTSTONE FROLICS	6 30 HEY HEY IT'S SATURDAY
8 00 SESAME STREET	4 30 HUCKLEBERRY HOUND (G)	9 25 EMTV NEWS UPDATE
9 00 STATION CLOSE	5 00 HOGAN'S HEROES (G)	8 30 WINTER OLYMPICS (G)
2 57 STATION RE-OPEN	"Two Nazis For The Price of One"	00 57AM MEDITATION
3 00 SESAME STREET (G)	5 27 EMTV TOKSAVE	01 00AM STATION CLOSE
4 00 KIDS KONA	5 29 NATIONAL EMTV NEWS BREAK (G)	SUNDAY 23RD FEBRUARY, 1992
FLINTSTONE FROLICS	5 30 HOME AND AWAY (G)	6 00 TEST PATTERN AND MUSIC
4 30 HUCKLEBERRY HOUND	6 00 NATIONAL EMTV NEWS	8 27 STATION OPEN
5 00 HOGAN'S HEROES (G)	6 30 A CURRENT AFFAIR (G)	8 30 BUSINESS SUNDAY (G)
5 27 EMTV TOK SAVE	7 00 SALE OF THE CENTURY	9 30 SUNDAY
5 29 EMTV NEWS BREAK (G)	7 25 EMTV NEWS UPDATE	11 00 GOLF SPECIAL
5 30 HOME AND AWAY (G)	7 30 NEIGHBOURS (G)	5 00 BONANZA (G)
6 00 NATIONAL EMTV NEWS	7 52 EMTV TOK SAVE	5 55 CHIT CHAT (G)
6 30 A CURRENT AFFAIR (G)	7 55 EMTV NEWS UPDATE (G)	6 00 NATIONAL EMTV NEWS
7 00 SALE OF CENTURY	8 00 HEY DAD (G)	6 30 RUGBY LEAGUE CHALLENGE CUP (G)
7 25 EMTV NEWS UPDATE	9 00 WINTER OLYMPICS (G)	7 30 60-MINUTES
7 30 NEIGHBOURS (G)	01 27AM MEDITATION	8 22 EMTV TOK SAVE (G)
7 52 EMTV TOK SAVE	01 30AM STATION CLOSE	8 25 NATIONAL EMTV NEWS UPDATE
7 55 EMTV NEWS UPDATE	SATURDAY 22ND FEBRUARY, 1992	8 30 WINTER OLYMPICS (G)
8 00 THE COSBY SHOW (G)	6 00 TEST PATTERN AND MUSIC	00 57AM MEDITATION
8 25 EMTV NEWS UPDATE	8 17 STATION OPEN	01 00 STATION CLOSE
8 30 ALL TOGETHER NOW (G)	9 30 SKY ROCK (G)	
9 00 WINTER OLYMPICS (G)	8 20 WORLD SERIES CUP CRICKET (G)	
01 27 MEDITATION	10 30 SKY ROCK (G)	
01 30 STATION CLOSE	12 00 GILLETTE (G)	
FRIDAY 21 FEBRUARY, 1992		
5 00 TEST PATTERN AND MUSIC (G)		
5 27 STATION OPEN		
5 30 ITN WORLD NEWS (G)		
6 00 TODAY SHOW (G)		
8 00 SESAME STREET (G)		

G General Exhibition
PGR Parental Guidance Required
AO - Adult's Only




BIKPELA TOK SAVE

I KAM LONG

MINISTA BILONG HELT

HON. GALEVA KWARARA, MP



• GALEVA KWARARA, M.P.

Dia ol manmeri bilong Papua Niugini

Long dispela wik, Helt Depatmen wantaim Wol Helt Organisesen na taim Yunaitet Nesen Developmen Program i wokim wanpela woksop long AIDS. Dispela woksop i kamap long Islander Hotel bai ol lida na bikman bilong yumi i ken klia gut long dispela sik na kamapim ol sampela gutpela we long daunim dispela sik AIDS.

Yumi olgeta harim pinis stori bilong AIDS. Tasol yumi olgeta i ting em i wanpela sik nogut i kamp long ol ovasis kantri. Tasol, AIDS em i kampa pinis long Papua New Guinea. Dispela sik ol kilim man indai i wok long raun nau long olgeta hap long kantri. Olsem mi laik tok klia long yupela long ol wok nogut bilong en.

As bilong dispela sik em i wanpela virus (snek nogut) ol i kolim H.I.V. o Human Immunodeficiency Virus.

Dispela sik virus yumi ken kisim taim yumi slip wantaim wanpela man o meri o taim yumi kisim blut long haus sik o blut bilong narapela man i go insait long yu.

HIV inap long slip nating insait long bodi bilong yu inap long 5-pela i go antap long 10-pela yia bipo yu pilim sik AIDS. Olsem man o meri inap karim dispela sik na i no save. Na tu em inap givim dispela sik long arapela man o meri long dispela taim em i no save em i gat sik.

Sapos yu kisim dispela sik bai yu dai. Em tasol. I no gat wanpela marasin inap winim.

I gat wanpela we tasol long daunim dispela sik AIDS. Yumi mas skulim ol man na meri long bihainim ol gutpela pasin taim ol i slip wantaim wanpela man o meri. GUMI em i wanpela gutpela we long daunim sik AIDS. Na tu sapos yu slip wantaim man o meri bilong yu tasol em i wanpela bikpela we long daunim dispela sik.

Sapos yu slip wantaim wanpela man o meri i no man tru o meri tru bilong yu namel long dispela 5-pela yia i go pinis orait yu inap kisimdispela sik. Sapos yu slip wantaim narapela man o meri yu mas yusim gumi long daunim sens long kisim dispela sik.

Long ol kantri we ol man na meri i gat plenti samting sik AIDS i save kamap plenti long ol man i save pren wantaim narapela man. Tasol AIDS i kamap plenti tu long ol man o meri i pamuk nabaut. Ol meri tu i save kisim AIDS. Na tu sapos mama i gat HIV na karim pikinini, pikinini inap kisim sik HIV long mama na bai indai long sik AIDS.

Hia long Papua New Guinea mipela painim pinis 4-pela pikinini i kisim sik AIDS pinis long mama.

Helt Depamen i save kaunim ol manmeri i kisim dispela sik pinis. Olsem mipela kaunim 100 pipel i kisim pinis HIV na 40 long ol dispela i kisim sik AIDS na 25 indai pinis.

Em ol dispela man tasol i ripot pinis long mipela. Hamas man moa i gat sik na i no ripot?

Wol Helt Organisesen i ting i gat moa long long 6,000 pipel i kisim pinis HIV hia long Papua Niugini long dispela taim. Na tu ol i ting dispela namba bai dobel bipo dispela yia i pinis. Na tu bai i dobel gen long olgeta yia sapos yumi na wok hat long daunim dispela sik.

Sapos yumi no painim marasin long pinisim dispela sik, klostu olgeta long dispela lain bai indai bipo long yia 2,000. Na tu inap long wan millien pipel inap kisim HIV virus hia long Papua Niugini sapos yumi no senisim ol pasin yumi mekim taim yumi slip wantiam arapela manmeri.

HUSAT TRU OL DISPELA LAIN PIPEL?

Ol Wol Helt Organisesen i tok ol dispela pipel em ol manmeri krismas bilong ol i namel long 15 na 45 yia em ol pipel i holim ol wok bilong mekim kantri i go het na ol pipel i save raun plenti insait na autsait long Papua Niugini.

Long wanem? Ol dispela pipel i strongpela manmeri na i save pren plenti wantaim ol manmeri nabaut. Hia long Papua Niugini klostu olgeta pipel i save kisim HIV taim ol i pren nabaut nabaut.

Long dispela taim i luk olsem sik AIDS i bihainim wankain rot em i bihainim long ol kantri long Afrika.

Long Afrika sik AIDS i stap longtaim liklik na dispela sik i wok long bagarapim tru plenti kantri long Afrika.

Klostu olgeta pipel i save dai long sik AIDS krismas bilong ol i namel long 20 na 40 yia. Em ol lain wokman. Taim ol i dai famili bilong ol i save kisim taim na tu ol poro bilong ol long wok na kampani tu i pilim hevi. Na taim ol indai ol poro bilong ol i go lukim ol taim ol i plantim bodi bilong ol na plenti ol kampani i no gat wokman bilong pinisim ol wok bilong kampani.

Long sampela kantri long Afrika bikos plenti ol saveman bilong wok indai long sik AIDS ol kampani i sot long ol manesa, ol kargo i slip nating bikos i no gat driva, ol skul i sot long tisa, ol wok long wokim ol haus na bikpela samting i wok long pundaun bikos i no gat man long bosim wok na ol wok bilong wel na gas na maining i no gat wokman bilong mekim wok i go het. Wok gavman tu i go isi isi.

Tasol, sori tumas, sapos yumi no kirap na wok long daunim dispela bikpela sik, bai dispela sik i winim yumi. Olsem nau mi laik toktok long yusim gumi. I gat sampela arapela toktok i kamap long yusim gumi long daunim dispela sik. Olsem mi laik tok. I tru ol sios igat wok long skulim ol lain bilong ol. Tasol Helt Depamen tu i gat wok long mekim indai dispela bikpela sik. Sapos yumi tambuim gumi bai dispela sik i go bikpela moa.

Papua Niugini Kaunsil ov Sios i toktok pinis wantaim Helt Depamen na i orait long yusim guimi long helpim wok long daunim sik AIDS. Na tu Helt Dipamen i gat laik long wok wantaim ol sios. Tasol Wol Helt Organisesen i tok olsem; insait long wol tude bai 5,000 moa manmeri i kisim dispela HIV virus long olgeta de. Olsem mipela i no inap save long hamas pipel insait long Papua Niugini i kisim dispela sik long olgeta de.

Olsem gavman i wari tumas. Long dispela woksop bilong AIDS bai sampela saveman bilong dispela sik i skulim yumi long as bilong dispela sik.

Dokta John Ballard, wanpela saveman bilong Australia na Bernard Zulu bilong Zimbabwe na Dokta Lillian Kimani bilong Keyna, tupela saveman bilong Afrika bai i autim ol tingting long yumi long we long daunim dispela sik AIDS.

Tasol i no gat wanpela marasin inap winim dispela sik. Olsem gavman yet i no inap winim dispela sik. I tru Helt Depamen i gat ol wokman bilong pait wantaim dispela sik na mipela kisim helpim long Wol Helt Organisesen, ol Yuropean Komuniti, Australia na New Zealand gavman, Yunaitet Stets Grup long Intanensel Developmen na ol Yunaitet Nesens Egeni.

Nau gavman i singautim ol papamama, ol tisa, ol dokta, ol sios na komuniti lida long helpim gavman long skulim ol pipel long wok ol i mas mekim insait long ol famili bilong ol na komuniti bilong ol.

OLGETA pipel, nogut yu ritim dispela ol toktok na yupela pret. Mi no laik pretim yupela tasol mi laik bia yu save tru long as bilong dispela bikpela sik na we i ken bagarapim Papua Niugini.

Mipela inap long autim ol toktok bilong AIDS. Em i wok bilong olgeta pipel long pinisim AIDS.

MI,


GALEVA KWARARA MP

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH Mori Auri - Ext 203
John Lagala - Ext 215
Kusabo Fosaga - Ext 216
Dorner Hui - Ext 202



NESENEL VOLUNTIA SEVIS

Nesanel Voluntia Sevis (NVS) i no kamap bilong wokim mani. Nogat. Em i kamap bilong sapatim wok bilong helpim ol arapela (voluntia) long Papua Niugini. NVS inap givim kain kain sevis bilong ol voluntia na ol voluntia menesa. Wampela em bilong kisim ol man/meri long wok, na kisim ol gutpela saveman na meri bilong Papua Niugini yet long wok long komyuniti, ples na oganaisesen we i laikim ol dispela kain helpim.

Namba wan ol lain voluntia bilong NVS bai kamap long mun Me, 1992. Olsem na mipela i amamas nau long kisim nem bilong wanem grup, oganaisesen o wampela projek husat i wok wantaim tingting bilong helpim komyuniti long aplai nau long kisim wampela voluntia woka. Dispela woka i ken stap wok fultaim o long wampela o tupela yia tasol. Ol voluntia bilong NVS bai mekim kain kain wok olsem long edukesen, lukautim bus, graun na wara bilong yumi, praimer heli kea, egrikalsa, bisnis na kain kain ol arapela wok.

Ol lain husat i aplai i mas tokaut klia long wanem kain wok ol i laikim helpim long en, spes na ol samting bilong wok, wampela supavaisa, na tingting olsem dispela projek bai stap longpela taim bihain. Helpim bilong NVS em long kisim na trenim wampela man bilong mekim dispela wok na givim liklik mani long dispela voluntia long olgeta mun. Husat ol lain i laikim wampela voluntia woka long Me i mas aplai hariap. Las de bilong aplai em long 2 Mas, 1992.

Sapos yu laik save moa long aplai long kisim wampela voluntia woka o long kamap olsem wampela voluntia, salim pas i kam long NVS opis long:

P.O. Box 4073,
Second Floor, Garden City, Boroko, N.C.D.

O yu ken toktok wantaim mipela long: Telipon namba: 25 3100 o 25 3162.

Sapos no gat, salim pas long fax namba: 25 8756.

Tok sori

Mipela i laik tok sori long wanem hevi em ol kastoma na saplaia bilong mipela i painim long las mun o pastaim long dispela.

Dispela hevi i kamap bikos Pos na Telekom i no bin stretim hariap telipon bilong mipela wantaim namba long swisbot.

Namba long swisbot em 25 8811 na dispela em i namba wan namba bilong traim. Sapos dispela i no wok, orait traim dispela olgeta arapela namba daunbilo inap wampela i wok:

25 8801
25 8463
25 8962

25 8675
25 8434
25 8783

Mipela i tok save pinis long Pos na Telekom long dispela hevi. Tasol i luk olsem hevi i save kamap oltaim. Olsem na i moa gutpela long yupela i mas luksave long dispela.



Kwila Insurance Corporation
Ori Lavi
Boroko



PUBLIC NOTICE COFFEE INDUSTRY CORPORATION LTD CHAIRMAN'S OFFICE

PHONE: 72 1207 FAX: 721431
72 1266 TLX: NE72647

P.O. BOX 137
GOROKA, EHP PAPUA NEW GUINEA

Kopi Industri Kopresen Limited (CIC) i laik tok save long olgeta smolholda kopi groa long ol dispela provins na ol arapela liklik kopi groa olsem ileksen bilong makim ol lain bilong stap long Bod ov Dairekta bilong CIC i kamap klostu nau. Ileksen bai kamap long mun Mas, 1992. Olsem na mipela i laikim husat ol groa i no memba yet long ol provinsal asosiesen bilong ol i mas mekim olsem.

Isten Hailans
Simbu
Sauten Hailans
Enga

Morobe
Madang
Is Sepik
Wes Sepik na Oro.

Yu i no inap votim wampela man yu laikim long kamap memba bilong yu long CIC Bod ov Dairektas sapos yu no kamap ful memba bilong Smolholda Kopi Groas Asosiesen.

Hia em nem bilong ol man husat em yu inap lukim long baim ol membasip fi bilong yu. Ol i save lukautim ol provinsal Smolholda Kopi Groas Asosiesen.

Isten Hailans - Roderick Fonovee, Siaman,
EHP Smolholda Kopi Groas Asosiesen,
P.O. Box 889, GOROKA, E.H.P.

Simbu - Wanguo Coic, Siaman,
Simbu Smolholda Kopi Groas Asosiesen,
P.O. Box 256, KUNDIAWA, S.P.

Westen Hailans - Peter Kewa, Siaman,
WHP Smolholda Kopi Groas Asosiesen,
P.O. Box 733, HAGEN, W.H.P.

Sauten Hailans - Wesi Limbol, Siaman,
SHP Smolholda Kopi Groas Asosiesen,
P.O. Box 40, MENDI, S.H.P.

Enga - Lete Yakis, Siaman,
Enga Smolholda Kopi Groas Asosiesen,
P.O. Box 105, WABAG, E.P.

Morobe - Jessey Tangguo, Siaman,
Morobe Smolholda Kopi Groas Asosiesen,
P.O. Box 3241, LAE, M.P.

Madang - Edwing Gawong, Siaman,
Madang Smolholda Kopi Groas Asosiesen,
P.O. Box 439, MADANG, M.P.

Is Sepik - Jimmyon John, Siaman,
Is Sepik Smolholda Kopi Groas Asosiesen,
P.O. Box 409, MAPRIK, E.S.P.

Sandaun - Philip Kinei, Siaman,
Sandaun Smolholda Kopi Groas Asosiesen,
P.O. Box 8, Lumi, W.S.P.

Oro - Stafford Ogaita, Siaman,
Oro Smolholda Kopi Groas Asosiesen,
P.O. Box 446, POPONDETTA, O.P.

Ol smolholda kopi groa bilong Papua rijn olsem Galp, Milen Be, Westen na Sentrel provins i mas salim pas i go long Strafford Ogaita long adres i stap antap.

Ol groa long ol arapela provins i mas salim pas i go long Roderick Fonovee, Siaman bilong PNG Smolholda Kopi Groas Asosiesen long adres i stap antap.

Long save moa long dispela, yupela i ken toktok wantaim CIC aweanes kodineta, Lindsay Ongapa long telipon namba 72 1266. Sapos no gat, go na lukim ol lain long CIC Ekstensen Sevis rijonal opis em i stap klostu long yupela.

Wantaim tok orait Bilong:

LINDSAY ONGAPA,
CIC - Goroka.

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Mir Alori - Ext. 203
John Jagata - Ext. 215
Kosimo Fosagu - Ext. 216
Bonner Hul - Ext. 202



INDOSUEZ NIUGINI BANK LTD

Dispela toksave bilong 1991 Annuol Jeneral Miting i go long ol Memba bilong Indosuez Niugini Benk Ltd. bai gat wanpela Jeneral Miting bilong yupela long registered opis, Burns Haus, Champion parade, Mosbi, Papua Niugini long Fonde Mas 5, 1992 stat long 5.00 kilok apinun.

BISNIS

1. Long tok yesa long ripot bilong dairekta na luksave long balens pepa na profit na los akaun bilong yia i pinis long mun Desemba 31, 1991.
2. Long makim nupela odita na fiksिम sevis pei bilong price Waterhouse na Kampani givem olgeta long re-eleksin.
3. Long bung na skelim ol arapela bisnis of toktok i kamap long dispela kibung aninit long lo bilong asosiesen.

ODA I KAM LONG BOD

S.R. VATOVEY
SEKETERI I SAINIM

Husat i gat sea long Indosuez Niugini Benk Ltd. i ken makim tupela mausman bilong em long kamap long miting (em i orait sapos ol mausman i no gat sea) na ol ken kisim ples bilong em na vot.

BURNS HOUSE, CHAMPION PARADE
P.O. BOX 1390, MOSBI
PAPUA NIUGINI
TELEPHONE: 21 3533
TELEX: 23274 INDONIU

LUSHIP

New regular cargo service to the Sepik

M.V. Malalo will be loading in Madang on 25/02/92 for:

★ ANGORAM, ★ TIMBUNKE,
★ PAGWI, ★ AMBUNTI

Other ports in the Angoram – Ambunti range on inducement.

The service after this will be departing Madang on 07/04/92.

Cargo: Break Bulk / Palletised / LCL Containers / Bulk Distillate / Cooler and Reefer / Drum Petrol, Kero, Diesel.

FOR CARGO BOOKINGS

PHONE: ADAM OR KANONG 82 2577

FOR FURTHER INFORMATION

PHONE: LUSHIP — MADANG 82 2577

Please Note: This is a cargo only service.

Strictly No Passengers.



TENDA

COPRA MARKETING BOARD OF PAPUA NIUGINI

i sigautim ol kampani i gat sip long putim tenda long karim kopra bilong Lorengau sab-brans long Manus Ailan i go long Madang, Kavieng, Wewak na Rabaul.

Salim ol tenda pepa bilong yu i kam long

General Manager
Copra Marketing Board of PNG
P.O. Box 81
Port Moresby.

Ol aplikesen i pas long 13/3/92.



FOREST INDUSTRIES COUNCIL
OF PAPUA NEW GUINEA

PABLIK NOTIS

Ol F.I.C. i laik tok aut long nupela fax namba bilong ol em 250007. Mipela i rausim pinis olpela fax namba 212911.

Na tu mipela senisim pinis pos opis adres bilong mipela i go long P.O. Box 1829, o P.O. Box 4614, BOROKO.

Mipela laik tok sori sapos mipela paulim yupela liklik.

S P. MOKIS
EKSEKUTIV DIREKTA



SOFBAL



Ol meri Raiders sambai long winim Kikila Cats

RABAUŁ SOFBAL RIPOT:

HELEN TARAWA i raıtım

STRONGPELA salens stret bai kamap long bikpela A gretg em bilong Rabaul Wimens softball resis resis namel long Kikila Cats na Raiders long dispela wiken.

Las wiken ol meri Raiders i bin pilaim wanpela gutpela gem, na bagarapim stret sindaun bilong Momase 1, 10-1. I gat bilip olsem ol bai i go aut tu long fil wantaim wankain stail long pretim Kikila Cats.

Ol meri Cats i wok long pilaim gutpela gem i kam nau. Tasol ol kas meri bilong Raiders i gat gutpela pawa long pitsim bal. Pitsa Jennifer Luap i save pitsim bal wantaim moa pawa. Na sapos em i pilaim wankain stail long dispela wiken, Raiders bai winim dispela gem.

Namba wan A gret gem long Sarere bai kamap namel long Malangan 1 na Gazelle. Malangan i stap long gutpela posisen long winim dispela gem.

I gat bikpela bilip olsem Malangan bai winim dispela gem.

Narapela gem long dro bai kamap namel

long Momase 1 na Dodgers. Ol pilaia bilong Dodgers i gat bikpela bilip long winim dispela gem. Bikos ol meri Momase i no bin pilaim gutpela gem nau.

Lus bilong las wiken i soim olsem ol meri Momase i mas mekim

moa trening, na stretim moa asua sapos ol i laik soim nem liklik.

Elcom 1 i go pas nau long poin lata. Tasol dispela wiken ol meri pawa haus bai bungim strongpela salens i kam long Wantoks.

Long A risev divisen, ol meri na pikinini

bilong ol plisman long Royals i go pas nau long poin lata. Ol bai nekim gut tru Malangan 2.

Ol meri pawa haus long Elcom bai bungim PTC long narapela gem. Dispela gem em bilip i stap olsem ol meri pawa haus bai

winim. Tasol ol meri PTC i gat nem tu ya. Olsem na ol meri pawa haus i no ken daunim poin bilong PTC. Nogut ol meri PTC katim telepon lain bilong ol.

Tarangau bai bungim Momase 2. I luk olsem dispela gem bai i no inap long kamap. Bikos

tupela tim wantaim i lusim poin pinis long fofit. Olsem na i luk olsem tupela i no inap redi wantaim tim long dispela wiken.

Na long ol gem bilong las wiken long A gret divisen, Kikila Cats i winim Dodgers 8-7.



Kas bilong Emma Kalas : Emma Kalas bilong Mazda i autim rana bilong Wantoks long Mosbi Wimens A gret softball resis long Bisini softball graun las wiken.

Rabaul Women's Softball Association Draws SATURDAY FEBRUARY 22, 1992 ROUND 2 WK11

DIAMOND 1	A GRADE	Fixtures	Umpires
Time			
12.30	Malangan 1	vs Gazelle	David Kepas
1.45	Momase 1	vs Dodgers	B. Masat
3.00	Elcom 1	vs Wantoks	M. Tolingling
4.15	Kwila Cats	vs Raiders	M. Tapok
DIAMOND 2	A RESERVE		
12.30pm	Royals	vs Malangan2	R. Masap
1.45pm	PTC	vs Elcom 2	Maxine
3.00pm	Tarangau	vs Momase 2	Peter Tokome

Rabaul Women's Softball Association Draws SATURDAY FEBRUARY 22, 1992 ROUND 2 WK11

DIAMOND 1	A GRADE	Fixtures	Umpires
Time			
12.30	Malangan 1	vs Gazelle	David Kepas
1.45	Momase 1	vs Dodgers	B. Masat
3.00	Elcom 1	vs Wantoks	M. Tolingling
4.15	Kwila Cats	vs Raiders	M. Tapok
DIAMOND 2	A RESERVE		
12.30pm	Royals	vs Malangan2	R. Masap
1.45pm	PTC	vs Elcom 2	Maxine
3.00pm	Tarangau	vs Momase 2	Peter Tokome

PORT MORESBY MEN'S SOFTBALL 23/02/92 "A" GRADE

Time	DIAMOND	TEAMS	UMPIRE
10.15 am	1	Malangan vs Hawks	Paivu/Evald
11.45 am	1	NGI Taubar vs N/Fuji	Knox Towia
1.15 pm	1	M/B Eagles vs Chebu	Simitap/Misiel
2.45 pm	1	F/Gazelle vs Karanas	Avuchulas Pasok
4.15 pm	1	Elcom vs Manolos	Mesak/Duba
"B" GRADE			
10.15	3	F/Gazelle vs Aviat	Naron
11.45	3	Malangan vs NBC	Terra
1.15	3	NGI Taubar vs N/Fuji	Talim
2.45	3	Elcom vs Hawks	Sogari
4.15	3	M/B Eagles vs Hoodsco	Sorang
"C" GRADE			
10.15	2	NGI Taubar vs N/Fuji	Duba
11.45	2	Manolos vs City Tigers	Talim
1.15	2	Chebu vs Malangan	Evald
2.45	2	Hoodsco vs Bankline	Moe
4.15	2	D/Salle vs Karanas	Misiel

PMSA PRE SEASON TOURNAMENT

WEEK 1 (ONE)

SATURDAY FEBRUARY 22, 1992

TIME	DIVISION	GROUND	FIXTURE
9.30	Men	B1	GFC 1 vs STC
11.00	Men	B1	Golo 1 vs BFC 1
12.30	Women	B1	Kula vs Uni
2.00	Men	B1	Uni vs PTC
3.30	Men	B1	M. Sobou vs Wanzesi
9.30	Men	B2	GFC 2 vs B/United
11.00	Men	B2	Gala Utd vs Guria
12.30	Women	B2	Guna vs Sogari
2.00	Men	B2	Amazon vs Momase
3.30	Men	B2	P S Deut vs Westpac

SUNDAY FEBRUARY 23, 1992

9.30	Men	B1	PTC 2 vs BFC 2
11.00	Men	B1	Golo 2 vs Bulae
12.30	Women	B1	PTC vs Sunam
2.00	Men	B1	Oruka vs PMGH
3.30	Men	B1	Goboge vs Hoods
9.30	Men	B2	Guria vs Moukasi
11.00	Men	B2	Koupa vs Kula
12.30	Women	B2	Wanzesi vs Waliya
2.00	Men	B2	Westpac vs Verave
3.30	Men	B2	Rapatona vs B/Mitas

Byes: Men: GMBU, B. Kumuls, K. Andra 1, Moukele, Tubi, Waliya, Watamads, Defence
Women: GFC

Note: Women's Division will have only 1 pool of 9 teams. Each team will play against each other once. Top 4 will qualify to play in the knockout.



BENSON and HEDGES

Ol naispela meri long olgeta hap bilong Amerika kamap long kot

Boroko Swiming Klap gat top trening samting

MARYLAND i raitim

BOROKO Swiming Klap (BASC) i opim dua bilong em long tupela wik i go pinis long welkamim 1992 yia bilong swim.

BASC bai holim ol swiming prektis bilong em long Sir Donald Cleland Swiming Pul long Taurama Lesa Senta.

Sir Donald Swiming Pul i bin kisim gutpela nem bihain long em i bin holim ol swim resis bilong 9th Saut Pasifik Gems. BASC bai amamas tu long wanem em bai gat ol nambawan fesilitis o trening samting tru long lainim ol pikinini long swim, na tu dispela ken helpim ol long winim ol resis o sempionsip insait long kantri.

Ol papa mama bilong ol pikinini husat i stap nau long dispela klap i mas givim bikipela sapot long stap wantaim ol pikinini bilong ol long taim bilong prektis, na tu i ken helpim ol kosa long lainim ol pikinini.

Boroko Swiming Klap em i wanpela bilong ol bikipela swiming klap long Mosbi, na tu long kantri we i gat ol nem swima olsem Jason Pini na Beryl Madouna.

Dispela ol lain i makim kantri pinis long ol bikipela swim olsem Arafura long Australia na Saut Pasifik Gems long las yia.


Madouna i bin kamapim nem bilong Papua Niugini long Saut Pasifik Gems taim em i winim silva medal long Wimens 200 mita fristail, na i bin stap tu long rilei tim husat i bin autim gol na brukim Saut Pasifik Gems rekot.

BASC bai i gat prektis bilong ol liklik manki husat i gat 4-pela krismas long olgeta Sarere moning long 8 klok i go inap long 9 klok. Ol bikipela manki bai i prektis long ol wik de long 4 klok apinun i go inap long 6 klok.

Boroko Swiming Klap i save holim wanpela kanival bilong ol yet ol i koilm " Dolphin Sprint " na dispela i bilong redi ol swima long bungim ol kain bikipela kanival em bai kamap long kantri long Jun na long Oktoba. BASC i redim pinis kalenda bilong ol kainkain swim resis em bai kamap long dispela yia.



• Tonya Traylor husat i stap insait long resis bilong ol blekskin meri Amerika i kamap tu long kot.



• Charisse Nelson i tok em i harim dispela stori bilong Tyson i bagarapim meri.



• Em tu kamap long kot: Stacy Murphy, em i makim Jikago na kamap tu long resis bilong ol blekskin meri Amerika.

Mike Tyson tokaut olsem em i no bagarapim meri



• Pait bek long rausim nem nogut: Tyson i tokaut long kot olsem em i no bagarapim meri long hotel. Tasol kot i painimaut pinis olsem Tyson i bagarapim meri. Disisen bilong kot bal kamaut long Mas 6, 1992.

ol olsem mi laik prenim o slip wantaim ol. Meri ya i givim rum namba bilong em long mi long wanpela hap pepa."

Tyson givim ripot bilong em long kot long wanpela aua olgeta. Meri tok Tyson i bagarapim. Na Tyson i tok em i prenim meri na i no bagarapim em (meri).

"Mi wok long kis long nek, pes na susu bilong em (meri)," Tyson i tok. "Na em (meri) ya i rausim set na klos bilong em. Na bihain em pulim mi i go antap olsem em i laikim mi long prenim em."

Tyson i tok moa olsem bihain em pilim skin i dai, na les long bringim meri ya i go daun long rum bilong em. Meri ya wanpela i go daun. Na em i slip long tripela aua tasol na bihain kisim balus na lusim Indianapolis wantaim wanpela singa meri, ol i kolim B Angie B. Tyson i bin slip wantaim dispela meri long nait bipo long dispela tabel.

Long 9-pela de em i lus tingting long pren bilong we wantaim yangpela koles studen meri. Na bihain em i harim stori olsem meri ya i kotim em.

SUNDAY TIMES

B&H
BENSON and HEDGES
B&H

BIHAIN long em i pasim maus long kot long 11-pela de olgeta, Mike Tyson i sanap long sia na givim stori bilong em.

Kot i painimaut pinis olsem Tyson i bagarapim meri ya. Tasol kot i no mekim yet disisen bilong em. Dispela disisen bai kamap long Mas 6, 1992.

Olpela wol heviwet sempion boksa bilong Amerika i bin kamap long kot long sas bilong bagarapim wanpela meri Amerika yet. Kot i no tokaut long nem bilong dispela

meri. Tasol meri ya i gat 18 krismas na i wanpela yangpela studen bilong koles.

Tyson i sindaun tasol na harim ol witnes i kam tokaut long ai bilong kot olsem em (Tyson) em i wanpela man bilong bagarapim ol meri. Na tu em i wanpela man bilong laikim long prenim ol meri.

Ripot i tok Tyson i save tokim ol meri stret long wanem samting em i laik mekim wantaim ol. Na long nait we meri i tok Tyson i bagarapim em, Tyson i

mekim klia tingting bilong em long 24 blekskin Amerika meri husat i bin kamap long resis bilong ol blekskin meri long Amerika.

Dispela resis i bin kamap long wanpela hotel. Na bos bilong dispela resis i askim Tyson tu long kamap long lukim dispela resis.

"Mi gat laik long olgeta dispela meri," Tyson i tokaut long witnes bokis olsem. "Na ol meri ya i amamas o i gat laik tu long mi. Mi tokim ol stret long tingting bilong mi. Mi tokim

PORT MORESBY WOMENS SOFTBALL ASSOCIATION INC. 1991/92 SEASON - ROUND TWO SATURDAY FEBRUARY 22, 1992 - GAME FOUR

DIAMOND 1	TEAM	VS	TEAM	GR	UMPIRE	SCORER
0900	Bomana Police	VS	Royals	D	Simitap	
1030	A/United	VS	NGI	A	Tovia/Gom	
1200	Yokomo	VS	Malangan	A	Naron/Sorang	
1330	Elcom	VS	Chebu	A	Duba/Knox	
1500	Mazda	VS	GI Gazelle	A	Paivu/misiel	
1630	Wantoks	VS	Nissan Fuji	A	Talim/Evald	
DIAMOND 2						
0900	UPNG	VS	JJ Garamut	D	Mesak	
1030	Chevron	VS	GI Gazelle	D	Misiel	
1200	Aviat	VS	Karanas	D	Evald	
1330	A/United	VS	Karanas	C	Tovia	
1500	Malangan	VS	DTI	C	Sorang	
1630	Yokomo	VS	Elcom	C	Knox	
DIAMOND 3						
0900	NGI	VS	Chebu	D	Terra	
1030	Roals	VS	Wantoks	B	Sogai/Talim	
1200	Medics	VS	Mazda	B	Moe/Pasok	
1330	UPNG	VS	Fuji	B	Terra/Gom	
1500	tarangau	VS	Hanza Bay	B	Paivu/Paivu	
1630	Aviat	VS	Dodgers	B	Naron/Moe	

Dodgers 'D' Grade - Bye

Wantok ripota em nupela vais presiden nau bilong PNGFA

MARYLAND DISE I raitim

SOKA ripota bilong *Wantok Niuspepa* em nupela vais presiden nau bilong Papua Niugini Futbal Asosiesen (PNGFA).

PNGFA i bin kibung long las wiken na makim Gabriel Pise bilong ples Malol long Aitape, Wes Sepik provins long dispela bikpela namba tu sia bilong soka insait long kantri.

Pise em olpela ripota bilong *Wantok Niuspepa*. Bihain em i risain na i go wok wantaim PTC Mosbi, na i save rait olgeta wik long *Wantok Niuspepa* olsem wanpela kolumis aninit long het tok *KIK-BEK*. Planti soka sapota i save kolim em olsem RAINSAU, bikos bipo em i save rait aninit long dispela nem. Las yia tasol em i stat long yusim nem bilong em stret.

Pise i gat bikpela save long wok soka. Tasol em i no ting olsem. Na i nogat tingting olsem PNGFA kibung bai makim em i go long dispela bikpela sia. Bikos i gat ol arapela gutpela kendidet olsem Jack Changau bilong Manus Soka Asosiesen. Tasol Mosbi Soka Asosiesen (PMSA) husat i mekim Pise olsem kendidet bilong em i mekim strongpela muv olsem Pise em i stretpela

man, na i mas holim dispela posisen.

Pise i winim vais presiden posisen long 8-pela vot abrusim Changau husat i kisim tripela vot tasol.

Pise i no nupela long dispela kain wok. Em i wanpela bikman bilong nupela PTC Soka Klap husat i gat nem nau insait long bikpela op sisen soka resis long Mosbi ol i kolim Mosbi Pablik Sevan Soka Asosiesen.

Nupela vais presiden i tingting nau long mekim tupela samting long strongim wok bilong PNGFA.

Olsem wanpela olpela niusman, namba wan samting em i tingting long kirapim strong em komyunikesen o toktok namel long ol liklik memba asosiesen wantaim mama bodi, na tu wantaim ol soka sapota long kantri. Nau yet dispela em i wanpela bikpela hevi we i nogat inap soka nius. Bikos dispela em i wanpela bikpela samting long developmen bilong soka insait long kantri.

Namba tu samting em long givim sponsasip long ol liklik soka asosiesen long ranim gut soka resis long wan wan hap asosiesen i stap long em.

Pise i tok em i amamas tasol long wok wantaim ol nupela

komiti memba bilong PNGFA. Pise i bilip asosiesen bai i ran gut long wanem i gat ol ekspiens o saveman i ranim nau opis.

PNGFA i bin no gat wanpela vais presiden bihain long olpela bos bilong ol referi, Michael Vee i risain. PNGFA i bin makim Vee bihain long bikpela vot i no gat bilip long 1990 em i bin kamap long olpela eksekutiv em olpela bos bilong ol pablik sevan, Wep Kanawi i bin go pas long en olsem presiden. Tasol long sampela kain as na Vee bilong Mosbi Soka Asosiesen i risain.

Pise i amamas long wok wantaim ol arapela eksekutiv olsem Andrew Waho husat i winim sia bilong jenerel seketeri, na tresera Brendan Coombs na presiden Peter Mommers. Pise i tok ol man ya i gat gutpela save long soka.

Waho em olpela jenerel seketeri bilong PNGFA long 10-pela yia samting. Tasol em i risain long dispela wok bikos Gems Faundesen opis i kisim em. Dispela em long mekim wok rere long 1991 Saut Pasifik Gems em i bin kamap gut tru.

Waho husat i bai wok olsem wanpela ful taim seketeri i gat nem tu long lukautim planti nesenel tim i go long ovasis, dispela em long soka na ol arapela spot wantaim. Waho i teko-

va nau long sia em Nesenel Kosing Dairekta Edris Kumbuwah i bin lukautim long wanpela yia samting olsem ekting seketeri, stat long taim vot no gat bilip i bin kamap i kam inap las wiken.

Waho long wok.

Dispela senis long makim ful taim seketeri i bihainim askim bilong Osenia Soka Federesen (OFC), husat i lukautim soka long Osenia rijon. Bikos dispela bai helpim gut tru

long wok edministresen.

Long ol ripot em i bin kamap long *Wantok* long pinis bilong yia 1991, mani bilong baim seketeri na lukautim opis bai i kam long OFC na PNGFA. I gat

bilip olsem PNGFA bai toktok wantaim ol sponsa bilong em long dispela.

Coombs na Mommers em tupela bisnisman. Olsem na save bilong tupela tu bai givim bikpela helpim tu

MOSBI PABLIK SEVANS SOKA ASOSIESEN WIKEN DRO


SATURDAY 23RD FEBRUARY 1992

TIME		FIXTURE	
8.00	Men	Home Affair	Education
9.00	Women	Home Affair	Education
10.10	Men	Taxation	DCA
11.20	Women	Taxation	DCA
12.20	Men	UPNG	Att. General
1.30	Women	UPNG	Att. General
2.30	Women	PTC	Lands
3.30	Men	PTC	Lands

SUNDAY 24TH FEBRUARY 1992

9.00	Men	DPM	Nat/res
10.10	Women	DPM	Teachers
11.20	Women	NPF	Prim/Min
12.20	Men	Health	POSF
1.30	Women	Health	NBC
2.30	Women	Elcom	NHC
3.30	Men	Elcom	NHC

Weekend Bye: PNGBC (Man/Meri)
NPF Man - 2 automatic points



• *Bagaros i popaia* : Fowat pilala bilong POSF i givim sisti long kikim bal ya i go insait stret long gol maus bilong Yuni long Mosbi Pablik Sevan soka resis long las wiken. Tasol em i popaia na Yuni i win.

Rabaul soka memba pinis long PNGFA

RABAUL Soka affiliet pinis wantaim Asosiesen (RSA) i PNGFA na bai pilai nau insait long ol nesenel soka resis.



• Tupela kas meri bilong NHC na Edukesen i painim soka bal long Mosbi pablik sevan soka resis long las wiken.

Rabaul soka i bin lusim PNGFA long tripela yia i go pinis, long wanem soka long Rabaul i no bin pulim planti gutpela sponsa i kam long ol bisnis, na tu i no gat gutpela sapot i kam long ol manmeri.

Albert Jalmein, presiden bilong RSA i bin kamap tu long bikpela AGM kibung na i baim membasip bilong asosiesen bilong em pinis.

Em i redim kalenda nau long go het na ogenaisim bilong pri sisen soka long Rabaul.

Pri sisen bai stat long 29 de bilong dispela mun.

Olsem na ol klap husat i no rejista yet i mas harlap nau long putim nem bilong ol, na tu baim registresen fi.

NCD PUBLIC SERVANTS SOCCER ASSOCIATION
LADIES POINT LADDER - WEEK SIXTEEN (16)

NAME	G	W	D	L	GF	GA	PTS
Lands	15	11	4		41	9	26
Education	15	11	3	1	35	4	25
PTC	15	9	5	1	32	4	23
University	15	8	7		24	4	23
Health	15	8	6	1	27	7	22
DPM	15	6	6	3	12	8	18
Home Affaires	15	7	3	5	18	14	17
Taxation	15	5	6	4	12	8	16
Elcom	15	5	5	5	18	19	15
DCA	15	5	4	6	13	19	14
PMD	15	5	3	7	20	18	13
NHC	15	4	5	6	16	20	13
PNGBC	16	7	7	10	7	17	7
NPF	15	2	3	10	7	27	7
Att. General	15	2	3	10	7	38	7
Teachers	15	2	2	11	7	39	6
NBC	15	5	5	10	7	40	5

1992 PMSA PRI SISEN RESIS

Glasim ol tim long pul

Primia na namba wan

divisen:

- 4- Moukasi
- 5- Kula

Pul 1

- 1- GFC
- 2- Golo 1
- 3- BFC
- 4- STC
- 5- Gerehu MB United

Pul 2

- 1- Rapatona
- 2- Westpac
- 3- Morobe United
- 4- Bao - Mitas
- 5- Verave

Pul 3

- 1- Yunivesiti
- 2- Kurti- Andra
- 3- Mobil Sobou
- 4- Wanzesi
- 5- PTC

Pul 4

- 1- Guria
- 2- Blue Kumuls
- 3- Koupa

Namba tu na primia risev divisen:

Pul 1

- 1- PTC
- 2- Golo 2
- 2- Bulae
- 3- BFC 2
- 4- Tubi

Pul 2

- 1- PS Roots
- 2- Momase
- 3- Amazon Bay
- 4- Westpac
- 5- Watamads

Pul 3

- 1- GFC 2
- 2- Gala United
- 3- Guria 2
- 4- Boroko United
- 5- Waliya

Pul 4

- 1- Defence
- 2- Goboge
- 3- Hoods
- 4- PMGH
- 5- Oruka

Wimens divisen:

- 1- PTC
- 2- Sunam
- 3- Wanzesi
- 4- Kula
- 5- Waliya
- 6- Yunivesiti
- 7- Guria
- 8- GFC
- 9- Sogeri Nesenel haikul

Mosbi Pablik Sevan soka eksen long poto



• Stralka bilong Edukesen i taitim olgeta bun na kikim bal ya strong tru i go long gol maus bilong NHC. Mekim na beklain pilaia bilong NHC i kalap narakain stret. Ating win bilong bal i mas kisim em liklik.



• Joe Aisi (junia) bilong Yuni i kalap hetim bal egensim ol POSF pilaia. Aisi em wangepa top pilaia bilong Yuni.



• Dispela midfil pilaia bilong Yuni i pullim bal i go antap long eria bilong POSF. Yuni i gat planti gutpela pilaia na stall. Olsem na em i autim POSF long las wiken.

Oi liklik soka asosiesen i mas kisim tok orait pastaim

Oi liklik soka asosiesen

Husat i gat wanpela liklik soka asosiesen bilong em long wanem hap bilong kantri i mas ritim gut dispela stori. Na wanem bekim yu gat, em i gutpela. Yu ken rait i kam long PNGFA long lukim. Pos Opis bokis bilong PNGFA em 1716, BOROKO.

Insait long kibung bilong olgeta presiden bilong ol asosiesen husat i memba long PNGFA long wiken, wanpela gutpela toktok i bin kamaut. Dispela toktok i kam long presiden bilong Mosbi Soka Asosiesen (PMSA), Ben Manoi.

Em i tok, i gat planti liklik soka asosiesen i kirap nabaut insait long Mosbi. Na em i askim sapos dispela i gutpela o nogat. Em yet i lukim olsem dispela i nogut.

Watpo em i nogut


Toktok bilong Manoi sut stret i

go bungim toktok bilong Nesenel Kosing Dairekta, Edris Kumbruwah. Tupela i tok, planti liklik asosiesen i kirap nabaut i save yusim ol pilaia i rejista wantaim ol asosiesen husat i rejista tu long PNGFA. Gutpela tok piksa em i olsem Mosbi Pablik Sevan soka, nau ol i yusim planti PMSA pilaia.

PMSA i rejista wantaim PNGFA. I no ol pilaia tasol. Nogat. I gat sampela referi husat i rejista wantaim PNGFA i stap insait long sampela resis bilong Pablik Sevan soka.

Ol dispela asosiesen husat i no memba long PNGFA i save mekim bikpela rong. Bikos ol i no kisim tok orait long ol lokol asosiesen na PNGFA long larim ol pilaia o referi husat i rejista wantaim ol i kam insait tu long gem bilong ol liklik asosiesen.

Tok piksa gen i go olsem - Presiden bilong Mosbi Pablik Sevan Soka Asosiesen i no kisim tok orait long Mosbi soka



o PNGFA long yusim ol pilaia olsem Adam Lema na Simon Emmanuel. Na tu em i no kisim yesa long PMSA na PNGFA long yusim ol referi olsem Mao Sapek, Samar Asugum na mi yet.

Oi trabel na hevi

Ol trabel na hevi bai kamap sapos wan wan presiden bilong ol liklik soka tonamen nabaut i no kisim tok orait. Dispela em i olsem, sapos wanpela PMSA referi husat i gat nem tu insait long PNGFA o i gat nem tu long FIFA i referi na bikpela pait i kamap, na sampela man i dai o ol pipel i bagarapim planti bikpela samting.

Em nau bai bikpela nius tru bai

kamap. FIFA i kisim dispela nius na salim tok i kam long PNGFA long tokaut moa long dispela hevi. Presiden em i stap antap long Wabeg, na em bai i no inap klia long wanem samting i kamap long Mosbi. Orait, FIFA i no kisim gutpela toksave.

Kwiktaim stret, em bai tokim Papua Niugini olsem - sori tumas, yu bai i no inap memba bilong Osenia, na tu long FIFA moa. Yu stap bilong yu yet.

Olgeta dispela mekimsave i kamap long PNG, bikos wanpela liklik soka asosiesen olsem Mosbi Pablik Sevan soka i no kisim tok yesa i kam long Mosbi soka na PNGFA long yusim ol referi o pilaia husat i memba long tupela bikpela asosiesen ya.

Dispela i soim olsem husat man i laik kirapim wanpela soka tonamen, em i orait. Tasol bipo yu mekim dispela samting, yu mas sekap wantaim wanem asosiesen husat i memba bilong

PNGFA i stap long senta yu laik kirapim tonamen ya. Dispela asosiesen i ken lukim ol rul bilong yu, ol pilaia bilong yu, o ol referi bilong yu.

Sapos lokol asosiesen i oraitim yu, em i orait. Tasol i gutpela sapos em i toksave long yu long PNGFA olsem em i givim tok orait long kirapim tonamen bilong yu pinis. O sapos sampela memba bilong dispela tonamen i memba bilong PNGFA tu, em nau PNGFA yet i mas givim tok orait.

Olgeta rul na lo bilong pilai, ating yumi olgeta i save bihainim olgeta samting we FIFA i tokim yumi long en. Olsem na dispela em i no bikpela samting tumas.

Olgeta arapela liklik samting, i gutpela yumi sekap na kisim tok orait. Dispela em long holim pasim gutpela nem bilong Papua Niugini wantaim olgeta arapela soka kantri long wol.

Vanimo soka redi nau long kirapim 1992 pri sisen kik

VINIS MAP i rattim

SAMPELA wik tasol i stap bipo long pri sisen bilong Vanimo soka resis i stat. Pri sisen resis bilong Vanimo Soka Asosiesen bai stat long mun Mas.

Ol i makim pinis 4-pela man long lukautim pri sisen kik. Dispela ol man em Peter Yemin, Robert, Binus Naugre na Edward Tobudi.

Ol i bin makim Yemin olsem presiden na Robert olsem namba tu presiden. Seketeri bilong ol em Binus Naugre. Man husat bai lukautim mani em Edward Tobudi.

Asosiesen i bin makim ol dispela lain bihain long kibung bilong en long las wik.

Ripot *Wantoks* i kisim i tok ol dispela man bai holim opis long sotpela taim tasol. Vanimo Soka Asosiesen bai makim gen ol nupela opisal taim sisen tru i stat.

Askim nau i go long ol nupela klap na tim long givim nem bilong ol.

Planti olupela tim bai brukim bun gen long pri sisen resis bilong dispela yia. Sampela bilong ol em Watex, Lido, Kenex, Ossima, Recruits na Walsa.

Tripela PTC tim bai soim pes long Mosbi pri sisen resis

Ol meri bai kik long wanpela pul tasol bikos i no gat planti tim. I gat 9-pela tim olgeta long dispela pul. Nem bilong ol em PTC, Sunam, Wanzesi, Kula, Waliya, Yunivesiti, Guria, GFC na ol yangpela meri bilong Sogeri Nesenel haiskul.

Dispela yia em i namba wan taim bilong PTC long kik insait long PMSA resis. PTC bai soim pes wantaim tripela tim olgeta. Ol man i gat tupela tim, na ol meri i gat wanpela tim tasol.

Bos bilong PTC soka klap, Gabriel Pise i bin tokaut long bipo olsem en. i tingting long rejistaim tupela PTC tim long sisen propa resis.

1992 pri sisen resis bilong Mosbi Soka Asosiesen (PMSA) bai i stat long dispela wiken. Na moa long 49 tim bai bungim ol yet long Bisini soka graun.

Ripot i kam long PMSA opis i soim olsem ol tim bai kik long tripela gret olgeta. Wanpela resis bai i kamap namel long ol primia na namba wan divisen tim, namba tu resis i bilong ol namba tu na primia risev divisen, na ol meri bai kik long namba tri resis.



Resis bilong ol primia na namba wan divisen tim bai i kamap long 4-pela pul olgeta. Wankain long ol resis bilong namba tu na primia risev divisen.



• Yuni pilala (lephan) i laik trikikim POSF pilala long Mosbi Pablik Sevan soka resis bilong las wiken.




• *Em stail ya* : Stall pilala bilong Edukesen i pilal pilal long bal isi longlek i stap na wetim birua nogut bilong NHC long kamap bungim em. Em ol stail bilong Mosbi Pablik Sevan soka resis long las wiken. Moa stall olsem bai kamap long dispela wiken. Olsem na soim pes long Jemanla soka graun.



LUKIM INSAIT :

• Ol meri Kikila Cats sambai long Rabaul - p23

• Tyson tokaut long kot - p24



MOA SOKA POTO

NEKS WIK: WEWAK SOKA RIPOT

Kibung makim olsem 18 senta olgeta bai memba long PNGFA

MARYLAND DISE i raitim

PNGFA i holim pinis bikpela kibung (AGM) long Sarere Februeri 15, na i amamas tru long tokaut olsem em i brukim rekot long bikpela namba bilong ol senta husat i afiliet pinis aninit long PNGFA. Kibung i tokaut tu olsem planti senta bai afiliet long bihain.

Presiden bilong PNGFA, Peter Mommers i tok 14 senta olgeta i afiliet pinis, na i gat ol arapela 5-pela senta i stap yet long afiliet. Ol senta husat i afiliet pinis em Hoods (Sentral), Mosbi, Rabaul, Lae, Madang, Kimbe, Wewak, Enga, Morobe Kantri, Hagen, Goroka, Manus, Kokopo na Kere-ma.

Na ol senta husat i no afiliet yet tasol i givim nem pinis em Simbu, Kainantu na Vanimo.

PNGFA i makim pinis olsem 18 senta olgeta bai afiliet long dispela yia.

Ol senta husat i afiliet pinis i bin vot tu insait long AGM long makim sampela nupela eksekutiv PNGFA. Manus, Wewak na Madang tasol i no vot. Bikos ol i no baim afilisen fi bilong ol long Janueri


31, las de em PNGFA i bin makim we olgeta senta i mas baim membasip fi.

Wewak i gat dinau yet long K300, Manus long K500 na Madang i no afiliet yet. PNGFA i makim pinis las de bilong ol pilaia, kosa na referi long rejista long Mas 31.

Ol referi na kosa tu bai rejista nau wantaim PNGFA. Olpela jenerel seketeri husat i kisim gen sia bilong em olsem ful taim seketeri, Andrew Waho i tok husat ol nupela kosa na referi i no rejista bai i no inap referi o kosim ol tim insait long ol nesanel tonamen na sempionsip. PNGFA bai i no inap luksave long ol. Em i makim pinis K25 membasip fi em wan wan referi na kosa i mas baim.

PNGFA bai ranim tupela kain resis . Na dispela bai ran aninit long sponsasip bilong Benson na Hedges (BH), Benson na Hedges Gol Lig na Benson na Hedges Kap.

Benson na Hedges Kap bai ranim olpela kain stail kik bilong bipo, na ol primia tim bilong ol A senta bai kik long Benson na Hedges Gol Lig resis. Prais bilong dispela tupela resis bai kam long sponsa.



• POSF parwa : POSF pilaia long raithan i pulim bal i kam trikim I Yuni pilaia, na lukluk long salim bal long wan pilaia bilong em. Tupela tim ya i bung long Mosbi Pablik Sevan soka resis long las wiken. Yuni i winim POSF.



• Rot i klia nau : Midfil pilaia bilong NHC i laik pusim bal i go namel long lek bilong meri Edukesen long Mosbi Pablik Sevan soka resis long Jemanla graun las wiken. Foto : Ivan Bayagau.

PMSA pri sisen resis stat

WINIS MAP i raitim

DAS bai kirap gen long Bisini soka graun long Mosbi long dispela wiken. Moa long 49 tim olgeta bai resis long 1992 Hara Kap. Planti bilong ol dispela tim i baim pinis rejistresen fi bilong ol.

Ol opisal i skelim pinis olgeta tim na putim ol long wan wan pul. Long primia, namba wan, namba tu na primia risev divisen i gat 4- pela pul. Divisen bilong ol meri tasol i gat wanpela pul. Bikos i no gat planti tim (Sekim ol feveret tim bilong yu long pilai long wanem pul long pes 26).

Dua bilong Hara Kap resis i pas pinis. PMSA i no inap long kisim ol nupela klap na tim. Seketeri i tok olsem rejistresen i bin pas long Mande Februeri 17.

Sampela tim bai i no inap stap long dispela resis.

Ol tim olsem Tarangau Korion na Maset bai lusim sans bilong ol. Dispela ol tim i no bin givim rejistresen mani hariap. Olsem na asosiesen i rausim ol long stap insait long Hara Kap resis.

Hara Kap kik long dispela yia bai i gutpela moa. Bikos i gat planti ol nupela tim. Ol dispela nupela tim bai kik wantaim nupela stail bilong pilai. Olsem na ol olpela klap mas lukaut gut. Las yia (1991) wanpela nupela klap i bin winim Hara Kap resis.

Narapela samting em ol referi bai holim wanpela kibung bilong ol. Olsem na presiden Mark Kelep i askim olgeta memba long kam long kibung. Dispela kibung bai kamap long Fonde Februeri 19, na bai stat long 30 minit i i lusim 4 klok apinun (4.30pm).

Ples bilong kibung em long Bisini soka graun. As bilong kibung em long makim ol referi long lukautim pri sisen resis.

BENSON and HEDGES





RUGBY

Namba 36

Fonde Februeri 20, 1992

NIUS

Mosbi Paga Panthers i lusim sevis bilong ol



• John Wagambie



• Arua Ben Moide



• Daroa Ben Moide

Paga Panthers i nilim namba tu nil nau long dai bokis bilong em

WANPELA top tim long Mosbi Winfield Lig resis, Paga Panthers i nilim namba tu nil i go insait nau long kofin o dai bokis bilong em, bihain long sampela nem o ki pilaia wantaim kosa na trena John Harangu i ranawe i go joinim ol arapela klap long stat bilong dispela sisen.

Namba wan nil i bin go insait taim nupela Kumul kosa nau, John Wagambie i lusim klap na i go joinim Tarangau long 4-pela yia samting i go pinis. Dispela taim ol pilaia olsem Richard Wagambie na Michael Toivita tu i tekov. Toivita i pilai nau wantaim Wes na Richard i pilai wantaim Fairstar Tarangau.

Harangu em wanpela strongpela sapota bilong Paga Panthers klap long bipo yet i kam inap las yia.

Dispela pasin i kamap

bikos sampela tok kros i bin kamap olsem klap i nogat gutpela edministresen o ol opisal husat i lukautim klap long las yia i no mekim gutpela wok.

Bekim bilong dispela i bin kamap klia long las wiken we Paga i no pilaim gutpela gem

tumas egensim Tigers long namba wan pri sisen gem we Tigers i win 26-22.

Harangu i go het kosa nau bilong Coca Cola Air Niugini klap, husat i kisim gutpela nupela sponsasip, na i redi long autim 1992 primiasip taitel. Tripela pilaia

husat i joinim Harangu em tupela Moide brata, Daroa wantaim Arua na Steve Manas. Manas em wanpela Mosbi ripresentativ pilaia long 1990.

Daroa em Kumul pilaia. Las wiken em wantaim Manas i bungim gut stail wantaim ol

fowat pilaia bilong Air Niugini olsem Kumul lok Joe Gispe, na Lionel Yogomin.

Junia Kumul na Vipers pilaia, Arua i pilai long ausait senta posisen. Em tu i bungim gut stail wantaim insait senta David

i go moa long pes 2

Hatwok karim kaikai :
Kepten bilong Mutrus Brothers, Allan Amae i apim bikpela trofi ol i winim egensim Pigi Panthers 24-10 long Hohola op sisen resis long Mosbi.
LUKIM FUL RIPOT LON G PES 8

LUKIM INSAIT :


WAGAMBIE WHIP

- pes 3

• Air Niugini putim ai long Mosbi lig primiasip taitel - pes 3

• Mendi/Sauts redi long nekim Tarangau - pes 7

NUPELA HOHOLA KING



- pes 8



Major Sponsors of Port Moresby Pre Season Rugby League 1992.

Ok Tedi sapatim Waliya klap

DCA bai bungim Sauts long wiken

WALIYA Ragbi Lig KLaP bai soim planti stail long Mosbi Winfield Lig long dispela yia. Dispela i bihainim bikipela K5,000 sponsasip mani Ok Tedi Maining i givim long baim 5-pela nupela jesi.

Waliya bai i no inap long soim strong tasol, em bai soim sponsa Ok Tedi Maining na ol arapela kampani olsem mani bilong ol bai i no inap lus nating long

sponsaim klap.

Nau yet planti yangpela husat i pilai long Waliya i bilong Balimo yet long Westen provins. Na ol yet i bin lukautim klap 6-pela yia olgeta aninit poket bilong ol. Wantaim liklik helpim long Robert Suckling, Sir Hugo Burghuser, Wasaeye Enterprises na Pasuiwe Ltd.

Dispela yia Ok Tedi i givim bikipela sponsasip long K5,000

olgeta. Ok Tedi bai i no inap kisim sapatim ol olgeta taim. Tasol em bai lukaut long pilai na tingting long givim sampela sponsasip. Olgeta samting ya bai kamap sapos Waliya i kamapim gutpela gem long sisen propa.

Insait long 6-pela olgeta, Waliya i winim wanpela primiasip long anda 17, anda 19 na Agred taim em i resis long NCDRL.

DISPELA wiken ol boi Porebada bilong DCA tim i mas soim trupela gem bilong em long namba tu pri sisen gem bilong Mosbi Winfield Lig resis. Bikos las wik Sande strongpela Air Niugini tim i bagarapim stret sindaun bilong em 78-20.

Presiden Heagi Assaiah i tokim RNL olsem planti gutpela pilai i no kamap. Na tu gres fainal bilong

op sisen long ples yet i stapim ol long kamapim gutpela gem. Dispela wiken planti bai kamap long bungim Sauts.

Long ol narapela Agret gem, sempton tim bilong las yia, Tarangau i mas bungim pilai wantaim sapos em i laik daunim strong bilong Seagulls. Bikos las wik Seagulls i lusim gem long han bilong Waliya.

Las wik, Ben Bire husat i go pas long Tarangau i no kamapim gutpela gem. Planti taim ol i ran bihainim ol pilai. Na dispela i soim ol i no kamapim gutpela trening long stapim ol pilai bilong West.

Long narapela gem Arua wantaim brata bilong em Daroa Ben Moide wantaim kosa John Harangu bai bungim Paga long bikipela gem bilong apinun. Nau Paga bai soim olgeta stail long

soim Harangu wantaim tupela Moide brata olsem pulaut bilong ol long Paga bai i no inap stapim ol long winim ol arapela tim.

Namba wan gem bilong Sande, Royals bai traime bun wantaim Kone Tigers. Na brothers bai bungim Magani long Sarere na Hawks bai bungim Defence. Na Waliya bai pretim West long bikipela gem bilong Sarere.

OL ASKIM BILONG WANTOK

Winim wanpela



rop bilong hangamapim ol ki

1. Hamas yia yu baim Wantok? 1-pela 3-pela moa long 5-pela
2. Em i isi o hatwok long painim na baim Wantok? isi hatwok
3. Yu baim Wantok long stua o long ol mangi? stua mangi
4. Taim yu baim Wantok, wanem stori yu save ritim pastaim? _____
5. Yu amamas long ritim wanem stori tru long Wantok? Makim ol tripela yu laikim tru. No ken makim moa long tripela.

- | | | | | | |
|------------------------------------|------------------------------------|-------------------------------------|------------------------------------|--|--------------------------------------|
| <input type="checkbox"/> SOKA NIUS | <input type="checkbox"/> WOL NIUS | <input type="checkbox"/> PLIS RIPOT | <input type="checkbox"/> TORO | <input type="checkbox"/> FLASH | <input type="checkbox"/> SONOGA |
| <input type="checkbox"/> SOFBAL | <input type="checkbox"/> OL PAS | <input type="checkbox"/> LAIPLAIN | <input type="checkbox"/> KANAGE | <input type="checkbox"/> GORDON | <input type="checkbox"/> LAIPSTORI |
| <input type="checkbox"/> NIUS | <input type="checkbox"/> PROVINS | <input type="checkbox"/> TU MINIT | <input type="checkbox"/> PHANTOM | <input type="checkbox"/> MICKEY | <input type="checkbox"/> BISNIS NIUS |
| <input type="checkbox"/> RAGBI LIG | <input type="checkbox"/> NIUS | <input type="checkbox"/> TINGTING | <input type="checkbox"/> REBO | <input type="checkbox"/> MOUSE | <input type="checkbox"/> MUSIK/ |
| <input type="checkbox"/> NIUS | <input type="checkbox"/> HELT NIUS | <input type="checkbox"/> BIABIA | <input type="checkbox"/> SPAK MAIK | <input type="checkbox"/> TUMBUNA STORI | <input type="checkbox"/> TELEVISEN |

6. Kolim nem bilong tupela stori yu les long ritim

- a) _____ b) _____

7. Long yia i go pinis, yu save traime wanem Wantok resis?

- Wantok bingo - yes nogat
 Namba resis - yes nogat
 Painim hamas mani - yes nogat

8. Taim yu ritim Wantok pinis, hamas moa manmeri i save ritim?

Raitim namba bilong ol manmeri _____

9. Yu save laikim ol Wantok saplimen o nogat? yes nogat

10. Wanem arapela samting bai yu laik i kamap long Wantok Niuspepa? Putim tripela long hia:

- i). _____
 ii). _____
 iii). _____

11. Yu laik lukim moa poto o stori long Wantok?

- moa stori
 moa poto

Salim i kam long:

Ol Askim bilong WANTOK,
 P.O. Box 1982,
 BOROKO, N.C.D.

Nem bilong yu: _____
 Krismas bilong yu: _____
 Adres: _____
 P.O. Box _____



Las minit fil gol helpim Tavulu long winim Porebada taitel

i kam long pes 7

namel na Homoka i tro moi i go long han bilong Kovae.

Kovae i kisim bal na abrusim 4-pela pilai bilong Tuvalu long skoarim wanpela gutpela trai klostu long tupela gol pos. Dispela trai i kamap tripela minit klostu long pinis bilong gem. Senta Mea Morea i kisim taim na putim tupela poin long stretim skoa 6-6.

Bal i stap long namel na Mea i kikim gen long mak bilong Panthers. Tasol Panthers i lusim bal na skram i

kamap. Bal i kam aut long sait bilong Tuvalu.

"Roket" Greeny Mea i kisim na kikim wanpela fil gol long 22 mita mak. Olsem na Tavulu i winim primia sil bilong gren fainal 7-6.

Long ol arapela gren fainal, Laguta Panthers i daunim strong bilong Fokas Tarukis 12-8 long C gret resis, na Gwadu Tigers i win long teknikel graun. Bikos ol pilai bilong Panthers i wokabaut i go asuait long fil na kikim bal i go long sowlara.

Panthers lusim pilai

i kam long pes 1

Mune, winga Magilo Ama, na hap bek Tony Kila (olpela Kumul pilai).

Tupela Arua brata wantaim Manas em ol strongpela pilai bilong Panthers.

Tasol sampela sinia pilai na sapota bilong Air Niugini klap i no amamas long kam insait bilong Harangu na tripela pilai bilong em. Ol dispela pilai husat i bin stap long sait lain i soim olsem ol bai painim spes nau long pilai.

Dispela em wanpela hevi Air Niugini bai bungim long dispela sisen. "Sapos ol i go joinim Air Niugini bai go we? Sapos Harangu i save olsem i gat hevi long edministresen, orait em i no ken ranawe, em i mas stap na stretim," wanpela longpela taim sapota bilong klap i tok.

Sapota ya i tok moa olsem ol i no wari long dispela samting. "Mipela gat planti gutpela junia pilai i stap long kisim ples long Agret," em i tok.

Narapela nem pilai husat i lusim Paga pinis em stail faiv et

Luke Waldiat. Waldiat em i wanpela Vipers pilai. Las wiken em i joinim nupela stail tim bilong las yia, Sauts. Waldiat i go pas long Sauts na ol i memeim Royals 44-18.

Sampela pilai husat i no kisim fil long las wiken em stail fulbek Paul Nelson na John Ben Moide. John em narapela brata bilong Daroa na Arua.

Nelson i bin stap long sait lain na helpim ol Brothers pilai long las wiken. Na John Ben Moide i no bin pilai. RNL i no save yet olsem tupela bai stap yet wantaim Paga o joinim ol arapela klap.

Tasol ripot i kam long ol opisal bilong Paga i tok Nelson bai stap yet wantaim klap. "tasol mipela i no save long John Ben Moide. "Bikos ma ya i gat pasin bilong stap na lukim pastaim ol pilai i go olsem wanem, na bihain em bai mekim disisen bilong em."

Tupela olupela pilai bilong klap, Robert Jakis na Brian Singut i stap yet wantaim klap. Tupela i bin go pas long ol yangpela pilai long las wiken.

Klia long Lae East Spiders

LAE Winfield Lig i statim pinis 1992 pris sisen resis bilong em long Sarere Februeri 16.

Long statim pri sisen, Lae Biscuit East Spiders i pilaim gutpela gem stret. Na i winim tupela gem bilong em long kik op bilong pri sisen ya.

Las yia Spiders i bungim Royals klap long semi final na lusim gem ya long han bilong em.

Olsem na las wik Sarere na Sande, em i soim stret olsem em i ken kamapim wankain gem i go inap long final bilong pri sisen. Presiden na pilaia, Boid Fiika i tok em i no gat bilip long wanpela tim.

Tasol lukluk bilong em i tok dispela yia em bai wanpela gutpela yia long Lae Winfield Lig. Na tu wanpela bikpela yia bilong East Spiders long

traim bun wantaim ol arapela strongpela tim long Lae.

Las wik ol i winim tupela gem ya bikos em i gat tripela nupela pilaia husat i putim nem long buk bilong Spiders pinis long dispela sisen. Ol dispela pilaia em olpela winga bilong Wopa Tigers Jack Kawage, olpela Kumul Gamun Maho na Moses Kuman.

Kuman em i wanpela representativ pilaia long Simbu. Na bihain i lusim Simbu na pilaia long Tabubil long 1991. Dispela yia, 1992 em i gat bikpela tingting long joinim Lae Spiders. Las wik ol i pilai gut wantaim ol arapela olpela pilaia olsem Nupela Kumul pilaia Charlie Vee, fulbek Jacob Danny, Andrew Goima na Mathias Kin.

Ol dispela pilaia i redi pinis long strongim Spiders long dispela sisen. Ol arapela pilaia husat bai helpim tu em John Bob, Papua Miamel na lok Victor Kauka.


"Ol boi i kisim 4 -pela nupela jesi pinis long sponsa, Lae Bisket kampanilong dispela sisen. Kos bilong dispela jesi inap long K4,000 olgeta. Dispela jesi i kirapim tingting bilong Spiders long soim sponsa bilong em olsem mani em i givim bai i no inap lus nating. Long dispela as, mipela i bagarapim sindaun bilong Magani long pri sisen kik op," Fiika i tok.

Taim nem Spiders i kamap, Lae Bisket kampani i kamap wantaim mani na sponsaim mipela. Na mipela i gat gutpela prensip wantaim kam-

pani. Dispela em i namba 7 yia bilong Spiders long pilai aninit long lukaut bilong Lae Bisket.

Na hevi nau i stap long han bilong mipela long stretim ol pilaia. Planti em ol studen bilong yunivesiti. Na ol i stretim ol yet long wok bilong skul, olsem na mipela i yusim sampela junia pilaia long pilai aninit long A gret long pri sisen. Na bihain long sisen propa bai mipela pulamapim ol gen," Fiika i tok.

"Nau yet mipela olgeta pilaia na opisal i laik givim amamas bilong mipela i go long Lae Bisket kampani long helpim mipela inap long 7-pela yia olgeta. Na dispela yia mipela i promis long soim kampani olsem mani bilong em i no lus nating," Fiika i tok.



• Kepten Allan Amae wantaim wan pilaia bilong em, Eddie i putim strong wantaim long daunim hevi wet pilaia bilong Figgy Panthers i go daun long graun. Mutrus i bagarapim sindaun bilong Figgy Panthers 24-10.

Air Niugini putim ai nau long Mosbi Winfield lig primiasip taitel

PLANTI sapota i opim ai long skoa bilong las wiken gem namel long DCA na Air Niugini. Na planti i no bilip taim ol i lukim Air Niugini i bagarapim sindaun bilong DCA 78-20.

Dispela i soim hamas taim wanpela klap i putim long trening. Air Niugini husat i kamapim dispela skoa i soim olsem em bai i no inap long pilai kaskas long Mosbi Winfield Lig pri sisen na tu long sisen propa.

Dispela yia, 1992 em i wanpela gutpela yia bilong

Air Niugini bikos planti senis i wok long kamap. Bikpela bilong dispela sisen, em sponsasip bilong Coca Cola kampani.

Kampani i no tokaut long amas mani em i putim long sponsaim Air Niugini. Tasol kampani i bin helpim klap planti yia i go pinis. Nau yet kempen bilong sponsasip i kirapim bel bilong John Harangu bilong Paga klap long kamap nupela kosa bilong Air Niugini.

Air Niugini i amamas bikos em i no gat kosa taim

kosa Adrian Genolagai i lusim long joinim Royals klap. Narapela ol man husat i bihain Harangu em Daroa wantaim Arua Ben Moide na Steve Manas. Tasol hevi nau i stap bilong painim nupela tralna, bikos olpela trena Jamuga Stone i kamap nupela trena bilong PNG Kumul.

Dispela yia Air Niugini i senisim we bilong trening. Olgeta tim bai stap long lukaut bilong wanpela kosa. Olsem na wok i stap long het kosa long kamap wantaim wanpela trening

progrem bilong olgeta gred.

Presiden Emmanuel Balamus i tok i gat 5-pela kosa i stap bilong wanwan gred. Na ol pilaia bai inap long lainim planti nupela samt-ing. Wanem pilaia i goap long narapela gred bai kamap lainim nupela samt-ing gen.

Balamus i tok sapos olgeta gred i kam aninit long wanpela kosa, wanwan pilaia bihainim olgeta trening taim na kamapim gutpela pilai long taim bilong gem.

WAGAMBIE'S

WHIP



Ol wiken gem i no gutpela tru

PRI sisen bilong Mosbi Winfield Lig i bin stat long las wiken. Wanpela gem tasol i no bin kamap gut. Magani i no salim wanpela tim i go insait long fil. Bikos ol pilaia bilong em dokta i no sekim yet, na klaim long pilai.

Ol pilaia i no inap long ran i go insait long fil long pilai inap dokta i sekim ol. Sapos wanpela pilaia i sik long wik, em i no inap long pilai inap dokta i oraitim em.

I gat sampela ripot long bipo we sampela pilaia i dai bikos ol i sik na i no tokim kosa. Na bihain ol i go insait painim birua long fil.

Laip em bikpela samt-ing, na yu i no inap pilai long em. Olsem na yu no ken tromoi laip bilong yu i go bikos long wanpela ragbi gem tasol.

Dispela i go long ol pilaia husat i bin kisim sampela kain sik. Sapos sik bilong yu i no pinis gut na yu kam bek pilai hariap, yu bai kisim bikpela bagarap. Na go stap long sait lain long longpela taim moa.

Sapos pilaia i gat pasin bilong spak long nait bipo long gem. Ol kosa i mas lukaut gut long dispela. Bikos dispela i no putim laip bilong pilaia ya tasol long birua. Laip bilong pilaia husat i takelim dispela bikhet pilaia bai stap long birua tu.

Yupela ol kosa i no ken tingting tasol long winim gem. No ken lus tingting olsem em wanpela gem tasol. Tingim, ragbi em bikpela samt-ing o laip em bikpela samt-ing?

Ol gem bilong las wiken i no gutpela tru long lukim. I no gat rispek tru long pilai. Planti taim bai ol pilaia i lusim bal i pundaun long graun, bihain long namba tu na tri takel.

Ol junia pilaia no mekim ol dispela asua, tasol ol sinia pilaia husat i save pilai long ol nesenel na intanesenel resis.

Ating op sisen i longpela taim tumas long sampela pilaia. Olsem na dispela i mas mekim ol pilaia i lusim bal tumas.

Ol nesenel selekta i makim pinis 42 pilaia skwat husat bai go insait long namba wan trening kem long Nesenel Spot Institut, Goroka. Dispela trening bai kamap long Februeri 29 i go inap long Mas 8, 1992.

Planti insait long dispela tim i stap insait long Kumul tim husat i bin go pilai raun long Yurop long las yia.

Sampela senis i ken kamap long dispela skwat bikos nogut sampela pilaia i bagarap, o i no soim gutpela stail. Olsem na sapos yu no stap insait long dispela skwat, pilaia strong yet. No ken wari tumas bikos nogut yu go insait long namba tu trening kem.

Sampela opisal bai tok rausim olgeta tim husat i bin go pilai raun long Yurop. Tasol mi bai tok dispela i no stretpela we long kirapim gen stended bilong ragbi long kantri.

Mipela i mas lukluk gut o klostu long wanem hap mipela i mekim asua. Wanpela bikpela hevi bilong mipela long bipo em long senisim tim hariap. O ol pilaia i kam insait long nesenel tim na bihain i go lus olgeta.

Sapos mipela i gat wanpela nesenel tim long longpela taim, ol pilaia insait long tim bai lainim sampela gutpela stail bilong pilai bung wantaim.

Long pilaim ol ovasis tim, 20 pilaia tim bai go daun pilai long Not Kwinslen long Me, 1992. Dispela em i gutpela, wantaim narapela gem long Goroka.

Dispela bai helpim tim long redim gut tim. Ol pilaia bai save gut tu long stail bilong ol yet.

Narapela samt-ing tu em kosa bai save gut long wok bung bilong ol kain kain pilaia. na bai save gut long wanem pilaia i ken poroman gut wantaim wanem pilaia.

Wok bilong go bek long stretpela rot bai i no inap isi. Tasol mipela i ken painim stratpela rot. Olsem na stap wantaim mipela.



Pre Season League Draws



Oi piksa bilong pri sisen gran fainal




• Mutrus Brothers Kepten Allan Amae i amamas wantaim na apim sil bilong gran fainal.




• Tupela tim bilong Hohola husat i go insalt long gran fainal, Mutrus Panthers antap na Piggy Panthers daun bilo.



• Oi pilala bilong Waliya mekim save long wanpela pilala nupela Seagulls. Dispela gem i kamap long las wik Sarere long Lloyd Robson Ragbi Lig Oval. Waliya i winim dispela gem 26-24.



• Arua Ben Moide i siksti wantaim nupela yunifom bilong Air Niugini egensim DCA. Air Niugini i winim dispela gem long bikpela mak 78-20.



• Skipa bilong Mutrus Brothers Allan Amae wantaim Albert Larry i amamas taim ol i bagarapim sindaun bilong Figgy Panthers 24-10. Dispela gran fainal i kamap long Hohola Ragbi Lig Oval long Sande Februeri 16, 1992.



• Gwadu Tigers husat i winim gran fainal gem bikos bik het bilong Panthers tasol. Oi pilala bilong Panthers i wokabaut i go aut long fil bikos ol i no amamas long retri E. Lohla.

PORT MORESBY WINFIELD RUGBY LEAGUE WIN MONI 'A' GRADE PRE-SEASON COMPETITION

FIRST ROUND DRAW FOR WIN MONI 'A' GRADE

SATURDAY 22ND FEBRUARY:

12.30pm	Magani	vs	Brothers
2.15pm	Hawks	vs	Defence
4.00pm	Waliya	vs	Wests

SUNDAY 23RD FEBRUARY:

10.45am	Royals	vs	Kone
12.30pm	Paga	vs	Air Niugini
2.15pm	Seagulls	vs	Tarangau
4.00pm	Souths	vs	DCA

WINFIELD PORT MORESBY RUGBY LEAGUE WIN-MONI PRE-SEASON COMPETITION

End of first round ladder.

TEAMS	P	W	L	D	PF	PA	PTS	%
Hawks	1	1	0	0	20	0	2	390
Air Niugini	1	1	0	0	78	20	2	244
Souths	1	1	0	0	44	18	2	164
Kone	1	1	0	0	36	22	2	145
Wests	1	1	0	0	38	26	2	118
Defence	1	1	0	0	40	34	2	108
Waliya	1	1	0	0	76	24	2	92
Seagulls	1	0	1	0	24	26	0	85
Brothers	1	0	1	0	34	40	0	68
Tarangau	1	0	1	0	26	38	0	61
Paga	1	0	1	0	22	36	0	41
Royals	1	0	1	0	18	44	0	26
DCA	1	0	1	0	20	78	0	
Magani	1	0	1	0	0	20	0	


RESULTS

SATURDAY FEBRUARY 15:

Waliya 26	def	Seagulls 24
Hawks	forfeited	Magani
Souths 44	def	Royals 18

SUNDAY FEBRUARY 16:

Air Niugini 78	def	DCA 20
Kone 36	def	Paga 22
Defence 40	def	Brothers 36
Wests 36	def	Tarangau 26



• Tupela kepten, Allan Amae bilong Mutrus Brothers na Wardman Bernard bilong Figgy Panthers lephan. Tupela wantaim i holim pinis bikpela trofi bilong Hohola Op Sisen pastaim long gran fainal.

LAKI

WIN MONI


PNG'S BIGGEST MONEY GAME

WIN INSTANT CASH PRIZES

Ol ragbi eksen bilong Mosbi long las wiken: Ol poto: Ivan Bayagau



• Arua Ben Moide i lukluk long mak bilong DCA. Ai bilong em long mak olgeta taim olsem na Air Niugini i bagarapim sindaun bilong DCA 78-20.



• Tim kepten Allan Amae bilong Mutrus Brothers wantaim Figgy Panthers Kepten na Presiden bilong Grass Ruts sponsa, John Gegera. Mutrus i daunim Panthers 24-10.



• Pilaia bilong Seagulls i nekim wanpela pilaia bilong Waliya. Tasol Waliya i sanap strong na daunim Seagulls 26-24.

• Lep antap: Wanpela pilaia bilong Waliya i redi long holim bal na siksiti long mak bilong Seagulls. Long dispela gem Waliya i bagarapim sindaun bilong Seagulls 26-24.

• Lep daun bilo: Tripela pilaia bilong Waliya i kurakum long wanpela pilaia bilong Seagulls. Seagulls i lusim dispela gem long han bilong Waliya 24-26.



• Tupela brata Daroa na Arua Ben Moide husat i ranawe long Paga klap na joinim Air Niugini wantaim kosa bilong ol John Harangu.

Sauts redi long nekim Tarangau

MOXIE YORE i raitim

SAUTS bai bungim Tarangau long bikpela A gret gem bilong Mendi Winfield Lig pri sisen resis long dispela Sande, Februeri 23.

Las wik Sande, Sauts i bagarapim sindaun bilong Magani 35-6. Olsem na dispela wiken bilip i stap olsem ol bai kamapim wankain gem.

Presiden Steve Kila i tokim RLN olsem ol wankain pilaia bai bungim Tarangau long dispela wiken.

Tasol Tarangau bai i no inap pilai kaskas long dispela Sande. Bikos las wik Royals i daunim em long ai

bilong ol sapota bilong em. Nau yet Tarangau i gat bikpela tingting long bekim dispela dinau.

Long winim Sauts, Tarangau i mas yusim ol beklain pilaia olsem hap bek Ware Sengiso, faiv et Sutherland Yore, senta Francis Aba, Thomas Undupia na winga David Males.

Ol dispela pilaia bai bungim sampela yangpela pilaia bilong Sauts olsem hap bek John Name, faiv et Anton Malangen, senta John Bito, James Kikai na fulbek Jack Kereme long beklain.

Las wik ol dispela

pilaia i kamapim planti het pen long ol pilaia bilong Magani. Na ol fowat pilaia bilong em olsem Bob Eka, Thoms Bare, Joseph Kau, Anda Akivi na Patrick Mini bai traime long stapim strong bilong Tarangau.

Tarangau long narapela sait bai traime long yusim olgeta gutpela fowat bilong em egen-sim Sauts.

James Aipa, wantaim Palma Tomba na Wesley Pape bai traime bun wantaim ol fowat bilong Sauts. Tarangau i mas stretim hevi bilong holim bal gut na tromoi i go i kam long ol pilaia long fil. Dispela em i wanpela bikpela hevi bilong em. Olsem na ol plisman bilong Royals i

bagarapim sindaun bilong em long namba wan pri sisen gem bilong las wiken.

Na Sauts long arapela han i mas stapim pasin bilong kirapim gem nogut insait long fil. Dispela Sande tupela i mas senisim stail gen. Sapos tupela i laik kamap long fainal bilong pri sisen.

Long ol arapela A gret gem, Brothers bai bungim Magani na ol plisman bai traime bun wantaim Bulldogs. Planti gutpela stail bai kamap long gem namel long Brothers na Magani. Bikos tupela tim wantaim i lusim gem long las wik, na i gat bikpela laik long winim namba wan gem bilong sisen.

Na Bulldogs wantaim Royals bai soim husat i king tru bilong pri sisen long dispela Sande. Bikos tupela i bin winim gem bilong tupela long las wik Sande.

Hap bek Andrew Kengi bilong Royals bai i go pas long tim bilong em wantaim helpim bilong fulbek

Tom Peni. Tupela bai kisim gutpela sapot stret i kam long faiv et John Kepilu.

Ol dispela pilaia bai kamapim strongpela ran i go insait long mak bilong Bulldogs.

Royals bai winim dispela gem sapos ol plisman i lusim olgeta rabis pilai. Nau yet wok i stap long tupela

kosa long tokim ol pilaia husat i save bagarapim pilai long fil.

Ol eksekyutiv bilong klap i mas toktok strong long pilaia bilong ol long stapim dispela pasin. Bikos dispela i no inap mekim wanpela gutpla samting long klap. Na tu bai i bagarapim pilai na nem bilong klap.

Wabeg lig stat wantaim 6-pela tim

WABEG Ragbi Futbal Lig i statim pinis 1992 pri sisen resis bilong em wantaim 6-pela tim husat i bin afiliet.

Wanpela klap bilong las yia, Kopiai i no afiliet hariap long taim ol eksekyutiv bilong lig i bin afiliet. Long dispela as na Wabeg lig i rausim ol. Nupela tim Royals i kisim ples bilong Kopiai.

Las wik Sande, Brothers na Magani i traime bun long Wabeg Ragbi Lig Oval. Long dispela gem, Magani i bagarapim sindaun bilong Brothers 22-10.

Taim gem i stat, Brothers i kamapim strongpela gem stret. Olsem na bihain long 5-pela minit, Caipas Poponao i skoarim tupela trai. Simon yet i holim tim sperit bilong Brothers i stap laip na stapim Poponao long skoarim moa trai.

Bihain long hap taim, Magapen Puki i pusim het tru long banis bilong Brothers na skoarim namba wan trai aninit long tupela gol pos. Em yet i kisim taim na kikim tupela kik bilong tupela poin long bringim skoa i goap 8-6.

Sampela minit i go pinis long namba wan trai na Magani i putim tupela trai gen wantaim wanpela penelti gol 22-8. Klostu long ful taim na Brothers i kikim wanpela penelti gol long bringim skoa i goap 22-10 long ful taim.

Narapela bikpela gem i bin kamap namel long Tigers na Hawks. Long dispela gem ol sapota i lukim ol pilaia bilong Tigers i stapim ol pilaia bilong Hawks long mak bilong ol yet.

Ol pilaia husat i stapim Hawks iong pilaim gutpela gem em Mathwe Yakagen, Toksy Nema, Wesley Lakain na Kila Kili.

Tenpela minit i lusim namba wan hap bilong pilai, Tigers i skoarim wanpela trai na wanpela penelti gol. Hawks i bekim dispela trai taim Smith Tipan i kikim wanpela penelti gol.

Bihain long penelti gol bilong Hawks, Kili i ran strong i go insait long mak bilong Hawks na skoarim wanpela trai. Kik bilong tupela poin o kenvesen i popaia na skoa i stap 8-2.

Moa long 20 minit i stap long pinis bilong gem na Sape Lale i brukim banis, na skoarim las trai bilong Hawks. Tigers i bekim trai bilong Hawks gen klostu long pinis bilong gem, na i go pas long skoa 14-6 long hap taim.

Bihain long hap taim, Tigers i strongim pilai long olgeta posisen na skoarim tripela moa trai. Sape Lale na Jefferey Kyakagen i soim olsem tupela bai go insait yet long junia Kumul. Long dispela as na Tigers i go pas long skoa 26-12 inap gem i pinis.

Long namba tri A gret gem, Tarangau i soim olsem em inap winim gen primiasip taitel bilong las yia. Olsem na em i daunim Royals 14-5. Royals i no lusim dispela gem isi tasol long Tarangau. Em i kamapim planti het pen stret long ol pilaia bilong Tarangau bipo ol i lusim gem ya long han bilong em.

Las minit fil gol bilong Greeny Mea helpim Tavulu long autim Porebada primiasip taitel



• "A" Risev tim bilong Lagutas Panthers i sanap long fil bipo long gran fainal bilong Porebada op sisen resis.

SAM YAKAM i raitim

GREN fainal bilong Porebada op sisen ragbi lig resis ausait long Mosbi siti i bin kamap namel long Laguta Panthers na Tuvalu. Dispela gem long las wik Februeri 15 i bin pulim moa long 4,000 manmeri na pikinini i kamap long lukim.

Ples Porebada i save kam pilai long Mosbi Winfield Lig resis aninit long olpela strongpela tim, DCA.

Presiden bilong DCA Ragbi Lig klap, Heagi Asaiah i tokim RLN olsem dispela em i bikpela gem bilong ol pilaia. Na tu long ol opisal long makim tim bilong pilai long DCA klap long pri sisen na sisen propa resis bilong Mosbi Winfield Lig resis.

Tuvalu wantaim ol

representativ pilaia olsem Greeny Mea na olpela Kumul kepten na het kosa nau bilong DCA, Arebo Taumaku i kirapim planti hetpen stret long ol pilaia bilong Panthers long pinis na stat bilong gem.

Helpim Taumaku wantaim Mea long beklain em Tabe Mea, Arere Arua, na hap bek Lahui Vele.

Ol dispela pilaia i stapim Panthers i stap long 22 mita mak inap long 20 minit olgeta. Panthers tu i gat ol biknem pilaia olsem Dairi Kovae, Mea Morea, na Gau Morea Gam Lohia i stap. Tasol Tuvalu i no givim wanpela sans long ol i ran i go insait long mak bilong ol.

"I no gat Kumul pilaia sapos yumi yet i pilai," dispela em wanpela toktok tasol i stap long het bilong olgeta wan wan pilaia bilong

Tuvalu. Olsem na 10-pela minit bihain long taim referi E. Lohia i statim pilai, senta Arua Lahui i no westim taim long skoarim namba wan trai bilong Tuvalu.

Dispela trai i soim gutpela gem bilong ol beklain pilaia. Ol pilaia olsem Morea Taumaku wantaim Geeny Mea na winga Arere Arua i bungim tingting long sait lain na tromoi bal long namel. Dispela bal i pundaun long han bilong Arua Lahui long brukim strong bilong beklain pilaia bilong Panthers, Hitolo Homoka wantaim senta Rei Tau na prop Lahui Gau long skoarim trai.

Greeny Mea i stretim leg na putim tupela poin long bringim skoa i goap 6-0. Tuvalu i stapim Panthers long bekim trai bilong em inap long hap taim.

Long namba tu hap tupela tim wantaim i



• "A" Risev tim bilong Gwadus husat i winim fainal isi long han bilong Laguta Panthers bikos ol i kros na wokabout i go aut long fil. Tingting bilong win i kamap pastaim long het bilong Kepten Lens Soge. Olsem na win ya i kam isi tasol long han bilong em.

kam insait wantaim planti gutpela stail bilong pilai. Tasol Tuvalu i no larim Panthers i smelim mak bilong em liklik.

Planti sapot i kam long ol sapota bihain long 12-pela minit bilong namab tu hap.

Dispela i kirapim bel na tingting bilong Panthers long skoarim trai.

Ol pilaia bilong Panthers i kamapim strongpela gem na kisim pilai i go insait long mak bilong Tuvalu. Ol i stapim Tuvalu long bringim pilai i goap gen

long mak bilong Panthers.

Kovae long faiv et posisen wantaim helpim bilong hap bek Hitolo Homoka i traime hat tru long skoarim trai. Tasol Tuvalu i sanapim strongpela banis stret.

Moa long 7-pela minit i stap yet na ol beklain pilaia bilong Panthers bungim pilai Bali flai i go long winga Gam Lohiam na em i tromoi bal i go insait long namel gem. Strongpela gem i kamap long

Mutrus Brothers em nupela sempion bilong Hohola Grasruts op sisen lig

GREN fainal bilong Hohola Grasruts op sisen lig long Mosbi i bin kamap namel long

Figie Pathers na Mutrus Brothers long las wiken, Sande Februeri 16.

Long dispela gem, planti sapota i bin pairapim maus taim gem i stat i go inap

pinis. Mutrus Brothers wantaim ol strongpela pilaia olsem olpela Kumul

pilaia, Suka Petoa wantaim Sawi Kaeta na smok balus winga bilong Air Niugini, Mag-

ilo Ama i putim paia long Mutrus long stat bilong gem, na pinisim pilai wantaim gutpela skoa.

long pinis bilong hap taim. Dispela em ainman Albert Larry yet i abrusim winga bilong Panthers na putim bal



• Mutrus Brothers "A" gret tim husa t i daunim strong bilong Figgy Panthers long gran fainal bilong Hohola Grass Ruts Op Sisen Lig i sanap wantaim wanpela tumbuna bilong ol. Tumbuna ya brukim posta bilong pas-taim long pilaia i go aut long fil. Mutrus i bagarapim sindaun bilong Panthers 24-10.



• Figgy Panthers husat i kamapim strongpela gem egensim Brothers long gran fainal bilong Hohola Op Sisen Lig. Tasol em i lusim dispela gem long han bilong Mutrus 24-10.

Winga Magilo i holim bal insait long 12 mita mak 5-pela minit i go insait long namba wan hap. Em sisti long narapela 88 mita na skoarim gutpela senta trai. Petoa yet i kisim taim na kikim gut kik bilong tupela poin long bringim skoa i goap long 6-0.

Bihain long dispela trai, tingting bilong Mutrus Brothers i kirap long skoarim moa trai. Tupela minit bihain long namba wan trai, kepten Allan Amae i soim em yet long skoarim narapela trai.

Panthers long narapela sait i no soim stail long stat bilong gem. Dispela i givim sans long Magilo Ama, Petoa, Lawrence Daowe na Genamo Gogowa long senta long brukim strongela banis na stretim rot bilong ol arapela pilaia long skoarim trai.

Ol beklain pilaia bilong Mutrus i sanapim gutpela banis stret wantaim ol strongpela takel. Na tu kamapim planti strongpela ran insait long mak bilong Panthers. Panthers i no gat gutpela tingting long yusim ol hevi fowat bilong em. Na dispela i stapim olgeta strong bilong bringim bal i go insait long mak bilong Mutrus Brothers.

Planti taim bai ol pilaia i kisim bal na ran wan wan. Na i givim planti het pen long ol yet. Mutrus i lukim olsem Panthers i pilaia olsem na suvim het long skoarim narapela tupela moa trai long namba wan hap.

Namba tri trai i kamap faivpela minit klostu

long pinis bilong hap taim. Dispela em ainman Albert Larry yet i abrusim winga bilong Panthers na putim bal long han bilong Ama long skoarim namba tu trai bilong em.

Petoa i stretim leg na kikim konvesen long bringim skoa i goap long 18-0 long hap taim.

Bihain long hap taim Panthers i kamapim strongpela gem. Ol beklain i strongim difens na stapim Mutrus long stapim ol gen. Panthers i no larim Mutrus smelim gol mak bilong em inap long 15 minit olgeta. Wanpela liklik sans i kamap na bal i pundaun long han bilong fowad pilaia Geko "smallman." Em i kisim bal na lusim long han bilong Larry long bringim bal i go klostu long mak bilong Panthers.

Dispela i kamapim sampela spes long mak bilong Panthers na Larry yet kisim bal na putim han bilong narapela poro bilong em long putim laspela trai. Dispela skoa i kamap 10-pela minit klostu long pinis bilong gem.

Panthers i stap bek na strongim olgeta dipatmen bilong em. Sikspela minit i stap yet na winga bilong Panthers i brukim 4-pela difens long putim namba wan trai 6-pela minit long pinis bilong gem. Konvesen bilong dispela trai i no gutpela na skoa i stap 24-6.

Stat bilong gem na namba 10 pilaia i yusim bodi bilong em long brukim difens bilong Mutrus na skoarim las trai. Dispela trai i kamap tupela minit klostu long pinis bilong gem.



Major Sponsors of Port Moresby Pre Season Rugby League 1992.



SIPAK MAIK

NAI OL I KAM KLOSTU LONG LAE NIA MAIK I SINGAUT IGO AULSAIT LONG TUMBUNA LONG TOKSANE... TASOL HUSAT BAI HARIM...



MAIK TU IGO SEKIM... SAMPELA OL BIA KATEN TU INO STAP...

TUPELA KAM INSAIT LONG LAE NA GO STRET LONG WE-HAUS BILONG SALIM BOTOL...



EM BELHAT NOGUT TRU LONG TUMBUNA BILONG EM...

ANKOL BILONG MAIK IGO SEKIM TUMBUNA, TASOL TUBUNA I NO STAP...



TUPELA KROS LONG TARANGU LAPUN YAH NA OL I KIRAP NOGUT LONG LUKIM EM WOKABAIT I KAM...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim - emi tru!

REBO

NAU REBO TOKIM OL LONG SAMPELA OL SAMTING OL NOKEN MEKIM LONG TAIM BILONG TRENING...



HARIM GUT NA BIHAINIM... TAIM LONG TRENING, NOKEN DRING BIA! TAIM BILONG YUMI DRING BIA. EM TAIM PILAI TRU I PINIS...

NEKS DE OLGETA GO BEK WOK... REBO WOK I STAP NA IAN RINGIM EM...



HALOU, REBO, HA! IAN, YU LAIKIM WANEM?...

....REBO! HA! HA! HA! MI LAIK PAINIM-AUT SAPOS YUPELA NA REDI LONG SALENSIM MIPELA TUMORA!.. OLSEM NA MI RING...

LONG APINUN REBO LOKIM DUA BILONG BENK NA TOKSAVE LONG OL BOIS BILONG EM LONG NOKEN DRING LONG NAIT...



HEY, JEFF! TOKSAVE LONG OL BOIS OLSEM OL INO KEN DRING TETE LONG NAIT! BAI YUMI PILAI TUMORA!

NO WARIS KOSA! BAI MI TOKSAVE NA REDI LONG TUMORA!

NEKS DE EM SARERE... OLGETA BOI I REDI NA GO DAUN LONG RAGBI FIL... LONG HAP, REBO MEKIM SAMPELA TOKTOK LONG OL...



OKE, BOIS! MI BAI PILAI LONG HAP TAIM... YUPELA MAS PILAI STRONG... YUMI MAS SOM OL OLSEM YUMI MAN!

NO WARIS KOSA! BAI MIPELA TRAIM BEST BILONG MIPELA!

EM NAU! MI PILIM OL SEM BAI MIPELA WIN TETE!

NAU REFERI WINIM WISEL NA TIM BILONG REBO RON I GO AUT PAS...



GUT LAK BOIS!!

TIM BILONG IAN KIK-OFF... NA FULL-BEK BILONG P.N.G.B.C. KISIM CUT TRU...




EM NAU, TONI! PAHA I GO!


OOFF!

OL SAVEMAN BILONG BISNIS YUSIM OL!


Lister




LT1 5 K.V.A.
● TOTALLY PORTABLE ENERGY SOURCE
● IDEAL UNIT FOR VILLAGE LOCATIONS



TS2 8.5 K.V.A.
● 3 PHASE OR SINGLE PHASE POWER
● COMPACT AND EFFICIENT



HR3 26.25 K.V.A.
● IDEAL COMMERCIAL BACKUP SYSTEM



CS6 58 K.V.A.
● INDUSTRIAL CAPACITY
● WILL HANDLE MAXIMUM DEMAND FOR POWER ANYTIME

Brian Bell Stores

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966

Phantom



Ol birua i pait wantaim ol kru bilong sip .. Kit Walker .. Pikinini bilong kepten tu i pait.



... Kit kisim bagarap na pundaun. Sem taim em lukim ol birua kilim papa.



Moa long 400 ya i go, Kit wangepa i stap laip bihain long birua ya. Ol busman bilong Bangalla nambis painim em ...



Ol karim em i go insait long hui bilong wangepa maunten we i gat pes bilong man.



Wangepa de, long nambis .. em lukim bodi bilong man i kilim papa bilong em.



Em holim bun het bilong birua ya, na mekim promis. "Laip bilong mi nau em long bagarapim ol birua man, bringim lo na oda, ol pikinini man bilong mi



Pikinini na ol tumbuna bilong em i binainim dispela promis.

Dispela dewel man ya ... Man husat i no inap long dai.



Ol Phantom bilong mipela ... 21 Tumbuna na lain bilong em ... em wangepa save pait.

NEXT WEEK: BROTHERS

Flash Gordon



Mi ken stretim sip. Ol birua i yusim wangepa oltaim bom ya we ol i yusim blak pawa.



Wangepa sik nogut i bin kilim indai olgeta Largan pipel.

Tasol yu tok ol Largan i dai long 60,000 yia i go pinis.



... ating ol i mas tumbuna bilong sampela lain husat i bin kam hia long bipo tru, na i no inap go bek.




Bikos sip bilong ol i bagarap.

Na ol nupela Largan pipel i kamap planti yia bihain ..

Ol i mas stap long maunten long hap sait ya.

Flash i stap antap long dispela maunten klostu long wangepa wara.

Tasol bilong wanem na ol bomim sip bilong Xan?



Ating Flash i mas kamap long dispela maunten nau.



Sapos mi kamap pas, bai mi bungim man husat i bomim sip bilong mipela.



Husat i kisim dispela bokis long haus lotu, ating mas i gat rait ya ...



1991 by King Features Syndicate, Inc. World rights reserved.

MICKEY MOUSE



"Laikim: Ol balus wokman."

Bai mi traim.



Mi no wok tu ya, mi traim!



Mickey, mi pinis wok long ples bilong lukautim ol enimel. Mi go inteviu nau long balus faktori.



Ol painim ol wokman bilong balus.

Gut lak



Tenkyu, mi laikim sapot stret. Mi no gat ekspiens long balus.



Orait, mi harim long las wok bilong yu, na mi ting yu gat ekspiens em mipela laikim.



Mickey, mi bai wok wantaim ol smok balus!

Bai mi kam nau!



Dispela wok bilong wasim ol bikpela enimel helpim mi long kisim dispela wok.



Yu laik mekim pren bilong yu i tingim yet PNG long taim bihain o nogat?

Sapos olsem orait baim buk bilong mipela "Papua New Guinea El dorado of the South Pacific". Dispela buk i gat 132 pes na olgeta poto em kala tasol bilong olkain pipel, samting long kantri stat long nambis bilong Papua, i go antap long maunten bilong Hailans, i go long nambis bilong Momase rijon na brukim solwara i go long Niugini Ailan. Mipela bai salim tu dispela buk long haus bilong PNG long taim bilong Expo '92 long Sevil, Spein.

Salim oda bilong yu wantaim dispela fom i kam nau long mipela. Kos bilong dispela i karamapim tu kos bilong salim long pos opis.

Mi laikim (.....) buk bilong "Papua New Guinea El dorado of the South Pacific" long kos bilong K25 long wanpela buk. Mi salim tu wanpela bengsek o postel oda mani inap long K.....bilong baim buk i go long:

PNG UNIVERSAL EXPO '92, PO BOX 1786, PORT MORESBY, PAPUA NEW GUINEA.

Nem bilong yu:.....

Adres:

Long save moa long dispela, toktok wantaim mipela long telipon namba 21 7433 o fax namba 21 4316.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.